

AKARERE KA MUHANGA
UMURENGE WA KIBANGU
G.S JURWE
5LFK

IMBÛUMBANYÎGIISHO Y'ÎSOMÔ
RY'ÎKINYARWAANDA

(Ukwaakira 2021- Nyakâanga 2022)

Byaâteguwe
na
NDAYISENGA
Zephilin

INTEGO:

M, B.A.U.K,U.I,U.I.U.G:

MUNYESHURI, Ba Aho Ugomba Kuba, Uhabere Igihe, Uhakorere icyo Ugomba Gukora.

IBIRIMO

IBIRIMO	1
UMUTWE WA MBERE: UMUCO NYARWANDA	3
IGISIGO: BABYIRUKANYE INGOGA MU GUTAMIRA	4
I.A. IBISIGO BY’UBUSE	4
I.b. URWENYA NA BYENDAGUSETSA.	6
I.c. AMAZINA Y’URUSOBE	7
I.d. IBYIVUGO	12
I.e. AMAZINA Y’INKA	15
IGIHEMBWE CYA 2	28
UMUTWE WA II: UBURINGANIRE	28
AMASAKU MU NTERURO Y’URUSOBE	28
ISESENGURA ry’ IMPUGUKIRWA	30
UMUTWE WA 3: UBUZIMA BW’IMYOROROKERE	31
Ikinamico: MPANA UWANGE YANANIRA NTI: “RAMVURA INGOMA WIME”.	31
IKINAMICO	31
INYANDIKO NYEJWI	34
INYAJWI	35
INYANDIKO NYEJWI N’INYANDIKO ISAZWE	38
UMUTWE WA 4: KUBAKA UMUCO W’AMAHORO	40
INYANDIKO NYEJWI	40
Inshoza y’igihekane.	40
UMUTWE WA 5: KUBUNGABUNGA IBIDUKIKIJE	48
UMWANDIKO: IBIDUKIKIJE INKINGI Y’UBUZIMA	48
INYANDIKO NYEMVUGO	48
IGIHEMBWE CYA 3	53
UMUTWE WA 6: GUKUNDA IGIHUGU	53
6.3. INAMA	58
6.5. INYANDIKO MVUGO	59

UMUTWE WA 7: ITERAMBERE	62
7.2. INKURU NGUFI: KANKERA MURI BANKI (PG 168)	62
RAPORO.	65
UMUTWE WA 8: ITUMANAHU N'IKORANABUHANGA	67
8.2. INYUNGURAMAGAMBO.....	67
AMOKO Y'INYANGINGO	69
IMPAPURO ZAGENEWE KUZUZWA	71
AMAGAMBO YABUGENEWE	75
UMUTWE WA 9: IBIYOBYABWENGE	76
9.2. INSHOBERAMAHANGA	76
IYIGANTERURO:	78
UMUGEREKA.....	80
UTURANGO TWIKESHAMVUGO MU BUSIZI NYARWANDA BWUBU	80
1.INJYANA.....	80
2. ISUBIRAJWI	82
3. ISUBIRAJAMBO	84
4. IMIZIMIZO	84
4. 2. IHWANISHA	85
4. 3. IYITIRIRA	85
4. 4. ISHUSHANYA	85
4. 5. IMIBANGIKANYO.....	86
4. 6. IKOSORA	89
4. 7. ITIZABUMUNTU (BUNTU)	89
4. 8. ININURA (IRONIE) IGERURA (LITOTE).....	89
4. 9. IMIGORONZORANGANZO	90

UMUTWE WA MBERE: UMUCO NYARWANDA

Umuco ni iki?


Ijambo **umuco** rikomoka ku nshinga “guca”, akaba ari yo mpamvu bagira bati: “Uyu mwana afite ingeso nziza aca kuri se cyangwa kuri nyina”. Ibi bisobanura ko umuco ari ibyo dukomora ku batubanjirije.

Ariko kandi, nk’uko Ishami ry’Umuryango w’Abibumbye ryita ku burezi, ubumenyi n’Umuco (UNESCO) ribivuga, umuco ni *uruhurirane rw’uburyo n’ubushobozi abantu bubaka amateka y’imibereho n’imibanire byabo bahereye ku bumenyi bakomora ku bakurambere babo. Ubwo bumenyi bugaragarira mu bugeni, ubuhanzi, ururimi n’amarenga bakoresha mu kuganira no guhererekanya amakuru cyangwa gutumanaho. Ibyo byose bikababera nk’igicumbi k’imihango n’imigenzo bemeranywaho, ibafasha kubaho, kwitwara neza no gukora ibikwiye mu muryango [UNESCO, 1982].*

Umuco ni ishingiro ry’ubumwe bw’abenegihugu kuko bawusangiye, ukabaranga. Ni ishingiro ry’ituze mu muryango w’abantu kuko uhuza abenegihugu mu mikorere, mu mihango, mu migenzo no mu bihangano byabo.

Umuco w’umuntu ntuvukanwa, ahubwo uratozwa. Utandukanye na kamere muntu kuko wo ari imyitwarire, imitekerereze, ubumenyi, imyemerere umuntu agenda ahererekanya n’abandi bitewe n’ahantu batuye, amateka yabo n’ibibakikije. Ni na wo uyobora abawusangiye mu ruhando rw’amahanga, bigatuma abenegihugu bagira uko bateye n’imyifatire ibatandukanya n’abandi.

Uko ibihe bisimburana, umuco wubakwa n’ibintu bitatu (3) bisobekeranye ari byo umurage, ibitirano n’ibihangano, nk’uko bigaragara muri iki gishushanyo.



Umurage ni ibyo abakurambere badusigiye kandi tugenderaho nk’ururimi, ubuvanganzo, imihango, imyemerere, imitekerereze, imikorere, imyitwarire, n’ibindi.

Ibitirano ni ibyo tuvana mu mico y’ibindi bihugu ariko bifitiye Abanyarwanda akamaro. Twavuga nk’amagambo ava mu ndimi z’amahanga (demokarasi, perezida, ishuri, karibu, akarango, terefone...); nk’imirimo y’amahoteri, imyuga ya sinema, ...); nk’iyobokamana rishya (abagatorika, abaporotesitanti, abayisilamu). Twavuga kandi n’imikorere mishya (kwambara imyenda, imiturirwa, n’ibindi...).

Ibihangano ni ibyo abantu bahanga bagamije gusubiza ibibazo barimo nk’abunzi, gira inka, umugoroba w’ababyeyi, inganda ndangamuco, n’ibindi.

Byavuye mu gitabo:

Inteko Nyarwanda y’Ururimi n’Umuco, INDANGAGACIRO Z’UMUCO W’U RWANDA, 2018, KIGALI, (pg 10)

IGISIGO: BABYIRUKANYE INGOGA MU GUTAMIRA

(Gusoma no gusesengura igisigo)

I.A. IBISIGO BY'UBUSE

Nk'uko tubikesha Inkoranya y'Ikinyarwanda mu Kinyarwanda no mu Gifaransa (2005:2103) «*Ubuse ni umushyikirano w'abase n'abantu bo mu bwoko bamarira baganira, ukarangwa no gushotorana no gutukana ariko ntibigire uwo birakaza* ».

Iyo nkoranya kandi ikomeza itubwira ko: “*umuse ari umuntu wo mu moko y'abasangwabutaka usimbura nyir'urugo mu mihango imugenewe iyo atabonetse, agakura ubusame mu bibanza bishya cyangwa akeza abapfushije n'ibindi.*”

Amoko amwe agira ubwoko bw'abase yihariye, andi agafata ubwoko bw'abase bubonetse bwose. *Urugero: Umuse w'Abanyiginya ni Umuzigaba, uw'Abazigaba n'Abagesera ni Umusinga.*

Aha umuntu yavuga ko guterana ubuse byari *ugukina no kuganira bifashishije amagambo asa n'asesereza*. Ibi byo guterana ubuse babikoraga ari ibikino byo kwiganirira no kwisekereza rubanda.

Abasesenguye neza ibisigo by'ubuse basanze bihimbitse, nk'ibisetso ndetse birenze ibisetso bigasa n'ibisebanyo. Ni inganzo yaba yaravukiye mu matorero y'intore, aho wasangaga abantu biga kuvuga neza, bagacyocyorana ntihagire urakara; uwarakaraga mu biganiri bamwitaga igifura kitazi kuba mu bandi bahungu cyangwa akitwa umunyamusozi. Abantu batazi gutarama barakazwaga n'ibyo bisigo babitaga ibifura.

Uturango n'akamaro k'ibisigo by'ubuse

Abahimbaga ibisigo by'ubuse, babaga bagambiriye gusetsa abandi bahungu. Mu basizi bazwi baba barakenetse inganzo y'ibisigo by'ubuse harimo Musenyeri Alegisi Kagame. Yaje guhimbazwa n'iyi nganzo y'ibisigo by'ubuse maze arayigana ahimba umuvugo muremure yakubiye mu gatabo yise “Indyoheshabirayi”.

Muri ako gatabo Kagame atera ubuse umwami Mutara Rudahigwa n'abatware be. Ako gatabo kasohotse bakiriho ariko nta wamurakariye kuko bose bari bamenyereye iyo nganzo.

Kagame ararondora ubusambo bw'abatware ku nyama y'ingurube, aragaragaza abanyaporitiki bo hejuru (umwami n'abatware) ko ari abantu nk'abandi bashobora gucuranwa. Aragaragaza kandi ko no mu bwami hatakiri ibintu by'ibanga bituma ibihakorerwa bitamenyekana muri rubanda.

Ingero: 1.

690 Kamuzinzi¹ akebuka Umwami,
Ati: "Abasaza mubahe amayoga,
Ni yo bakunda bari mu birori!
Nyamara ngusenge uri nyiri u Rwanda
Ungabire imyanya ya bane muri bo!"

695 Mutara ati: "Imyanya sinyitanga,
Kuko nshaka kuyikubira!
Bambe Umwami nta bwo agabura!"
Kamuzinzi agira ikimwaro;
Ngo akikure azinga icyanwa;

700 Akaraga azungije mu gahanga;
Ati: "Ni jye utegeka Ubugoyi bwose
Ushaka itabi ampe iye sahani!"

[...] Indyoheshabirayi umuvugo VII: Igeze i Kigali mu birori irabitegurirwa.

Iyi nganzo yagiye itorwa na bamwe mu basomye umugendo w'ibyo Musenyeri Alegisi Kagame yagezeho mu "Ndyoheshabirayi", birabakundira nubwo hari abagiye bahuriramo n'utubazo. Mu bahiriwe n'inganzo y'ibisigo by'ubuse havugwamo Gasimba Faransisiko Saveri. Mu byo yahimbye harimo: "Ikivugo k'imfizi Bangaheza", "Isiha rusahuzi",...

Mu gutura ibisigo cyangwa kubivuga, nta cyo umusizi yari ahejwe kuvuga. Musenyeri Alegisi Kagame abyemeza yivuye inyuma ko nta musizi wagombaga kuzira ibyo yavuze. Ikindi ni uko ibisigo byari bigenewe guturwa umwami gusa. Nyamara ntibyabujije abasizi bamwe kujya batandukira bakaba batura ibisigo byabo abo bishakiye bigafatwa nko gusuzugura umwami, bakagwirirwa n'akaga kubera imyitwarire yabo. Yewe hari n'abagiye bazira ivuzivuzi ryabo; ibisigo byabo bitashimishije umwami.

Ingero zikurikira zirabitsindagira.

1. Musare yarowe nabi na **Kigeli Ndabarasa** ndetse agarukira hafi yo gutangwa.

Dore uko byagenze; *Umwami yari yarateye i Ndorwa arayitsinda ahashinga umurwa atinda kugaruka mu Rwanda. Abantu bagahora bagira bati: "None umwami wacu yazagwa mu mahanga byazagenda bite?" Abiru babibwira Musare na we ati: "Nzamubabariza". Ubwo yahimbye igisigo kitwa "Mbwire umwami uko abandira bami bantumye". Icyo gisigo cyari giteye nk'aho ari ubutumwa yabwiwe n'abagabe n'abagabekazi babanjirije Ndabarasa, kikagira kiti: "Bategereje ko ucyura iminyango ukayibamurikira". Musare yageze aho arerura ati: "Ukwiye gutekereza ugataha ukajya gukora impamba yo kuzatura i Munanira". Umwami yumvise ko ashobora gutanga atarataha ati: "Ararogose". Baramufata bamugumisha aho ategereje gutangwa. Mbere yo kumutanga Ndabarasa atumiza Kibarake cya Musare amushinga guhimba igisigo cyo gusubiza se. Yahise ahimba igisigo yise "Batewe n'iki uburake?" Ariko kuvuga ngo barakajwe n'iki abo bami? Kimaze kuzura, Ndabarasa agifata mu mutwe atumiza Musare arakimubwira. Buri mwami mu bo Musare yari yaravuze cyamugeneraga igisubizo, hanyuma*

¹ **Godifridi Kamunzini** yatwaraga Ubugoyi.

kikavuga uko ibihugu byose bigize u Rwanda byagiye bitsindwa bikagarurwa, kikarangira kigira kiti: “Nk’ubwo abo bami barambiwe n’uko ntuye i Ndorwa kandi narahagize u Rwanda?”

2. **Barishaka** wo mu Rusenyi (Kibuye), yemeye ko bamutura igisigo, **Kigeli IV Rwabugili** aramutanga arapfa.

Umusizi kandi yagombaga guhora yitwararitse akavuga mu gisigo ke amagambo asingiza abami n’ingoma zabo.

3. **Ruhinda rwa Kinyukura** mu gisigo ke “Ndi umupfumu w’umwami”, yatuye Mazimpaka, yaratandukiye yerekana ko azi amabanga y’ubwiru yerekeranye n’imirwa abami bazaturamo bamuta ku ngoyi. Nyuma ariko ngo baje guperereza basanga ntawamumeneye iryo banga bamuvana ku ngoyi, Mazimpaka amuca ku mwuga w’ubusizi.
4. **Ngurusi ya Karorero** yabonye amakosa Kigeli Rwabugili yakoze ubwo yimikaga Rutarindwa utaragiraga nyina akamuha umugabekazi w’umutsindirano Kanjogera kandi na we afite umuhungu waba umwami abimubwira mu gisigo “Urugo rugwiye imbaga”, Rwabugili abyumvise ati: “Noneho si ugusiga ni ugusebanya”, amuta ku ngoyi, yumvise ingoyi imuriye yaka imbabazi mu gisigo “Ndi umuyoboke w’umwami”.

NB: Ntawashoboraga kwigira akami gato ngo ni uko ari umusizi, kugeza aho yivugira ibyo ashatse kandi bizagera ku mwami Nyiri u Rwanda.

I.b. URWENYA NA BYENDAGUSETSA.

Urwenya na byendagusetza ni inkuru zisetsa cyane ku buryo umuntu uzibariwe ababaye cyangwa arakaye acururuka. Izi nkuru hari ushobora kuzibarirwa zimuvuga nabi akarubira, akarya karungu, akaba yakwadukira abantu akabahutaza. Urwenya na byendagusetza ni kimwe mu biranga umuntu warezwe, wabanye n’abandi. Ubwiwe izi nkuru akagaragaraho ubunyamusizi aba abuze akarango k’intore.

Byendagusetza ariko yo bavuga ko yenda gusetza kuko mu by’ukuri bavuze ngo irashekeje mbere y’uko ibarwa ntawaseka iby’iyo nkuru igiye kuvugwa.

Uturango tw’urwenya na byendagusetza

Urwenya rurangwa no:

- *Kuba ari amagambo cyangwa imyifatire y’umuntu bisetsa abandi.*
- *Hakoreshwamo amagambo aterekeranye, cyangwa hakabaho kuvugishwa kubera impamvu iyi n’iyi ku buryo bisetsa ababyumva.*

Byendagusetza yo irangwa no:

- *Kuba ari agakuru kagufi gasekeje, cyane kubera ko ibivugwamo bidashoboka, cyangwa bidakwiranye n’aho bivugiwe cyangwa n’ubivuze.*

Ari urwenya cyangwa byendagusetza byose biba bigamije gusetza no gushimisha abantu.

Urugero:

Umwana wakundaga kubona se ataha yasinze yanyoye nzobya, anuka urwa bitoki kandi agahora yumva iwabo bavuga ngo ni abakene, yari kumwe na nyina bajya ku isoko bageze mu rusisiro rwarimo utubari twinshi, umwana yumva inzoga zitangiye kumuhumurira afata nyina ukuboko ati: “Unama nkubwire!” Nyina arunama, umwana ati: “Mbonye ko abantu batubeshyera ngo turi abakene? N’ukuntu dufite amazu menshi gutya!” Nyina ati: “Ayahe mazu se mwana wa?” Umwana ati: “Aya yose yubatse hano se ntiwumva ko ahumura nka papa? Ubwo se yose si ayacu?”

I.c. AMAZINA Y’URUSOBE

Iyo bavuze izina ry’urusobe twumva izina rishobora kugira uturemajambo turenze udusanzwe tw’izina nyakimwe(D-RT-C). Iyo usesenguye izina ry’urusobe usanga rifite indomo ebyiri, indangazina ebyiri, ibicumbi bibiri cyangwa se ugasanga rifite indomo, indanganteko n’igicumbi, ariko rikagira n’ubundi bwoko bw’ijambo bwiyomekaho.

Ubwoko bw’amagambo ashobora kwiyomeka ku izina nyakimwe rikabyara izina ry’urusobe hari ikinyazina, umusuma n’akabimbura gishobora kwihagika mu izina nyakimwe rikabyara izina ry’urusobe.

Uturango tw’amazina y’urusobe

Amazina y’urusobe tuyasangamo amoko atandukanye:

- *Amazina y’inyunge.*
- *Amazina y’akabimbura*
- *Amazina y’umusuma*
- *Amazina agaragaza amasano.*

Amazina y’inyunge Inshinga yiyunga n’ijambo rikayibera icyuzuzo mbonera cyangwa nziguro.

Urugero: Icyuzuzo mbonera: Umumenamabuye

Icyuzuzo nziguro: Umuvamahanga

a) Igice cya kabiri ari izina

Ingero: Amatakirangoyi, Imvugoshusho, Abacamanza, Abashinjacyaha, ...

b) Igice cya kabiri ari ntera. *Ingero: Ubujyahabi, Umubagito, inshamake, ...*

c) Igice cya kabiri ari imbundo *Ingero: Umwigaguhuma, Indiragukinduka, ...*

d) Igice cya kabiri ari ikinyazina

Ingero: Umuvandimwe, Ikimenyabose, Imberabyombi, Amaburakindi, ...

e) Igice cya kabiri ari umugereka

Ingero: Ikiryakare, Umugiranabi, Umugiraneza, ...

Amazina y’akabimbura

Akabimbura ni akaremajambo kihagika imbere y’izina risanzwe mu rurimi bikabyara izina rishya.

Ingero:

1. Akabimbura **-nya-** kagira ingingo y’ikinyazina ngenera Ikinyamateka Umunyamuryango Umunyenzara Umunyamakuru Umunyeshuri

2. Akabimbura **nyiri-** gafite ingingo isa neza n’iy’ikinyazina ngenera.

Ingero: Nyirumuringa, Nyirurugo, Nyirimpuhwe, Nyiribambe, Akabimbura **nyira-** iyo kihagitse mu mazina bwite y'abantu kagira ingingo y'igitsina gore. Ingero zikurikira zirabigaragaza.

Ingero: Igikari, Nyirabikari Intabire, Nyirantabire Intama, Nyirantama,

...

3. Akabimbura sa- cyangwa **se-** gafite inyangingo y'ikinyazina ngenera. Iyo kihagitse mu mazina bwite usanga afite ingingo y'igitsina gabo kandi nta ndomo ayo mazina mashya agira.

Ingero: Amahoro: Semahoro Uburo: Sebuho Umusure: Samusure,

...

4. Akabimbura **-ene-** gafite ingingo nk'iy'ikinyazina ngenera. Amazina bwite agafite akunze kuba ari amazina rusange. Gashobora kandi kongerera izina kihagitsemo ingingo igaragaza isano abantu bafitanye.

Ingero: Imana: Benimana Ihirwe: Benihirwe Ikenewabo, ...

5. Akabimbura **-ka-** kifitemo ingingo ivuga ngo **"umugore wa"** Usanga kiganje mu mazina bwite y'igitsina gore. Zimwe mu ngero zikurikira zirabigaragaza:

Ingero: Amacumu: Mukamacumu Urutamu :Mukarutamu Indera:Mukandera, ...

6. Akabimbura **-a-** gafite ingingo y'ikinyazina ngenera Gakoreshwa cyane mu mazina bwite kandi amazina kihagitsemo nta ndomo agira.

Ingero: Inkazi: Kankazi Amagana: Rwamagana Imana : Kamana Imanzi: Kamanzi

...

Amazina y'urusobe afatiye ku musuma –kazi

Umusuma ni akaremajambo kongerwa ku ijambo rishobora kubaho ridafite aka karemajambo – kazi.

Ingero: umupfakazi, umunyarwandakazi ...

Amazina afatiye ku musuma -azi

Ingero: Ibitakazi, umugabazi,...

Amazina y'urusobe afatiye ku masano y'abantu

		bukwe	buja	rume	senge	Kuru(za)
Ng ¹	Igitsina gabo	datbukwe	databuja	Marume	-	Sogokuru(za)
	Igitsina gore	mabukwe	Mabuja	-	masenge	Nyogokuru(za)
Ng ²	Igitsina gabo	sobukwe	Shobuja	Nyokorome	-	Sogokuru(za)
	Igitsina gore	Nyokobukwe	nyokobuja	-	nyogosenge	Nyogokuru(za)
Ng ³	Igitsina gabo	sebukwe	Shebuja	nyirarume	-	Sekuru(za)
	Igitsina gore	nyirabukwe	nyirabuja	-	nyirasenge	Nyirakuru(za)

Ikitonderwa

1. Amazina y'urusobe yandikwa umujyho umwe. Gusa mu bisingizo, mu migani no mu mazina nteruro n'amagambo y'inyunge akabije uburebure (arenze amagambo ane), yandikwa atandukanyijwe agashyirwa mu twuguruzo n'utwugarizo.

Ingero:

- Umuhanurabinyoma,
 - Ubwo "Rumenerangabo Ntarindwa ku mukondo wa Rukaburabimashi" ati: "Ba!"
2. Akabimbura "so" kagira impindurantego "sho". Naho akabimbura "se" gakomoka ku izina **ise** cyangwa **se**, kakagira inyito y'umuntu w'igitsina gabo ufite cyangwa se utunze nyakuvugwa. Akenshi ayo mazina aba ari bwite. Usanga gakora nka "**nyira**" ikomoka ku izina nyina.

Urugero: shobuja, sebuja, serugo, sebatunzi, ...

3. Akabimbura "**nya**" gafitanye isano na "**nyira**", kakaba gakora kuri ubu buryo: Iyo **-a-** ya **nya-** ikurikiwe na **i** y'indomo cyangwa se y'indangahantu, iyo ndomo ishobora gutakara cyangwa zombi zikiyungamo - **e-** biturutse ku igenamajwi

Ingero: - Umunyenzara (u-mu-nya-i-n-yara) a+i→e

Impugukirwa:

"nya-" ishobora kuba akabimbura nyifuzo iyo yiyunze n'inshinga iri mu mbundo. Ingero: nyagutuma, nyakumanikwa, nyakubyara; ... naho akabimbura "nya-" gashobora kwiyunga n'ikinyazina cyangwa n'izina kagafata inyito yo guhamya (gutsindagira) ikivugwa.

Ingero: Dore inzu nyanzu, abakobwa nyabakobwa; bariya bazaba abategarugori nyabo.

Akabimbura nya- gashobora kwiyunga n'izina kakagira inyito y'utunze cyangwa ufite nyakuvugwa.

Ingero: Umunyamerwe, umunyamahanga, umunyabintu, umunyenzoga; ...

- Akabimbura sa- gashobora gukora mu mazina nka Saruhara Gasabwoya, Gasamagera, Sabato, Sakabaka,...

INTEGO Y'IZINA RY'URUSOBE

1. Amazina y'inyunge

Amazina y'inyunge afite igice cya mbere gikomoka ku nshinga.

a) Igice cya kabiri ari izina.

<u>Izina ry'urusobe</u>	<u>Uturemajambo/intêgo</u>	<u>Amategeko v'igenamajwi</u>
Imvugoshusho	i-n-vug-o- ø - ø -shusho	n→m/-v
Abashinjacyaha	a-ba shinj-a- ø -ki-aha	i→ø /-J; ky→cy mu nyandiko isanzwe

b) Igice cya kabiri ari ntera:

Ubujoyahabi	u-bu-gi-a-ha-bi	i→y/-J; gy→jy mu nyandiko isanzwe.
Umubagito	u-mu-ba-ki-to	k→g/-GR

a) Igice cya kabiri ari imbundo

Umwigaguhuma	u-mu-ig-a-ku-hum-a	u→w/-J; k→g/-GR
Indiragukinduka	i-n-ri-ir-a-ku-kind-uk-a	r→d/n-; k→g/-GR

b) Igice cya kabiri ari ikinyazina

Umuvandimwe	u-mu-vu-a-ø-n-da-i-mwe	u→ø/-J; a→ø/-J
Ikimenyabose	i-ki-meny-a-ba-o-se	a→ø/-J

c) Igice cya kabiri ari umugereka:

Ikiryakare	i-ki-ri-a-kare	i→y/-J
Umugiranabi	u-mu-gir-a-nabi	

Amazina v'urusobe afite akabimbura.

1. Akabimbura -nya-kagira ingingo y'ikinyazina ngenera

Ikinyamateka:	i-ki-nya- ø -ma-teka	
Umunyenzara:	u-mu-nya-i -n-yara	a + i→e

2. Akabimbura nyiri/nyira- gafite ingingo isa neza n'ikinyazina ngenera.

Nyirumuringa:	nyiri-u-mu-ringa;	i→ø/-J
Nyirimpuhwe:	nyiri-i-n-huhwe;	i→ø/-J; n→m/-h; mh→mp mu nyandiko isanzwe.

Akabimbura nyira- iyo kabimburiye amazina bwite y'abantu kagira ingingo y'igitsina gore.

Ingero: Nyirabikari:	nyira- ø -bi-kari
Nyirantabire:	nyira- ø -n-tab-ir-e

3. Akabimbura sa- cyangwa se- gafite inyangingo y'ikinyazina ngenera.

Ingero: Semahoro:	se- ø -ma-horo
Seburo:	se- ø -bu-ro

4. Akabimbura -ene- gafite ingingo nk'iy'ikinyazina ngenera.

Ingero: Benimana: ba-ene-i- ø -mana; a→ø /-J; e→ø /-J
 Benihirwe: ba-ene-i- ø -hir-w-e; a→ø /-J; e→ø /-J

5. Akabimbura -ka- kifitemo ingingo ivuga ngo "umugore wa"

Mukamacumu: mu-ka- ø -ma-cumu.

Mukandera: mu-ka- ø - n-rera; r→d/n-

6. Akabimbura -a- gafite ingingo y'ikinyazina ngenera;

Kankazi: ka-a- ø- n- kar-yi; r+y→z

Rwamagana: ru-a- ø-ma-gana; u→w/-J

Amazina v'urusobe afatiye ku musuma -kazi.

Uyu musuma ufite ingingo y'igitsina gore; ariko hari nubwo -**kazi** ivuga igitsina gabo.

Ingero: Umupfakazi: u-mu-pfu-a-kazi; u→ø/-J (*ashobora kuba umugabo/umugore*).

Umunyarwandakazi: u-mu-nya- ø-ru-and-a-kazi; u→w/-J

Amazina v'urusobe afatiye ku masano v'abantu

		bukwe	buja	rume	senge	Kuru(za)
Ng 1	Igitsina gabo	databukwe ø - ø -data-ø- bu-ko-e	databuja ø - ø -data- ø - bu-ja	Marume ø - ø - ma-ø-ø- se-n-gi-e	-	Sogokuru(za) ø - ø -soko- ø -kuru
	Igitsina gore	mabukwe ø - ø-ma- ø- bu-ko-e	Mabuja ø - ø- ma- ø - bu-ja	-	masenge ø - ø -ma- ø - ø - senge	Nyogokuru(za) ø - ø-nyoko- ø - kuru
Ng 2	Igitsina gabo	sobukwe ø - ø -so- ø - bu-ko-e	sobuja/ shobuja ø - ø -so- ø - bu-ja	Nyokorome ø - ø nyoko- rome	-	Sogokuru(za) ø - ø -soko- ø- kuru
	Igitsina gore	Nyokobukwe ø - ø nyoko- ø -bu-ko-e	nyokobuja ø - ø -nyoko- ø -bu-ja	-	nyogosenge ø - ø -nyoko- ø - ø -se-n-gi-e	Nyogokuru(za) ø - ø-nyoko- ø -kuru(za)

Ng 3	Igitsina gabo	sebukwe ø - ø - se- ø - bu-ko-e	sebuja/ shebuja ø- ø - se- ø - bu-ja	nyirarume ø - ø - nyira - rume	-	Sekuru(za) ø - ø- se- ø- kuru(za)
	Igitsina gore	nyirabukwe ø - ø nyira- ø - bu-ko-e	nyirabuja - ø - nyira- ø - bu-ja	-	nyirasenge ø - ø - nyira- ø - ø - se-n- gi-e	Nyirakuru(za) ø - ø - nyira- ø kuru(za)

I.d. IBYIVUGO

Ibyivugo ni ubuvanganzo nyarwanda bwahimbirwaga kurata ubutwari bw'ingabo.

Nyiri ukwivuga yashakaga kugaragaza ubutwari yagize ku rugamba cyangwa umugambi yiyumvamo wo kuzaba intwari mu bihe bizaza, akihimbira ikivugo cyangwa agashaka ukimuhimbira, akagitora(akagifata mu mutwe) kikagararamo ubutwari bwe.

Ibyivugo byatangiyeye ryari?

Biragoye kwemeza neza igihe ingeri y'ibivugo yatangiye. Ikizwi ni uko bimaze igihe kitari gito. Abahanga bemeza ko byaba byarahozeho na mbere y'ingoma ya Ruganzu II Ndori.

Uturango tw'ibivugo

Uwivuga yirata ubutwari yagize ku rugamba kandi agasingiza n'intwari ze.

Ibigwi n'ibirindiro.

Ibigwi: *ibikorwa by'akataraboneka uwivuga yagaragariye ku rugamba nko kwimana no kugarukira ingabo bagenzi be (kuzirengera) gutahana iminyago, kwibasira abanzi...*

Nanone kandi,

Ibigwi ni umubare cyangwa se amazina y'abanzi nyiri ukwivuga yatsinze ku rugamba
Naho ibirindiro ni aho umuntu yiciye umwanzi.

Uwivuga ashobora kubanza kuvuga izina rye agakurikizaho irya se hagati y'umukarago wa mbere n'uwa gatatu. Ayo mazina ashobora kuba nyayo ariko akenshi aba ari ibisingizo bya nyiri ikivugo cyangwa igisingizo ke gikurikiwe n'icya se. Mu kivugo hagati umuntu ashobora kugenda arobekamo ibindi bisigizo.

Igisingizo gihuzwa n'ikindi hakoreshejwe **ingenera** akenshi kiba ari ikindi gisingizo cy'uwivuga. Hagati y'ibisingizo hashobora kujya inshinga "ndi" igihe uwivuga akurikiranya ibisingizo byinshi. Muri make, imiterere y'ibivugo yubakitse ku buryo bukurikira:

1. Izina rishingiza(igisingizo)
2. Ngenera (ya, wa,rwa, wa,...)
3. icyuzuzo (izina rya so cyangwa ry'ikitiriro)
4. Ndi (inshinga)
5. Ruhamwa (icyo ufiteye ubuhanga)
6. Ibikorwa wagize

Urugero:

1. Mugabo utera ababisha ubwoba, 2. wa 3. Rutajomwa 4. Ndi, 5. Umushakamba rwose,
6. Abatwara inyamuzozi narabagumiye, Rugarama rwa Gikore nabaye igisibya cy'umutsindo, Ruhamanya akomeretse ndamwimana, mwima Abahirika n'Abinika bari baje ari abaziro ndabahakanira ko ntamuharishwa n'ibyuma kandi twarabyirukanye, ndamusezerera arisindagiza. Abaje kutuvuna basanze umuheto w'inkaka wigenza mu nzira nk'ubukombe bw'intare aho Abashakamba twaremye intambara.

Mu byivugo, uwabaga yarambitswe impeta y'ubutwari na we yarabyirataga mu gihe yivuga. Izo mpeta zari izi zikurikira:

1. **Umudende:** icyuma kimeze nk'umukwege bambaraga mu ijosi. Umudende wambarwaga n'uwabaga yishe ababisha barindwi abatsinze ku rugamba.
2. **Impotore:** Ni umuringa w'umuzinge wabaga uteye nk'injishi y'inyabubiri yambaraga ku kuboko kw'iburyo. Yambikwaga uwabaga yarishe abanyamahanga cumi na bane abatsinze ku rugamba.
3. **Gucana uruti:** uwabaga amaze kwica ababisha makumyabiri n'umwe abatsinze mu itsimbiro (ku rugamba) yacanaga uruti rw'icumu rye, akaba asonewe kuzongera gusubira ku rugamba.

d) Mu byivugo kandi dusangamo amagambo yihariye akoreshwa.

Ingero zikurikira zirabisobanura:

- Amakuza, iminega, injunga, bivuga **amacumu**.
- Inkwaya, umuronko, umurego, umukore, bivuga **umuheto**.
- Imisakura, intanage, ingobe, bivuga **imyambi**.
- Isuri, imfuruta, impenzi, inkuku, umurera, bivuga **ingabo**.

d) Ibyivugo, kimwe n'izindi ngeri z'ubuvanganzo birangwa n'uturango tw'ikeshamvugo dutandukanye nk'isubirajwi, isubirajambo, igereranya, iyitirira, ...

AMOKO Y'IBYIVUGO

Uretse utwivugo tw'abana (*ibyvugo by'abahomvu*), ibyvugo nyabyo byabaga birimo amoko abiri. Ibyvugo by'iningwa n'ibyvugo by'imyato.

Ingero: Amahomvu

Ndi umuhungu

Ndi umuziraguhunga

Nanze guhunga

Iwacu twaraye ubusa.

i. Ibyvugo by'iningwa:

Ni ibyvugo bihimbitse neza ariko bigufi.

Urugero

Rutajabukwa n'imitima

Rutajabukwa n'imitima,

Ingamba zimisha imituku, rwa Nyirimbirima;

Ndi intwari Inkotanyi yamenye.

Yanshinze urugamba rukora amaraso,

Ati: "Rwampingane!"

Nti: "Ndi Rukaragandekwe,

Nangana n'ababisha

Iyo duhuye ndarakara.”

(Kampayana ka Nyantaba Itorero: Ibisumizi Umutwe: Ingangurarugo.)

ii. Ibyivugo by’imyato:

Iktivugo k’imyato ni ikivugo kirekire gifite ibika bibiri cyangwa birenzeho bita imyato.

Uwivuga yitakuma afite icumu, asukiranya amagambo vuba vuba. Biba byiza iyo afite n’ingabo mu ntoki maze akivuga asa n’uwizibukira imyambi cyangwa amacumu y’umwanzi.

Ibyivugo by’imyato ngo byaba byaradutse mu Rwanda ku ngoma ya **Yuhi IV Gahindiro**. Uwadukanye guhimba ibyivugo by’imyato ni **Muvubyi wa Mutemura**, wo mu mutwe **w’Abakemba** mu rugerero rw’i **Munyaga** rwari rukumiriye inkiko y’i Gisaka. Iyo witegereje neza usanga hari inzira ebyiri Muvubyi yaba yarahereyeho yadukana iyo mihimbire:

1. Ingabo z’i Gisaka barasanaga zitwaga **Abatishumba** zari zifite ibyivugo byabo birebire byasumbaga iby’Abanyarwanda.
2. Mu Rwanda hari amazina y’inka yasemo imivugo; Muvubyi rero ashobora kuba yaribukijwe n’uburebure bw’iby’Abanyagisaka, agashaka kubigana ngo ahimbe ibirebire, ndetse akabatebya yiganiramo n’amazina y’inka.

Nyuma ye, uwabanje kumukurikiza agahimba na we iby’imyato ni **Rwabigugu rwa Kanyaruguru** wo mu itorero **Uburunga II** ryo mu mutwe **w’Abakemba**.

Ibyivugo by’imyato ntibyahimbwaga n’ubonetse wese, byari umurimo w’abahimbi b’intiti. Barihimbiraga ubwabo, bagahimbira n’abandi babisabye cyangwa bakabihimbira kubitura umwami n’abatware babo.

Umuhimbi w’ibyivugo wamamaye mu gukorera abandi mu ngata kubera kubura igihe cyangwa impano yo guhimba yarabihishe ni **Biraro bya Nyamushanja** wahimbye ikivugo gisingiza umuheto wa Kigeri IV Rwabugili kitwa **“Inkatazakureka ya Rugombangogo”**.

Ikitonderwa:

Uko bigaragara, ingoma ya gikoronize yaciye intambara mu miryango, yewe ikoma no mu nkokora u Rwanda rwakundaga gutera amahanga, ibyivugo bisigara mu biganiro byo gushyenga nk’uko bijya bigenda mu misango ya kinyarwanda, aho umuntu agenda yitaka yibeshyera ku manywa y’ihangu imbere y’imbaga kuko aba atavuga mu by’ukuri ubutwari yagize ku rugamba.

Ikindi ni uko buri Munyarwanda wese yagombaga kugira ikivugo. Iteka uwajyaga gusoma ku ntango, yagombaga kubanza ikivugo. Hari akaririmbo bateraga, nyuma ukabona kuroha ikivugo cyawe. Dore uko ako karirimbo katangiraga:

Nyundo we!

Uri inyundo, uri inyana ya Rukara rwa Ruyange, uri inyundo.

Yewe runaka (bakamuvuga mu izina) cyo ngwino uvuge icyo wamariye abandi bahungu uri inyundo...

Ibyivugo bya kera n’iby’ubu

Aho insanganyamatsiko y'urugamba imariye gutakaza igihe cyayo, Abanyarwanda batangiye guhanga ibihangano bijya kugirana isano n'ibivugo ariko atari byo. Havutse kandi n'ibyo twita **amayingabyivugo** (*ibivugo ku nzara, ku nyamaswa, kuri ruswa, ku bukene, ...*)

Ibyivugo kera	Ibyivugo ubu
Icyavugwaga ni ibigwi n'ibirindiro.	Havugwa ibyiza umuntu yakoze cyagwa yagezeho.
Ibyivugo byari ubuvanganzo nyemvugo nyabami bushingiye ku ntambara.	Ni ubuvanganzo nyemvugo cyangwa nyandiko buvuga ku bintu bitandukanye.
Byitwaga ibivugo.	Ubu ni ibivugo cyangwa amayingabyivugo.
Gukunda Igihugu ukakirwanira. Ibikorwa by'ubutwari ku rugamba. Ubuhanga ku rugamba. Ubwitange ku rugamba.	Hari insanganyamatsiko zitandukaye.

I.e. AMAZINA Y'INKA

INSHOZA Y'INGANZO Y'AMAZINA Y'INKA

Amazina y'inka yagereranywa n'ibivugo by'inka. Inka z'inyambo batangiye kuzirata cyane mu mivugo kuva kera, ariko imihimbire y'amazina y'inka yaje kwamamara ku ngoma ya Yuhi Gahindiro ahagana mu mwaka wa 1800. Kuva icyo gihe ni bwo abahanga mu byo kwita inka abisi batangiye kurebera inka mu bwenge, bakaziremesha ingamba. Inka baziremyemo imitwe bakayirwanisha. Buri mutwe wari ubangikanye n'umutwe w'ingabo nk'uko bigaragarira kuri iyi mbonerahamwe.

UMUTWE W'INGABO	UMUTWE W'INKA	INGOMA WAREMEWEHO
1. Abanyansanga	Insanga	Gihanga
2. Abakaraza	Imirishyo	Ruganzu Bwimba
3. Abariza	Ibirayi	Cyilima Rugwe
4. Abadaheranwa	Inshya z'i Remera	Mibambwe Mutabazi
5. Abadaheranwa	Inka i Rwanda	Ruganzu Ndoli
6. Abashakamba	Umuhozi	Mibambwe Gisanura
7. Abazirakubingwa	Ibinda	Yuhi Mazimpaka
8. Ababanda	Imitagoma	Yuhi Mazimpaka
9. Indara	Amarebe	Yuhi Mazimpaka
10. Nyaruguru	Inkondera	Cyilima Rujugira
11. Nyakare	Ibyiza	Cyilima Rujugira
12. Imbanzamihigo	Abazatsinda	Cyilima Rujugira
13. Abarima	Nyamumbe	Cyilima Rujugira
14. Indirira	Inyamuteri	Cyilima Rujugira
15. Abakemba	Imisugi	Cyilima Rujugira
16. Ababito	Inkungu	Kigeli Ndabarasa

17. Imvejuru	Inkabuzima	Kigeli Ndabarasa
18. Abashumba	Umuriro	Kigeli Ndabarasa
19. Abatanguha	Mpahwe	Kigeli Ndabarasa
20. Abakwiye	Amahame	Mibambwe Sentabyo
21. Impara	Impara	Mibambwe Sentabyo
22. Intaganzwa	Uruyenzi	Yuhi Gahindiro
23. Uruyange	Ingeyo	Yuhi Gahindiro
24. Inzirabwoba	Indirikirwa	Mutara Rwogera
25. Abahirika	Urugaga	Kigeri Rwabugili
26. Abarasa	Ingaju z'i Sakara	Kigeri Rwabugili
27. Abashozamihigo	Ingaju z'I Rwamaraba	Kigeri Rwabugili
28. Impamakwica	Ingaju z'i Giseke	

Buri mutwe wabaga ufite ibyiciro bitatu by'inka:

- *Amashyo y'inka yaremwe n'umutware w'ingabo*, amwe ari ay'inkuku andi ari ay'inyambo.
- *Amashyo y'abakomeye* bari abatunzi bo mu mutwe w'ingabo.
- *Inka z'imbata*. Izo zari inka za rubanda bo mu muri uwo mutwe w'ingabo. Inka ntizari ingabane, ni izo umuntu yabaga yarihiye ku giti ke. Izi nka bazitaga kandi inka z'ibiti.

Muri izi nka zose izo umwisi yitaga ni inyambo. Abisi barwanishaga **Ibihogo** (*ubushyo bwaremwe butowe mu Rwanda*) n'**Amagaju** (*ubushyo bwaremwe butowe mu minyago ivuye mu mahanga nko mu Ndorwa cyangwa Ankole*).

Umwisi yabaga agiye kwita nk'ubushyo bwo mu mutwe w'Ibihogo akabuteza umutware w'Inyambo, akabuteza umutahira n'abarenzamase bo mu bushyo bw'Amagaju. Umwami n'umutware w'ingabo, umwisi yirindaga kubateza inyambo cyangwa kubitirira kuko ibyo byari ukubapfobya no kubahinyura.

Umutware w'inyambo nubwo umwisi yashoboraga kumwitirira yari umutegetsu ukomeye. Yashyirwagaho ngo agenge inyambo zose zo mu mutwe w'inka uyu n'uyu. Ubwo butegetsu yaburagaga umwana we, bakagenda basimbura mu bisekuruza byabo. Umutware w'ingabo yashoboraga kunyagwa ingabo, akaba anyagiweko n'umutwe w'inka bibangikanye. Umutware w'inyambo we ntiyanyagwaga; yari ashinzwe guhora yorora inyambo, akagenda azongera mu ibangurira ry'inkuku ku mfizi z'inyambo. Bwari ubumenyi umuryango we ushinze ku ngoma zose.

IMVANO Y'INGANZO Y'AMAZINA Y'INKA.

Mu Rwanda rwa kera inka yari ifite agaciro gakomeye cyane. Bityo rero hari **UBUVANGANZO BWASHINGTONIRAGA KU BWOROZI BW'INKA.** Ibyo byagiye bigaragarira mu:

1. ***Amahamba**: indirimbo zaririmbwaga n'abashumba bacyuye inka. Izo ndirimbo zirazwi mu Rwanda hose;*
2. ***Amabanga** cyangwa amahindura: indirimbo abashumba baririmbaga inka zirisha, zitaha, batarazikata inkoni ngo ziboneze zitaha;*
3. ***Inzira**: indirimbo zaririmbirwaga inka mu gihe zabaga zigana amabuga cyangwa ibibumbiro;*

4. **Indama:** indirimbo baririmbaga mu gihe inka zabaga zibyagiye ahantu, bazishoye amabuga cyangwa ibibugazi.

Izo ndirimbo hari ubwo zaririmbwaga mu minsi mikuru, bamurika inka. icyo gihe abagore n’abakobwa bahimbazaga izo ndirimbo baziha amashyi.

5. **Ibyisigo:** indirimbo zo mu gihe cyo kudahira. Basingizaga amazi ahiye hamwe n’inka zabaga zayashotse;

Imyama (imyoma): indirimbo zaririmbwaga mu gihe k’impeshyi, inka zigisha (zigana ahari ubwatsi).

AKAMARO K’INKA kari ntagereranywa mu Rwanda rwo hambere, nkj’uko bigaragara mu mibanire y’Abanyarwanda bo hambere:

- Inka yari ikimenyetso cy’ubukire.
- Ni yo yari ifaranga ry’ubu.
- Ni yo yari ipfundo ry’ubuhake.
- Intwari yo ku rugamba yagororerwaga inka ikitwa inka y’ubumanzi.
- Ubaye ikigwari na we ku rugamba yatangaga ikiru k’inka, iyo nka ikitwa inka y’imirindi.
- Inka yungaga inshuti, uwahemukiye undi mu bintu bikomeye akamuha ikiru k’inka.
- Inka yahuzaga inshuti n’imiryango kuko abahanaga inka babaga babaye inshuti magara.
- Inka bayikwaga umugeni.
- Umusore wabaga adafite amikoro yo kubona inka yashoboraga **gutenda**², agakora imirimo izahura n’icyakwitwa agaciro k’inka kugira ngo umukobwa wa naka yakunze amwegukane.
- Umukwe mukuru ati: “Turabakwera umunani cyangwa se mudutegeke ikindi”.
- Umusore wabaga yaraye arongoye **baramubyukurukirizaga**³ inka zikamukamirwa.
- Mu itwikurura ry’umugeni bazanaga amata. Inka yari ifite akamaro kanini mu muco w’Abanyarwanda.
- Umubyeyi yarabyaraga bajya kumuhemba bakazana amata.
- Umwana iyo yashyinguraga se cyangwa sekuru yahabwaga inka y’inkuracyobo (inkuramwobo).
- Umwana washyinguraga nyina cyangwa nyirakuru byitwaga **gukamira nyina cyangwa nyirakuru**.
- Mu mihango yo kwera hazagamo ibyerekeye kujya ku kibumbiro, hakazamo n’ibyo guha amata abana b’uwatabarutse.
- Mu ndamukanyo z’abanyarwanda dusanga abantu bifurizanya gutunga bati: **“Gira inka”**, usubiza ati: **“amashyo n’amagana”** cyangwa bati: **“amashyo”**, usubiza ati: **“Amashongore!”**
- Nta Munyarwanda wakwiyibagiza ko mu byo Abanyarwanda bafatiragaho bagena ibihe by’umunsi, inka yari ifitemo uruhare runini.

KUBARA IGIHE Dore nawe baravugaga bati:

– **Inka zivuye mu rugo:** aho ni nko mu masaa moya;

– **Inka zikamwa:** aho ni nko mu masaa moya n’iminota 15, ubwo ziba zikamirwa ku nama;

² - **têend:** mbere yo kurongora, gukorera kwa sobukwe imirimo y’amaboko ihwanye n’inkwano bari kuzaguca ngo babone kugushyingira.

³ - **byûukuruk:** kumurikirwa umuntu kw’inka zikanamukamirwa.

- *Inka zahutse: aho ni nka saa mbiri;*
- *Inyana zahutse: aho ni nka saa mbiri zirengaho duke;*
- *Inyana zitaha: nko mu masaa yine;*
- *Mu mashoka: nko mu masaa saba;*
- *Inka zikuka cyangwa mu makuka: nko mu masaa munani;*
- *Inyana zisubira iswa: nko mu masaa kenda;*
- *Inka zihinduye: nko mu masaa kumi; inyana zitaha: nka saa kumi n'imwe;*
- *Inka zitaha: nka saa kumi n'ebyiri n'igice;*
- *Inka zikamwa: nko mu masaa moya.*

UBUHAKE: Iyo wahakwaga ugacyura igihe bakakugororera, bavugaga ko *ucyuye umunyafu/ucyuye ubuhake* ugabanye bwa mbere kwa shobuja.

Tuzi neza ko ubuhake bwarambye mu Rwanda nta handi bwari bushingiye usibye ku nka. Ubuhake rero bwahambiraga umugaragu kuri shebuja ugasanga baribereye nk'akaremo n'umuse, umugaragu akitwa umuntu wa shebuja, akamwirahira igihe cyose amushima kumuhaka.

Ubuhake bwavunnye benshi kugeza babuvugiyeho. Bamwe bati: *“Ubuhake burica; ubuhake bujya kukwica buguca iwanyu; ubuhake bwananiranye bukukisha umugabo ikijyaruguru”*. Ariko nanone hari abo bwatoneshaga bakagashira nka Gashamura bati: *“ubuhake bwa cyane bukunyaza mu ngoro”*.

Ubuhake kandi bwateraga ubwibombarike, bati: *“Iyo ubuhake bwateye hejuru uratendera”*. Ariko kandi ngo uwafataga nabi abagaragu yarabigayirwaga; umugaragu wahemukiraga shebuja yaragayikaga.

Uwabaga ahatse abagaragu yagombaga kubagoboka bari mu byago. Umugaragu na shebuja babaga bafitanye ubumwe bwafatiye ku nka, ari magara ntunsige. Iyo ubwo bumwe bwazagamo agatotsi ku mugaragu, shebuja yaramunyagaga, naho byaba biturutse kuri shebuja, umugaragu akamwimura akajya gukeza ahandi.

AKAMARO KO KWIGA AMAZINA Y'INKA

Kwiga amazina y'inka bifite akamaro ku muntu washobora gucengera neza iyo nganzo, hanyuma yamara kumucengeramo na we akaba yafatiraho akayikoresha mu bundi buryo. Ibi bigaragazwa n'uko **Musenyeri Alegisi Kagame** amaze kuryoherwa, gucengera no gucengerwa n'inganzo y'amazina y'inka, ari bwo yayishingiyeho ahimba *“Umuririmbyi wa Nyiribiremwa”* n' *“Indyoheshabirayi”*.

Bityo rero niba tudashatse kubyitaho ntaho twaba dutaniye na ba bandi bambara ikirezi ntibamenye ko cyera cyangwa wa wundi w'umutunzi uba umworo w'amata. Nta gushidikanya mu mazina y'inka harimo ubuhanga bw'inshoberabuvivi.

- *Ubuhanga bw'intondeke zipimye,*
- *Inyana n'iminozanganzo* ishingiyeye ku *isubirajambo*, ari iy'isubirajwi;
- *Gukoresha ijambo ryabugenewe,*
- *Imibangikanyo,*
- *Ikoresha ry'imizimizo myinshi itandukanye,*

- Usangamo ikoresheya ry'icyo abisi ubwabo bita **ingaruzo** (ijambo rishingiza cyangwa se interu y'amagambo asingiza abami muri rusange cyangwa ingoma.)
- **Kumenya imyifatire y'Abanyarwanda bo hambere,**
- **Ubutwari n'umurava birasingizwa,**
- **Ubupfura no kwanga umugayo bikamamazwa**
- ...

IMITERERE Y'AMAZINA Y'INKA N'UBWIZA BWAYO

1. IMIGARAGARIRE

Mu gusesengura izina ry'inka. Dusanga rigizwe n'ibice bitanu (5), ari byo:

1. **Impamagazo:** agasingizo kagufi kahoze kitwa incuutso ubwo umusizi yitaga amariza.
2. **Imivugo:** ibisingizo byashoboraga kuba bitatu, bine cg bitanu bikurikira impamagazo.
3. **Umusibo/Umuvunano:** igisingizo cya nyuma ku izina ry'inka ryuzuye(ry'umuzinge).
4. **Impakanizi y'ubushyo:** umukarago cg ijambo rigenda rigaruka muri buri ncutso y'inyana yavukiye 1 n'indatwa.
5. **Impakanizi y'umuzinge:** umukarago ugenda ugaruka usoza buri muvugo.

2. INJYANA

Ni ukuvuga imikoreshereze y'ubutinde bw'inyajwi. Bityo ugasanga igihe umukarago wa mbere uvuzwe kiringaniye n'igihe uwa kabiri, uwa gatatu ndetse n'uwa 4 uvugwa. Wakwibaza uti: "Bapimye bate amagambo?"

Reka tugendere kuri uru rugero kugira ngo dushobore kubyumva.

Rutiimurwa ziri mu mihigo

Iyo witegereje ubona muri uyu mukarago ko umugemo wa mbere ubangutse, uwa kabiri n'uwa gatatu ikagira ubutinde bunimbitse, ikurikiyeho yose ntigire ubutinde. Akabangutso kakaba gahwanyeye n'inyajwi ibangutse, naho inyajwi inimbitse ikagira utubangutso tubiri. Uru rugero tumaze kubona rubara utubangutso 12.

Abasesenguye amazina y'inka babyitondeye basanze: Hari amazina y'inka agizwe n'imikarago ifite utubangutso 9.

Urugero:

Inka ya Rumonyi		Inka y'i Nyanza	
<i>Ru-ta-gwa-a-bi-z(a) i-mi-ne-ga</i>	=9	<i>Ru-ti rwu-u-hi-r(a) i-sa-ha-a-ha</i>	=10
<i>(I)nku-ba ze-e-sa mu bi-ho-go</i>	=9	<i>(I)nga-bo zi-ho-me-re-r(a) i-mpu-u-nzi</i>	=10
<i>Rwa-a mu-ga-bo nyi-ri-gi-ra</i>	=9	<i>Rwa-a-ma-nywa ya ru-ge-ma-ha-bi</i>	=10
...		...	
Inka ya Nkusi		Iyo umaze kubara neza utubangutso	
<i>Rwi-ya-mi-ri-ra yu-u-hi-r(a) i-mbu-ga</i>	=12	tw'umukarago wa mbere, ukoresha ubwo	
<i>(I)nku-ba zi-hi-i-ndu-r(a) a-ba-nya-bi-ho-go</i>	=12	buryo mu guhitamo amagambo ukoresha	
<i>Rwa-a Mi-ri-i-ndi ya si-i-mu-go-mwa</i>	=12	mu kurema umukarago wa 2, 3, 4, 5, ...	
...			

ICYITONDERWA

Mu ibara ry'utubangutso, mu mukarago umwe, iyo inyajwi ebyiri zikurikiranye mu magambo abiri, iya mbere iburizwamo kandi inyajwi itangira umugemo ntibarwa nk'uko bigaragara ku majwi yagiye ashirwa mu dukubo.

Urugero: *Ru-ta-gwa-a-bi-z(a) i-mi-ne-ga* =9

Ubwiza bw'amazina y'inka bushingira ku: buhanga bwo gukurikiranya ibitekerezo, ku isubirajwi, ku isubirajambo, ku mibangikanyo, ku buryo bwo kugenekereza, ndetse no kureshyeshya intondeke.

Mu mazina y'inka bahagikamo ijambo cyangwa injyano z'amagambo zigize ibisingizo. Igisingizo muri ubu bwoko bw'ubuvanganzo bw' amazina y'inka kitwa **ingaruzo**, naho mu bisigo igisingizo bakakita **indezi**.

Inka ya Ruganji

Ingaruzo, iyo bacutsa inka ya Ruganji bagira bati:

“Rutimirwa ziri mu bihigo

Intwari zimaze kubona umugaba

Rwa Mugabo w'imaramwaga

Insengamihigo y'ishema muri zo

Ya Rushikanurandongozi.

3. IMINOZANGANZO

a. Isubirajwi n'isubirajambo

Isubirajwi ni isubiramo rya hafi ry'imvugwarimwe ifite indi iyibanziriza zisa cyangwa zijya gusa cyangwa ijwi na ryo rifite irindi riribanziriza bisa cyangwa bijya gusa.

Urugero *Burya gusaza ni ugusahurwa*

Isubirajambo ni isubirajwi rigaruka mu ijambo bihuriye ku gicumbi kimwe n'iryaribanjirije cyangwa se ijambo rikagaruka uko ryakabaye.

Urugero:

Zivuga mu Rubumba rw'inyambo

Zivuga i Masaka ya Mibirizi

Zivuga mu Ruhango rw'ibwami

Zivuga i Nyarurama ya Nyanza

...

b. Imibangikanyo cyangwa ubutegane

Kubangikanya mu mvugo y'ubusizi ni ugukurikiranya imikarago nibura ibiricyangwa se amagambo afitanye isano mu kivugwa cyangwa mu isesekazamutima. Imibangikanyo iri ukwinshi: Umubangikanyo wumusubizo, Umubangikanyo winshyamirane, Umubangikanyo wuzuzanya, Imibangikanyo ishingiyeye ku miterere, Umubangikanyo winjyana

Urugero:

Inka ya Rumonyi

Rukaraga ku mpitira

Rukaraga ku mpini

Rwogeshya ku mbuga

Rwanika ku ntagara

Rushita ku y'imerera...

Iyo turebye izi ntondeke dusanga zubatse kimwe, amagambo y'ubwoko bumwe agiye aba mu mwanya umwe.

Imibangikanyo ishingiyeye ku kivugwa cyangwa ingingo.

a. Umubangikanyo wisobanura

Intondeke ya kabiri isubira mu ngingo y'intondeke iyibanjirije.

Urugero: Inka ya Rumonyi

Kurya irihoza mu rugina

Imbuga yaryo iratukura

Ntagera mu ntagara

Ahora akina mu ntoki...

b. Umubangikanyo w'inshyamirane

Ingingo dusanga mu ntondeke ya kabiri iba ishyamiranye n'iyo mu ntondeke ya mbere. Uwo mubangikanyo uboneka mu ngeri nyinshi z'ubuvanganzo. Uwo mubangikanyo hari ubwo uba ushingiyeye ku iyemeza n'ihakana bigiye mu buryo bw'inshinga. Hari ubwo uba ushingiyeye ku ibusana ry'amagambo gusa.

<u>Urugero 1: Ihakana n'iyemeza</u>	<u>Urugero 2: Ibusanya ry'amagambo</u>
<i>Si ay'ingimbi iterura</i>	<i>Ugiye uri Muhimpundu</i>
<i>Ni amajunga ntabashika</i>	<i>Uzagaruka uri Muhinduru</i>
<i>Si inkiko utura iruhande</i>	<i>Ugiye uri ingwa yera</i>
<i>Ni inkuba zitaha i Nyarubuye.</i>	<i>Uzagaruka uri imbwa yiba.</i>

c. Umubangikanyo wuzuzanya

Usanga intondeke ya mbere igenda isobanurwa n'iya kabiri ndetse n'iyikurikiye.

Urugero: Inka ya Rumonyi

Abogezza inkuba zesa

Bakubwire iy'ingondo

Imbibu ziseseyeho

Wihagire imparuzo

Kimwe no mu byivugo no mu bisigo, amazina y'inka na yo agira amagambo yihariye; amwe muri yo ni aya akurikira:

Impanzi: *intwari*

Intarizi: *inenge;*

Ingaruzo: *igisingizo cyo mu izina ry'inka;*

Ikigondo: *ihembe ry'inka;*

Impamagazo: *igika cya mbere cy'umuzinge;*

Inkobwa: *inka itari ikimasa;*

Umusibo: *igika cyo mu musozo w'izina ry'inka gisingiza inyamibwa yonyine;*

Gusibira: *kuvuga impakanizi*

Umuzinge: *izina ry'inka rigizwe n'imivugo;*

Kugomera: *kwimya kw'imfizi;*

Kuvuta: *kwikiriza bavuzza urusaku*

Gucutsa: *kwita inyambo y'inyamibwa izina rya mbere;*

d. Igereranya:

Ni ukugereranya ibintu bifite icyo bihuriyeho ku buryo kimwe cyagufasha gusobanura ikindi ukoresheje uko bisangiye imisusire, imigenzereze, umumaro n'ibindi.

Aho igereranya ritaniye nindi mizimizo ni uko rigira uturango: *nka, boshye, kimwena,...*

Ingero:

Turasa nk'ifi zibuze inyanja
Turasa nk'imvura yamahindu
Turasa nk'inyana zidakenga

[...]Rugamba,1979, Umusogongerero, p.89

Igereranya rikoreshwa cyane cyane mu mazina y'inka, aho amacumu y'indatwa bayagereranya n'amacumu y'abantu. Igereranya rishobora gushingira ku magambo yumvisha cyangwa agusha ku gisobanuro. Hashobora gukoreshwa icyungo ngereranya **nka**, inshinga **gusa** n'icyungo **na**.

Urugero: Inka ya Rumonyi

Ikaba mu mariza y'impeta

Igasa n'inyamibwa rwema

Ni yo macumu adahemba (atavunika)

Nk'inti z'abanyamahanga.

Byumvikane neza, kuva aho u Rwanda rubaye Repubulika, inyambo ntizongeye kwitabwaho cyane ngo zibe zamurikwa cyangwa ngo ziratwe bikabije nk'uko byahoze mbere. Ibyo kuzihimbira amazina bisa n'ibizimiye, ahubwo amazina yari yaratowe na bamwe muri rubanda cyangwa abisi ubwabo bakajya bayavuga mu mutwe bateraniye mu birori.

Ijambo umwami ryayazagamo, abantu batinyaga kurivuga bakarisimbuza Perezida cyangwa rwose bakaricaho.

AMWE MU MAZINA Y'ABISI BAMENYEKANYE

Hagiye habaho abisi b'intamenyekana, bitewe n'uko babaga badafite ubuhanga bukaze bwo gutuma amazina bitaga ahimbaza abayumva. Iyo mpamvu yagombaga gutuma abayafashe mu nteruro badatinyuka kuyogezza. Abisi b'abahanga bamenyekanye mu myitire y'amazina y'inka harimo aba bakurikira:

Umwisi	Ingoma yabayeho
1. Nkibiki	1. Gahindiro
2. Mugaragu	2. Gahindiro n'iya Rwogera
3. Bwarike bwa Mahanane	3. Gahindiro, Rwogera, n'iya Rwabugili
4. Bukombe	4. Rwogera, na Rwabugili
5. Bikungero bya Murema	5. Rwogera, na Rwabugili
6. Ndangamira ya Muyoboke	6. Rwabugili
7. Mareba	7. Rwabugili
8. Rukazambuga rwa Serupfura	8. Rwabugili, asaza ku ya Rudahigwa
9. Rudakeneshwa rwa Bikungero	9. Rwabugili n'iya Musinga
10. Ndibyariye	10. Musinga n'iya Rudahigwa.
11. Nyagahungu	11. Rudahigwa.
12. Sebikara Mariko	12. Rudahigwa.

Nafata nte aba bisi n'ingoma babayeho? Witinya, igisubizo ni iki.
 Fata mu mutwe aka karirimbo.

Akaririmbo gafite ijwi rya UWERA yo kwita izina umwana wavutse.

Nkiibiiki Gaahiindiro mwiiza,

Mgaragu Gahindiro ogera,

Bwarike bwa Mahanane

Gahindiro ogera Bugili.

Bukombe Rwoye Bugili,

Bikungero bya Murema

Rwogera Bugili (*njyewe*),

Ndangamira Rwaabuugiili.

Maareeba, Buugili,

Ruukaazambuga Buugili,

Ruudaakeneshwa wa kuungeero

Rwabugili na Musinga.

Ndiibyaariye, Siinga

N'iya Ruudaahigwa (*muuzi*.)

Nyaagaahungu Ruudaahigwa

Sebiikara Ruudaahigwa.

Abisi ni ikicro k'intiti ariko icyo baba barusha izindi ntiti ni uko bo bihariye ubuhanga bw'umwimerere bwo guhimba nta cyo bahereyeho cyabaye. Bahanze igitekerezo cyo gutuma inka ziba abarwanyi nk'aho zifite ubwenge; bakaba kandi barakenetse itonde ripimye.

Bitewe n'ubuhanga bwabo, **Nkibiki**, **Ndangamira** na **Bikungero** bafite injyana bihariye zikaba zitwa hakurikijwe amazina yabo.

- *Injyana Nda: igizwe n'utubeshuro 9*

- *Injyana Nki: igizwe n'utubeshuro 10*

- *Injyana Bi: igizwe n'utubeshuro 12*

Ushatse wafata ko bakurikirana muri ubu buryo: Bi-Nki-Nda cg Nda-Nki-Bi

Bene izi njyana ni zo bita fatizo naho injyana yungirije iba ipanzwe uko bashatse ku buryo yuzuza utubeshuro twa ngombwa ariko tudatondetswe dutyo.

Aba bisi ngo bose ntibari bahwanyije ubuhanga. **Musenyeri Alegisi Kagame** wasesenguye inganzo zabo yitonze avuga ko bariya ikenda ba mbere ukuyemo **Rukazambuga**, ari bo bari bafite inganzo ityaye.

Avuga ko:

- **Rukazambuga** yapfaga gucurikiranya amagambo, ntashodekanye amabango agusha hamwe.

- **Ndiibyaariye** na **Nyagahungu** na bo ngo ntibari shyashya.

- **Sebikara Mariko** ngo ni we wari ubijemo neza, abifitiye ubwenge; gusa ngo yaje bikendera. Sebikara ngo yaba yarise izina rimwe risa atabanje kwitegereza imihimbire y'izina ry'inca ngo akurikize amategeko yaryo.

- Undi mwisi ushyirwa mu majwi ni **Rucakatsi**; yise inka ebyiri ariko ngo na we byari bimaze kugaragara ko impano yo kwita imucumbamo ikibatsi, ko amatwara ye ashobora kumugeza heza.

- Bivugwa ko higeze kubaho undi mwisi witwa **Ruburika rwa Mukotanyi** wo ku ngoma ya Musinga, ariko we nta zina na rimwe rye ryashoboye kuboneka, cyakora ngo yise ubushyo bwitwa **Intaganira**, bwo mu mutwe **w'Izimana** (iryo zina ni ukubangura bashaka kuvuga Izimana na Mibambwe).

TUMENYE NDANGAMIRA YA MUYOBOKE UMWISI W'INKA YA RUMONYI

Ndangamira ya Muyoboke ngo yaba yari umwisi uzimbukiwe cyane n'ubwisi bw'amazina y'inka. Yabaye intiti bitavugwa mu nganzo y'ubusizi, yumvaga inganzo ye, injyana ye; mbese ibye byose byari bifite umwihariko kuko yari atandukanye cyane n'abandi bisi babayeho mu mateka y'abisi.

Hari ubwo umwami Kigeli Rwabugiri yamutegetse kwita inka ya Terera, uwo Ndangamira atangira umurimo we, arangije imivugo itanu ararwara araremba; umwami abonye bitinze, ategeka uwitwa Rukazambuga, na we w'umwisi, gusoza izina ry'inka ya Terera. Ubwo yongeraho imivugo ibiri harimo n'imivunano. Ndangamira ngo aho akiriye yasuzumye izina ryasojwe na Rukazambuga yumva umusozo watanzwe usa *n'ukwanjitse udahwitse*, nibwo ngo Ndangamira anenze imisozereze y'iryo zina ry'inka ya Terera yongeraho uwe yizeraga ko unoze ukurikije inganzo y'amazina y'inka.

Bivugwa ko ngo Ndangamira yaba yari yaratwawe n'inganzo y'amazina y'inka ku buryo yajyaga ayikinamo abyishakiye cyangwa babimusabye. Hari ingero zagiye zitangwa n'abasesenguye cyane inganzo ya Ndangamira.

Ingero:

1. **Inka ya Kanyamashokoro**: yari inka y'inkuku y'umugabo **NZIGIYE**. Iyo nka ngo ikaba yarakamwaga cyane. Umugore wa Nzigiye witwaga Nyirakayogera asaba Ndangamira ngo ayimusingirize. Ndangamira yabyitabiriye yumva aguye ahashashe mu nganzo ye.
2. **Inka ya Ruzirabwoba**: yari inka y'inkungu baturiyeye Kigeri Rwabugili ahitwa i Ruhama rwa Kayenzi ho mu Ndorwa, ivuye mu minyago. Bavuga ko kari agaka kiburungushuye. Umwami asaba bese kuyimurekera ngo hatagira uyimusaba. Ndangamira ayibonye na we arayirata by'amashyengo.
3. **Inkuku y'ikirezi**: Ni inka ya Ndangamira yahonotse muryamo, ni ukuvuga iyarwaye umuze hanyuma ikawukira. Ndangamira yarayise.
4. **Inshyamba ya Ndangamira**: Ni inka ya Ndangamira yabaye inshyamba ya Muryamo, ni ukuvuga itigeze ifatwa n'umuze wa muryamo. Ndangamira na yo yarayise mu mashyengo.

IMYOROROKERE N'IMITEGEKERE BY'INYAMBO

1. Imyororokere y'inyambo

Kugira ngo inyambo zigwire mu Gihugu, umutware w'inyambo yagendaga azongera mu ibangurira ry'inkuku ku mfizi y'inyambo. Ubwo bumenyi bwari ukubiri:

Uburyo bwa mbere bwari ubwo kubangurira:

<u>INYANA</u>		<u>IMPFIZI</u>	<u>BIBYARA</u>
<i>Inkuku</i>	+	<i>inyambo</i>	→ <i>ibigarama</i> .
<i>Ibigarama</i>	+	<i>inyambo</i>	→ <i>inkerakibumbiro</i> .

Ikerakibumbiro + *inyambo* → *imirizo/ibisumba(ku mutwe utigeze ingegene).*
Imirizo cg ibisumba + *inyambo* → *inyambo zuzuye(Ingegene)*

Uburyo bwa kabiri bwari ubwo kubangurira

Inyambo z'ingegene ku mfizi y'inkuku zikabyara ingegene.

Icyababwiraga inyambo ni uko zari zifite umubyimba munini n'amahembe maremare. Icyo bakundiraga inyambo ni ubwiza bwazo. Bazimurikaga mu birori, barazitoje uko zigenda no kudakangarana mu birori. Umutware w'inyambo we yabiragaga abana be kugira ngo imihindagurirwe y'abatware b'inyambo idatuma ubumenyi bw'imyorokere y'inyambo buhungabana. Kuzivanga n'inkuku byari ugutuma inyambo zigumana ubwiza bwazo kugira ngo budacika.

UKO BABANGURIRAGA UBUSHYO BW'INYAMBO Z'INGEGENE

Amashashi y'inyambo yararindaga ntibahere ko babangurira irinze yose ahubwo bakayihorera ikarinduka. Aho bazashakira ko zibangurirwa bakazishora ku iriba *rihiye* (iriba rifite amazi y'urwunyunyu rukaze). Bazishoraga kuri iryo riba maze inka iryuhwaho *igahodoka* (ni ukugira icyokere mu mubiri kiyitera ubuzinukwe bw'ayo mazi). Igihe zikiyumvamo ubuhodoke bazishoraga ku mazi ahiye zikayanga zikishakira amazi asanzwe kugira ngo azigabanyemo icyokere ziyumvagamwo.

Ku ngoma ya Yuhi IV Gahindiro, amariba ahiye kurusha andi yari atatu (3):

- a. *Iriba rya Rushya rwa Nyamirango* aho ni mu Bwishya muri Repubulika Iharanira Demokarasi ya Kongo.
- b. *Iriba rya Mupfu* aho ni mu Bunyambiriri muri Musebeya mu Karere ka Nyamagabe.
- c. *Iriba rya Ngugu* aho ni mu Mutara.
- d. *Iriba rya Mukunyu*: aho ni mu Bunyambiriri mu Karere ka Nyamagabe y'ubu.
- e. *Iriba rya Kibiruruka*: Nyaruguru (*Nyagisozi cg Nyakizu*)

Ubwo buhodoke bwamaraga iminsi myinshi ndetse bikageza no ku kwezi cyangwa amezi abiri. Iyo inka yuhiwe mu iriba rihye yakamwaga, yagiraga *iyayumo* (*igabanya umukamo*), uko ubuhodoke bwagendaga buyishiramo *yarangishiraga* (*yagaruraga umukamo buhorobuhoro*).

Iyo rero ubuhodoke bwarangiraga, ubushyo bwose bwuhiwe ya mazi ahiye bwarindiraga rimwe bagahera ko bazibangurira zikabyarira rimwe. Aha rero ni ho baturiraga umwisi akaza kwita izina.

IMITEGEKERE Y'INYAMBO MU RWANDA RWO HAMBERE

Umwami ni we wari umutware w'inyambo mukuru, hagakurikiraho umutware w'ingabo, agakurikirwa n'umutware w'inyambo, hakaza umutahira, hagaheruka umurenzamase.

1. *Umwami*: yari nyiri Igihugu bityo akaba yari ku mutwe wa byose.
2. *Umutware w'ingabo*: yari umukuru w'umutwe w'ingabo kandi akaba yari hejuru y'umutware w'inyambo.
3. *Umutware w'inyambo*: yabaga ari umuntu ujijutse, akaba yarashyirwagaho ngo agenge inyambo zo mu mitwe iyi n'iyi. Ubwo butegezi yaburagaga umwana we bugakomeza

kuba uruhererekane. Ntiyashoboraga kunyagwa kuko yari ashinzwe imyororerere y'inyambo. Nyamara umutware w'ingabo we yashoboraga kunyagwa ingabo.

4. **Umutahira**: we yabaga ari umunyacyubahiro baremeraga ubushyho bw'inyambo bwo mu mutwe uyu n'uyu w'inka, akawubwiriza akawuragira.

Umutahira yashoboraga guhabwa inkoni y'ubushumba (kumuziturira); bamuhaga inka (ubushyho). Byakorwaga bazitura inyana mu kiraro bakazimuha bakanamuha inkoni y'ubushumba. Iyo inka zamaraga kuba amabuguma, umutware w'inyambo yazeguriraga umutahira zikaba ize bwite. Na we yarazigumanaga akaziha abo ashaka.

Umutahira rero yabaga ari mu rwego rw'abashumba b'inyambo. Ubushyho yabaga ashinzwe iyo bwazazaga bamuremeraga ubundi bushyho cyangwa bakaburemera umwana we w'umuhungu.

5. **Abarenzamase**: Bo bari nk'abakozi bari bashinzwe kwirirwa inyuma y'inka (bubakaga ibiraro, bacaga ibyarire) kandi bakaba barashyirwagaho n'umutahira.

UKUVUKIRA RIMWE K'UBUSHYHO BW'INYAMBO Z'INGEGENE.

Ubushyho bw'inyambo bwabyariraga rimwe, agatsinda bwabaga bwaravukiye rimwe. Uko kuvukira rimwe byagenda bite? Amashashi y'inyambo yararindaga, ntibahereko babangurira irinze yose, ahubwo bakazihorera zikarinduka. Aho bazashakira ko zibangurirwa bakazishora ku iriba rihye. *Iriba rihye ni iriba ry'amazi y'urwunyonyu rukaze*, maze inka iryuhirwe igahodoka.

Guhodoka bivuga kugira icyokere mu mubiri kiyitera ubuzinukwe bw'amazi ya bene iryo riba rihye; igihe ikifitemo ubuhodoke wayishora ku mazi ahiye ikayanga, ahubwo ikishakira amazi asanzwe y'umugezi, kugira ngo ihoshe icyo cyokere yiyumvamo. Ubwo bavuga ko iryo riba rihotora (*iyi inka zinywaho zigahodoka*). Ubuhodoke bwamaraga iminsi myinshi, ndetse bikageza no ku kwezi, no ku mezi abiri. Iriba ryarushaga ayandi kuba rihye baribwirwaga n'iminsi rihotora.

Iyo nka buhaye, niba yakamwaga, imara gukuka ku iriba rihye *ikagira iyayumo, ni ukuvuga kumira amata, ikagabanya umukamo cyane*. Nyamara, uko ubuhodoke buyigabanyukamo, *ikangishira*.

Kwangishira bivuga kugenda yongera umukamo. Kwangishira si iby'amazi ahiye gusa; n'iyi inka zirishije uruhira, igisigati cyangwa ubwatsi bwinshi bwiza, na bwo *zirangishira*. Iyo rero iby'uguhodoka birangiye, ubushyho bwose bwuhirwe ya mazi ahiye, bwarindiraga icyarimwe; ubwo bakazibangurira, zikazabyarira rimwe.

HARI IGITEKEREZO KIZA CYA BENE AYO MARIBA AHIYE.

Ku ngoma ya Yuhi IV Gahindiro, igihe yari atuye i Murinja ho ku Mayaga ubu ni mu Ntara y'Amajyepfo, bagiye impaka z'amariba atambukije ayandi gushya. Gahindiro rero atumira amakoro y'amazi y'amariba y'Igihugu cyose. Amakoro yayo mazi amaze kugera i Murinja, bafukura ibibumbiro inyuma yo ku karubanda (*akarubanda ni umuharuro w'ibwami aho buri muntu wese yashoboraga kwigendera uko ashaka, ntihagire umubuza*).

Baje gusogongeza inka ku mazi yashyizwe mu bibumbiro byose, barazahura zirahangaza. Igihe cy'amashoka kigeze, baza kuzuhira kuri bya bibumbiro, ariko barazireka zihitiramo. Zose ziza zisibanira amazi yo mu *Rushya rwa Nyamirango*, iriba ryo mu Bwishya (*ubu ni muri Repubulika*).

Iharanira Demukarasi ya Kongo), izihabuze umwanya zisanga iriba rya **Mupfu** ryo mu Bunyambiriri; izihabuze umwanya zinywa ku rya Ngugu ryo mu Mutara. Izibuze umwanya kuri ayo ngayo zanga kunywa ku yandi ahubwo zigaruka kurwanira umwanya kuri ayo uko ari atatu. Bityo zica urubanza ko iriba ryo mu Rushya rwa Nyamirango riyaruta yose, hagataho Mupfu na Ngugu.

Hari icyo tutagomba kwitiranya; iriba rihye ryitwa “**imbuga**” cyangwa “**ibuga**”, iridahiye nk’aho hose mu gihugu bapfaga kuhira inka, ryitwaga “**urwoyo**”.

Amariba ahiye barayahagurukiraga, bagakora urugendo ruraza nzira ndetse n’iminsi ibiri ikaba yashyika umuntu agishakisha ahaboneka iriba rihye.

- ✓ *Bitewe n’uko amariba yabaga kure, gukora urugendo bajyayo ni byo bitaga “**kureka**.”*
- ✓ *Abashumba bakoraga urwo rugendo bakitwa “**abarekezi**.”*
- ✓ *Iyo inyana yararaga ukubiri na nyina kubera urwo rugendo babyitaga “**kurara iragwe**.”*
- ✓ *Habaga ubwo inka igenda ijoro ryose ishaka iyayo, ari byo bitaga “**guhomora**.”*
- ✓ *Gusukura iriba bavanamo umuvu, babyitaga “**kweza iriba**.”*
- ✓ *Iriba ryabaga rituje ryitwaga “**umugwimo**.”*
- ✓ *Guhabwa umwanya wo kuhira, byitwaga “**guhana umurambi**.”*
- ✓ *Isibo yo kurwanira umurambi, ikitwa “**inkomati**.”*

Amariba ahiye bayashakiraga n’akandi kamaro: ngo yavuraga inka indwara zimwe na zimwe, ariko izabimenyerejwe buri mwaka zabibura zikagubwa nabi, zigasogobwa (zikazongwa). *Inka zahirwaga mu ki amariba ahiye, kugira ngo zibangurirwe ku mpeshyi zizabyare mu itumba, zibone ubwatsi bwinshi ku mvura. Nanone inka yabyaraga mu ki, mu minsi ya mbere ntiyakamwaga, bayiragiraga mu bwatsi bw’inkome bubonetse bwose. Nyamara iminsi ya mbere yo kuyihamba yararangiraga igasigara yanamyeye, irisha hamwe n’izindi, bikayizahaza igakurizamo kurwara muhekenyi.*

Aborozi ba kera rero, abari bazi uburyo bw’imyorerere y’inka, ntibabanguriraga inka zabo mu gihe kizahurirana n’uko zibyara mu ki. Ni byiza kwibuka ko hari itegeko ryo kweza amariba imvura y’itumba ivuye hasi; mu kwezi kwa Kamena kamena amasekuru. **Kweza amariba ni ukuyavanamo amazi yose**, iriba bakarisukura, bakabona kuryuhiraho. Iriba ritejeje itumba rivuye hasi, bari bazi ko ritera muhekenyi mu nka. Uwo murimo wo kweza amariba kimwe no kuyafukura mbere, byari bitegetswe abafite inka bose, bonyine; uwanze kubijyamo bakamukoma iryo riba ntazashobore kuryuhiraho.

Iriba riteze ryitwa “**umugwira**”, n’amazi yaryo arimo umwanda akitwa “umugwira”. Hariho amariba ya kera cyane yategekwe n’abatware bayagabanye, abaje kuhira bakabanza kubatura. Nyamara amariba menshi ntiyagiraga umutware w’ibuga.

Habanzaga kuhira uwatanze abandi gufata amazi, abandi bakaza gukurikirana uko bagiye bahamusanga. Uwajyaga gufata amazi, yazindukaga kare cyane, akarema igicaniro ku iriba, bwamara gucya akadahira. Umwanya wa buri muntu wo kuhira witwaga **umurambi**.

Habaga ubwo haza umuntu w’ikinyamaboko agashaka guhuguza abandi umurambi wabo, bakarwana. Kurwanira amazi byitwaga **gukomata**, ari byo byenderaho rya jambo ngo **inkomati**.

IBINDI BYAVUGWA KU NKA

1. Si mu Rwanda honyine bakunze inka, nko mu Buhinde bayigize ikigirwamana ndetse n'Abaromani baririmba inka mu bisigo byabo.

Tugarutse mu Rwanda, twavugaga ko:

1. Inka mu Rwanda rwo hambere zajyaga mu myiyereko cyanecyane inyambo. Zaherekezaga umwami n'abatware mu mitambagiro.
2. Inka zari zifite uko baziterura amazina bahereye ku ruhu rwazo.

Haba izo bita:

- ✓ **Ibihogo, igitare, isine:** yashoboraga kuba ari isine koko cyangwa ari umukara.
 - ✓ **Igaju, bugondo** ni umweru n'ibihogo.
 - ✓ **Ikibamba:** umukara n'ibyeru binini.
 - ✓ **Umusengo, urwirungu, uruvuzo, urusa:** bugufi gusa n'igaju.
 - ✓ Inziga, inyamanya, n'andi mabara.
3. Abanyarwanda kandi bashoboraga guha amazina inka bafatiye ku buryo ziteze amahembe.

Ingero zikurikira zirabikomozaho:

- **Inkungu:** nta mahembe ziba zifite;
 - **Urukoro:** amahembe areba imbere;
 - **Urukumane:** amahembe abusanye;
 - **Ikibinda cyangwa urushara:** aminuriye inyuma kandi manini;
 - **Intenderi cyangwa indegarege:** inkungu zifite uduhembe duto dutendera.
 - **Inkondogoro:** yenda guhura ariko ntabe maremare cyane;
4. Inka mu Rwanda yari ifite imihango, imigenzo n'imiziririzo.
 - ✓ Umushumba ahereza shebuja inkoni, shebuja ati: "Cyura amashyho", umugaragu ati: "Cyurirwa amagana".
 - ✓ Umushumba yakirira shebuja amata ati: "Akira amata", shebuja ati: "Irakamwa nk'umwami". (*Ibi byakorwaga na buri wese wakiriye amata.*)

IGIHEMBWE CYA 2

UMUTWE WA II: UBURINGANIRE

AMASAKU MU NTERURO Y'URUSOBE

UMWINJIZO RUSANGE: INSHOZA Z'AMAGAMBO

1. Umugemo ni iki?

a) igice k'ijambo gishobora kuba kigizwe n'inyajwi, ingombajwi n'inyajwi cg n'igihekane n'inyajwi.

b) Igice k'ijambo kigizwe n'ijwi risohoka mu kanwa iyo umuntu abumbuye umunwa inshuro imwe avuga.

Urg: *umugabo: u-mu-ga-bo* imigemo 4

Umushushwe: u-mu-shu-shwe imigemo 4

- ✓ **Kuko bigaragara ko nta mugemo utagira inyajwi, ni yo mpamvu twemeza ko inyajwi ari yo shingiro ry'umugemo.**

2. Ubutinde ni iki?

Ubutinde ni igihe ijwi rigize umugemo rimara rivugwa.

Bityo rero ubumenyi busesengura ubutinde bw'imigemo busanga hari imigemo **itinda** n'imigemo **ibanguka**. Mu isesengura ry'ijambo, dukurikije imivugirwe, umugemo utinda wandikishwa inyajwi ebyiri zisa, naho umugemo ubanguka ukandikishwa inyajwi imwe.

Urg: *umugabo: u-mu-ga-bo* *muri iri jambo imigemo yose irabanguka*
Umwami: u-mwaa-mi *muri iri jambo, umugemo -mwaa- uratinda.*

3. Isaku ni iki?

Isaku ni ukuvugirwa hasi cyangwa hejuru kw'ijwi runaka.

Urg: *umugabo: u-mu-ga-bo, muri iri jambo imigemo yose ivugirwa hasi (ifite isaku nyesi)*

Umutima: u-mu-tî-ma *muri iri jambo umugemo -tî- uvugirwa hejuru (isaku nyejuru)*

Mu isesengura ry'ijambo, dukurikije imivugirwe, inyajwi ifite isaku **nyejuru** ishobora kwandikwa hitabajwe akamenyetso nka *â, ê, î, ô* cg *û*, naho inyajwi ifite isaku nyesi yo yandikwa mu buryo busanzwe: *a, e, I, o* cg *u*.

Amagambo 10 fatizo ku butinde bw'imigemo n'imiterere y'amasaku

N°	Ijambo	Ubutinde bw'imigemo	Ubutinde bw'imigemo n'imiterere y'amasaku
1	<i>umugabo</i>	<i>Umugabo</i>	<i>Umugabo</i>
2	<i>umuganda</i>	<i>Umugaanda</i>	<i>Umugaanda</i>
3	<i>Umutima</i>	<i>Umutima</i>	<i>Umutîma</i>
4	<i>Umugore</i>	<i>Umugore</i>	<i>Umugorê</i>
5	<i>Umwana</i>	<i>Umwana</i>	<i>Umwâana</i>
6	<i>Umwami</i>	<i>Umwami</i>	<i>Umwâami</i>
7	<i>Ingamiya</i>	<i>Ingamiya</i>	<i>Ingâmiyâ</i>
8	<i>Urwenya</i>	<i>Urweenya</i>	<i>Urwêenyâ</i>
9	<i>Rero</i>	<i>Reero</i>	<i>Reerô</i>
10	<i>Koko</i>	<i>Koko</i>	<i>Kôkô</i>

Ni gute wafata ayo magambo fatizo mu mutwe:

Umugabo ajya ku **muganda**,

Umutima w'**umugore** n' **umwana** w' **umwami**

Ingamiya si/ni **urwenya** **rero** **koko**.

- Iyo umaze gafata ayo magambo mu mutwe ukamenya n'uko andikwa hakurikijwe ubutinde bw'imigemo n'imiterere y'amasaku, ugenda uyasanzwe n'ijambo ryose wahawe mu kizamini maze ugahita utahura uko ryandikwa.

Urg:

Ijambo	Isanisha	Uko ryandikwa
Umupfumu	Umupfumu=umugorê	<i>Umupfumû</i>
Umupfu	Umupfu=mugorê	<i>Umupfû</i>
Icyaha	Icyaha=umwâana	<i>Icyâaha</i>

B) AMASAKU MU NTERURO Y'URUSOBE

- ❖ Mu kugaragaza ubutinde bw'imigemo n'imiterere y'amasaku mu nteruro, twifashisha isanishamagambo nk'uko twaribonye hejuru, ariko tukita ku mivugirwe y'iyo nteruro aho kwita ku myandikirwe yayo.

Ingero:

Interuro	Isanisha
<i>Inkâ ya Rwaango</i>	<i>Inkâ ya Rwaango Musô re mwaana</i>
<i>Nyiri ûbwêenge aruta nyiri ûburyô</i>	<i>Nyiri û bwêenge aruta nyiri ûburyô Gor ê mwâana mugabo gor êgorê</i>
<i>Iby'uûwo mwaana nî byiiza.</i>	<i>Iby'uûwo mwaana nî byiizâ. Umwaâmi mwâana rê reerô</i>

ISESENGURA ry' IMPUGUKIRWA

2. Iyo umugemo wa mbere ufite isaku nyejuru nyesi ntagihinduka. Nyamara iyo iryo jambo rifite isaku nyejuru ku mugemo wa kabiri, iryo saku ririmuka rikajya ku mugemo ubanza.

Ingero:

Inkâ ya Rwaango.

Butamwâ na Mbôgo nî mu Rwaanda.

3. Ikinyazina ngenera n'ingenera nyiri n'ibyungo na /nka, iyo bikurikiwe n'ijambo rifite inyajwi bifata indomo y'iryo zina kandi bigafata isaku nyejuru.

Ingero:

Ibiryô by'ûmugabo.

Nyiri ûbwêenge aruta nyiri ûburyô.

4. Iyo izina rikurikiye ya magambo afite isaku nyejuru nyesi ku mugemo wa kabiri, indomo yaryo igira isaku nyejuru nyesi.

Ingero:

Amagî y'ûumwâana arahâri.

5. Iyo ikinyazina ngenera gifashe indomo kandi gikurikiwe n'ijambo ridafite isaku nyejuru umugemo wa mbere w'iryo zina ufata isaku nyesi nyejuru.

Ingero:

Iby'uûwo mwâana nî byiizâ.

Iz'aâho haantu ziraomera.

Amasaku ahoraho mu nteruro kuko yo atajya aba ay'integuza, aba ku magambo yayo :

6. Akaremajambo mu ndemo ihakana kagaragara mu nshinga «ta» akenshi kagira isaku nyejuru, iri saku ntirigira integuza kandi rihoraho.

Ingero:

Kutâgêendâ nî bibî.

Kudâkurâ bituruka ku miriîre mibî.

7. Ikinyazina mbanziriza n'ikinyazina ngenga kigaragaza ahantu (mwo/mo, ho,yo) bihorana isaku nyejuru ku gicumbi kimwe n'akajambo « ko ».

Ingero :

Ibyô baryô nî ibi.

Hô bakoreesha indyô yuuzûye.

Avuze kô tugeendâ tukajyamô.

Twaavuuyeyô mu gitôondo.

UMUTWE WA 3: UBUZIMA BW'IMYOROROKERE

Ikinamico: MPANA UWANGE YANANIRA NTI: “RAMVURA INGOMA WIME”.

(Gusoma no gusesengura ikinamico)

IKINAMICO

IKINAMICO NI IKI?

[https://www.youtube.com/results?search_query=PAPA+SAVA+EP296+TWARABYEMEJE+B+Y+NIYITEGEKA+Gratien\(Rwanda+Comedy\)](https://www.youtube.com/results?search_query=PAPA+SAVA+EP296+TWARABYEMEJE+B+Y+NIYITEGEKA+Gratien(Rwanda+Comedy))

Ni umukino abantu bakina bihindura ukundi, bagerageza gusa na bo cyangwa ibyo bakina haba mu mvugo, mu mico no migirire kandi bagamije gushimisha, kwigisha, kunenga imigirire, gukiza bimwe mu bikomere by'umutima no gukemura bimwe mu bibazo bihora biziritse bagenzi bacu mu miryango runaka.

IKINAMICO RIRANGWA N'IKI?

1. Urukiniro/akabugankuru.

Ni aho abakinnyi bakinira umuseruko uyu n'uyu.

Akabugankuru gakinirwaho igice cyose cy'umukino.

Tuvuga **umuseruko** iyo hari umukinnyi mushya winjiye mu rukiniro cyangwa igihe hari usohotse mu rukiniro.


2. Umutwe w'ikinamico

Ni interuro ngufi yitirirwa ikinamico yose, igafatwa nk'ipfundo nteramatsiko y'ubutumwa buri butangwe mu ikinamico nyirizina.

Biba byiza iyo usomye umutwe adahise yumva neza ibikubiye mu ikinamico yawe.

3. **Ishushanyabikorwa mu ikinamico.**

Ibikorwa bigaragara mu ikinamico bishingira ku bakinnyi cyane cyane b'imena. Abakinnyi b'imena bafatanyije n'abungirije bayobora imigendekere y'ibikorwa mu ikinamico kugeza ku ndunduro y'ikinamico. Bityo rero nk'uko mu nkuru ngufi cyangwa ndende umusesenguzi ashobora gushushanya ibikorwa yifashishije igishushanyo giteye gitya:



1. **Nyiri ubwite/Ruhamwa:** ni bo ikinamico iba ishingiyeho. Aba bassobora ku ntego bagamije cyangwa ntibayigereho.
2. **Ugenerwa:** ni umuntu wese waba afite inyungu ukurikije ikivugwa mu ikinamico. • Abafasha: ni abakinamico cyangwa ibindi bintu bishobora gutuma nyir'ubwite cyangwa ba nyir'ubwite mu ikinamico bagera ku kigamijwe cyangwa ntibakigereho ariko byagaragaye ko ba nyir'ubwite bari bashyigikiwe.
3. **Ugenera:** ni umuntu cyangwa ikintu gituma nyir'ubwite agira intego runaka mu ikinamico.
4. **Ikigamijwe:** ni intego abakinamico b'ingenzi baba bahawe n'umuhimbyi w'ikinamico.
5. **Imbogamizi:** ni abakinamico cyangwa ibintu bishobora kubangamira umukinnyi cyangwa abakinnyi b'imena kugera ku ntego cyangwa ku kigamijwe.

Impugukirwa: Mu ikinamico birashoboka ko ibikorwa byagenda bikurikiranye nk'uko byagiye biba

AMOKO Y'IKINAMICO

Kugena ingeri cyangwa amoko y'ikinamico ntibikomeye cyane, cyane iyo witayeho ahantu ikinirwa cyangwa se inzira icishwamo kugira ngo igere ku bayumva cyangwa abayireba.

Hashingiwe ku hantu ikinamico ibera:

- Ikinamico yo kuri radiyo no kuri tereviziyo
- Ikinamico yo ku kabugankuru.

Ikigereranyo hagati y'ikinamico yo kuri radiyo na tereviziyo n'ikinamico yo hanze

Ibyibandwaho	Ikinamico yo ku kabugankuru	Ikinamico yo kuri radiyo
Aho umukino werekanirwa	Inzu yabugenewe	Radiyo (sitidiyo)
Uko ubutumwa bwakirwa	Amaso (kureba)	Amatwi (kumva)
Abakinnyi n'abo bakinira	Amaso ku maso (uburyo buboneye)	Bamwe bari kure y'abandi (Uburyo buziguze)
Isano y'abakinnyi n'abo bakinira.	Isangirabiganiro hagati y'abakina, abareba bateze amatwi kandi bashobora kujora ako kanya.	Inzira imwe itega amatwi ibiganiro by'abakina Gukurikira bumva gusa radiyo na tereviziyo
Ubwitabire bw'abakinirwa	Gukurikira umukino bareba kandi bumva.	Kugezwaho amakuru bumva batabona
Ingaruka ku bakinirwa	Ukwidagadura bumva bareba.	

Iyo usesenguye neza ubu bwoko bw'ikinamico ukibanda cyane ku: *kivugwa n'ubutumwa* usanga ikinamico yagenwa mu ngeri zinyuranye zikurikira:

- 1. Ikinamico y'amateka:** Iyi kinamico igerageza gucukumbura amateka ya Afurika, ikarata cyangwa igashimagiza intwari n'ibihangange byanditse amazina yabyo mu muryango nyafurika cyangwa mu mu ryango nyarwanda.

Iyi kinamico yerekana ko ubukolonize ari bwo bwapyinagaje Abanyafurika, ko mbere Kazungu ataraza bari bameze neza, ko aho Abanyaburayi baziye bononnye Abanyafurika by'umwihariko Abanyarwanda bidasubirwaho.

- 2. Ikinamico y'Iyobokamana** ni ikinamico ifatiye ku idini ryaba ari gakondo cyangwa amadini n'amatorero ariho muri iki gihe.
- 3. Ikinamico nyirizina** Iyi ngeri y'ikinamico irasa neza ku buzima n'imibereho ya buri muni y'abantu. Iyi kinamico ntitana no gukomoza ku bibazo bihora iteka bibangamiye muntu mu mimerere no mu migirire ye cyanecyane ibimuvutsa umudendezo, amahoro, umutuzo n'ibyishimo.
- 4. Ikinamico ya poritiki** Ubutumwa buba bugenderewe muri iyi ngeri y'ikinamico ni ukwikoma cyanecyane abazungu, bakaba bagomba kurwanywa abantu bivuye inyuma kuko bakolonije Afurika bakayisubiza inyuma.
- 5. Ikinamico y'imibereho** Gahunda zose umuntu agira yibaza cyane ku buzima bwe, uko ariho ababarira mu isi, uko abona isi nk'umuhemu uhebuje abahemu bandi, kuba yarabuze aho arigitira mu isi atuyemokubera ibibazo bitandukanye.

6. Zamwibasiye. *Byumvikane neza ko izivugwa hano ari imana.*

Muri ubu bwoko bw'ikinamico, abakinnyi bakuru bagomba kuba ari abantu bo mu rwego rwo hejuru, abanyacyubahiro, nyuma kubera amakosa yabo abagaragara, ibyago bikabibasira. Ibyo byago ugasanga ari *nk'akagambane k'imana zibasiye abakinnyi nyamukuru* mu ikinamico. Usanga aba bakinnyi nta ruhare baba bagize mu byago byabo.

7. Interabitwenge. Ingeri y'iyi kinamico ishingiyeye gusa ku gushushanya umuntu mu mico no mu myifatire yo muri rubanda rwa giseseska, imico yo ku rwego rwo hasi ugereranyije n'uko yagombye kumera. Aha usanga umuntu nta kinyabupfura kimuranga, kwiyubaha no kwihesha agaciro bya ntabyo.

Ibi ntibigaragara mu gukora ibibi gusa ahubwo usanga ibyinshi bisekeje bikarundura bikagera no mu buteye ishozi mu ruhame. Abakinnyi usanga bambaye ibintu bibahishe mu maso kimwe n'ibindi bice by'umubiri ku buryo usanga umuntu afite iminwa nk'iya mununi, urutwe rwabayeho runini, ibirenge nk'ibya Nyamuryabana, amatwi nk'ay'inzovu.

8. Ikinamico yo kuzûbaara

Nkejabahizi, J.-C., (Ubuvinganzu nyarwanda. Inkuru ndende n'Ikinamico, Butare, U. N. R. 2005), yita "kuzubara" kugira ibitekerezo bivuguruzanya n'inyurabwenge, umutima n'ubupfura.

Bityo rero, ikinamico yo kuzubara ishira ahagaragara ukwiheba n'ubwoba by'umuntu ubona rwose ko ubuzima bwe buri mu icuraburindi rikabije. Muri iyi ngeri y'ikinamico umuntu agaragaza ko atazigera amenya icyo ari cyo, kamere ye nyayo yumva isa n'iyatakaye, akagaragaza ko atazi impamvu yaje mu isi y'abariho kandi ko adategereje n'umuntu wazamutoza amategeko y'uko akwiye kwitunga no kubaho.

IBICE BY'IKINAMICO

Ikinamico nyinshi zizwi zigira ibice bitatu.

- **Umwirondoro** no kugaragaza muri rusange imiterere y'abakinnyi n'inshamake y'ibikorwa bizagaragara mu ikinamico yose.
- **Ipfundo ry'ikinamico.** Muri iki gice ibintu biba bitangiye gusobanuka, abakinnyi bakuru bigaragaje kimwe n'abungirije.
- **Ikemuka ry'ikibazo cyari kiraje ishingira umukinnyi mukuru/Ikemurampaka.**

Muri iki gice ikibazo gishobora gukemuka cyangwa kikaburirwa umuti, abasomyi, abatega amatwi kimwe n'ababa babirebera ku byuma bigaragaza amashusho bakaguma mu rungabangabo bibaza ikizakurikiraho. Iyo bigenze bitya, umukino urangira ugiteye amatsiko.

Ku birebana n'ibice bigize ikinamico ntawashidikanya ko hari ikinamico yagira ibice bibiri cyangwa bine bitewe n'umuhanzi uwo ari we n'icyo agamije.

INYANDIKO NYEJWI

Inshoza y'ijwi.

Ijwi ni urusaku ruturuka ku bintu bikomanyeho. Ariko aha amajwi twibandaho ni ashingirwaho mu mvugo z'abantu.

Amajwi ni menshi cyane ariko bene ururimi bagiye bihitiramo ayo bakeneye kugira ngo bashyikirane hagati yabo. Birumvikana ko ahangaha ari ho hantu h'ibanze indimi zitandukanira.

Amajwi y'inyabumwe

Amajwi y'inyabumwe Amajwi y'inyabumwe y'ikinyarwanda agabanyijemo ibice bitatu ari byo inyajwi, ingombajwi n'inyerera.

INYAJWI

Inyajwi ni amajwi asohoka mu ntangamajwi hatagize ikiyatega mu mivugirwe yayo.

Dukurikije aho zivugirwa tuzisangamo ibice bitatu:

Ubwoko bw'inyajwi	Aho (z)ivugirwa	Izo/iyo ni:
<u>Inyajwi z'imbere</u>	Zivugwa ururimi rwiheze maze isonga yarwo ikishinga imbere y'ishinya y'amenyo yo hepfo, naho umugongo warwo ukegera urusenge rw'akanwa.	[i] na [e]
Inyajwi zo hagati:	zivugwa ururimi rwirambuye gato mu kanwa kandi inzasaya zirambuye neza maze igasohokera hagati mu kanwa.	[a].
Inyajwi z'inyuma:	zivugwa ururimi rwiteruye rukegera inyuma y'ishinya n'amenyo yo hepfo, umugongo warwo ukiheta wegera mu nkanka.	[o] na [u]

Dukurikije uko zivugwa dusanga zigabanyijemo ibice bitatu:

Ubwoko bw'inyajwi	Uko (z)ivugwa	Izo/iyo ni:
Imfunge/inyajwi zo mu rwego rwa mbere	zivugwa akanwa kifunze buhoro.	[i] na [u].
Impinayatu /inyajwi zo mu rwego rwa 2:	zivugwa akanwa gafunguye buhoro.	[o] na [e]
Inyatu / inyajwi yo mu rwego rwa 3:	ivugwa akanwa gafunguye birambuye.	[a].

Dukurikije imikorere y'iminwa yombi mu mivugirwe y'inyajwi,

Ubwoko bw'inyajwi	Uko (z)ivugwa	Izo/iyo ni:
Imbumbure	zivugwa iminwa yombi yikweze ikigira inyuma kandi ntiyibumbe.	[i, e, a].
Imbumbe	zivugwa iminwa yikweze ikigira imbere kandi ikirema nk'uruziga	[o] na [u].

II. Ubutinde bw'inyajwi

Abasesenguye neza ururimi rw'ikinyarwanda bemeza ko iyo hitaweho ubutinde bw'inyajwi mu mivugirwe yayo iyo ayo majwi yandikwa usanga ateye ku buryo bukurikira:

Inyajwi IBANGUKA yandikwa inshuro imwe.		Inyajwi ITINDA yandikwa inshuro ebyiri	
<i>Inyajwi</i>	<i>Urugero</i>	<i>Inyajwi</i>	<i>Urugero</i>
[i]:	[iri]	[ii]:	[yiiriwe]
[u]:	[uyu]	[uu]:	[yuurira]

[e]:	[emera]	[ee]:	[yeegamiye]
[a]:	[amara]	[oo]:	[yoomoye]
[o]:	[omora]	[aa]:	[waawe]

Ikitorerwa:

Iyo dukurikije ubutinde bw'inyajwi n'imiterere y'amasaku, Ikinyarwanda usanga gifite inyajwi mirongo itatu.

Hitaweho imikorere y'amasaku, inyajwi zizandikwa ku buryo bukurikira:

1. Isaku nyesi: [ì],[ù],[è],[ò],[â]: [ùmùrìrò], [àmèzèzè]
2. Isaku nyejuru: [î],[û],[ê],[ô],[â]: [îsî], [ùmûvû]

Amasaku y'inyunge:

3. Nyesi ndende: [ü],[û],[è],[ò],[â]: [ùmùrìzò]
4. Nyejuru ndende: [ÿ],[ÿ],[ê],[ô],[â]: [ââ thîzè]
5. Urwunge nyejuru nyesi: [ÿ],[ÿ],[è],[ò],[â]: [imâànà]
6. Urwunge nyesi nyejuru: [ÿ],[ÿ],[è],[ò],[â]: [ùmùhîrè]

III. Imbonerahamwe y'imivugirwe y'inyajwi.

Aho zivugirwa	Imbere		Hagati		Inyuma	
	Ibanguka	Itinda	Ibanguka	Itinda	Ibanguka	Itinda
Uko zivugwa						
Imfunge	[i]	[ii]			[u]	[uu]
Impinayatu	[e]	[ee]			[o]	[oo]
Inyatu			[a]	[aa]		

Kubera ko byatuma imbonerahamwe y'imivugirwe y'inyajwi iba nini cyane, imiterere y'amasaku ntiyitaweho.

INGOMBAJWI

Ingombajwi ni amajwi yitabaza inyajwi kugira ngo avugike neza.

Bamwe mu bahanga mu by'indimi basesenguye neza ingombajwi bagiye bifashisha ingingo zikurikira: *imikorere y'akanwa*, *imikorere y'imvumba z'amajwi*, *aho zivugirwa ndetse n'uko zivugwa* nk'uko imbonerahamwe ikurikira ibisobanura.

	<u>Amoko n'ibisobanuro</u>
Imikorere y'akanwa	<u>Inyamazuru</u> Iyo zivugwa umwuka uva mu bihaha uca mu kanwa nomu mazuru. [m], [n], [ŋ], [].
	<u>Inyakanwa</u> Iyo zivugwa umwuka uva mu bihaha uca mu kanwa gusa. [p], [β], [t], [d],[k], [g], [f], [v], [s], [z], [ʃ<], [ʃ], [], [h], [r].
Imikorere y'imvumba z'amajwi,	<u>Inkatuzi</u> Iyo zivugwa umwuka uca mu ngoto ukanyeganyeza imvumba z'amajwi ku buryo imyirangirire yazo yumvikana. <i>Ni yo mpamvu bamwe banazita indangira.</i> [β], [d], [g],[v], [] [z]
	<u>Indagi</u> Iyo zivugwa umwuka ntuhita neza mungoto, bityo ntunyeganyeza cyane imvumba z'amajwi ku buryo imyirangirire yazo itumvikana bihagije. [p], [t], [s], [ʃ<], [ʃ], [k], [f], [h].
	Aho <u>Inyamunwa</u> Iyo <u>Inkomanyaminwa</u> iyo zivugwa iminwa yombi ikomanaho.

<i>zivugirwa</i>	zivugwa iminwa igira uruhare runini mu misohokere yazo.	[p], [β], [m]. <i>Inyamwinyo</i> : iyo zivugwa umunwa wo hepfo ukoma ku menyo yo haruguru. [f], [v].
	<i>Inyesongashinya</i> Iyo zivugwa isonga y’ururimi ikora ku menyo n’ishinya byo haruguru.	[t], [d], [n], [s], [z], [r].
	<i>Inyarusenge</i> Iyo zivugwa zisohokera mu rusenge rw’akanwa	<i>Inyarusenge z’imbere</i> : iyo zivugwa isonga y’ururimi ikora ku gice k’imbere cy’urusenge rw’akanwa, inyuma y’ishinya y’amenyo yo haruguru. [ʃ<], []. <i>Inyarusenge zo hagati</i> : iyo zivugwa ururimi ruritera rukegera igice cyo hagati cy’urusenge rw’akanwa. [ʃ], []. <i>Inyankanka</i> : Iyo zivugwa ururimi ruriteramaze igice cyarwo k’inyuma kigakora ku gice k’inyuma cy’urusenge rw’akanwa (inkanka). [k], [g].
	<i>Inyamaraka</i> Iyo ivugwa isohokera mumaraka: ntivugirwa mu kanwa ahubwo isa n’isohokera mu mvumba z’amajwi rwagati. Inyamaraka ni imwe: [h].	
<i>Uko zivugwa.</i>	<i>Impatu</i> Iyo zivugwa babanza bafunga intangamajwi (<i>imyanya bakoresha bavuga</i>) maze umwuka ugasohoka ubanje kunigwa ku buryo ijwi risohoka risa n’irituritse. Inyamazuru zose: [n], [m], [ca], [ŋ]. Inyakanwa: [p], [β], [t], [d], [k], [g].	
	<i>Inkubyi</i> Iyo zivugwa begeranya intangamajwi ariko ntibayifunge, bityo umwuka ugasohoka utabanje kunigwa ariko ugasa n’uwikuba ku ntangamajwi. Ni izi: [f], [v], [s], [z], [].	
	<i>Inkomeza</i> (intakomwa) Iyo zivugwa umwuka usohoka mu ntangamajwi utagize ikiwukoma munzira. Ni izi: [r], [h], [ʃ<], [ʃ].	

II.5. Imbonerahamwe y'imivugirwe y'ingombajwi

	Inyamunwa		Inyesonga-	Inyarusenge			Inyama-maraka
	Inkoma-nyaminwa	Inyam-mwinyo	shinya (Inyamenyo)	Imbere	Ha-gati	Inyu-ma	Inyama-maraka
Inyama-zuru	[m]		[n]	[ŋ]			
Inyaka-nwa	[p], [β]		[t], [d]			[k], [g]	
Inkubyi		[f], [v]	[s], [z]		[ʒ]		
Inkomeza			[r]	[ɰ]	[ɰ]		[h]

III. Inyerera

Inyerera ni amajwi usanga imivugirwe yayo iri hagati y'iy'inyajwi z'imfunge n'iy'inyajwi zitwa inkubyi. Inyerera ni ebyiri: [y] na [w]

Aho zivugirwa

✓ *Dukurikije aho zivugirwa usanga ziteye ku buryo bukurikira: Tuzifashe nk'aho ari inyajwi:*

[y]: ivugirwa imbere nka [i] bityo ikitwa inyerera y'imbere. [w]: ivugirwa inyuma nka [u] bityo ikitwa inyerera y'inyuma.

✓ *Tuzifashe nk'aho ari ingombajwi:*

[y]: ivugirwa mu rusenge rw'akanwa bityo ikitwa inyerera y'inyarusenge. [w]: ivugirwa mu nkanka bityo ikitwa inyerera y'inyankanka.

Impugukirwa:

Aho zivugirwa honyine harahagije kugira ngo umuntu ashobore gutandukanya inyerera. Inyerera [y] ishobora kwandikwa [j] dukurikije itonde nyejwi mpuzamahanga cyangwa ikandikishwa [y] dukurikije itonde nyafurika

INYANDIKO NYEJWI N'INYANDIKO ISAZWE

Inyandiko isanzwe ni inyandiko umuntu ubonetse wese wigishijwe itonde ry'inyuguti z'Ikinyarwanda n'inyandikire y'Ikinyarwanda ashora gushyikiranamo n'undi akoresheje inyandiko,

Inyandiko nyejwi: Iyi nyandiko ni iya gihanga, aho usanga ikoresheya n'abize bagacengera iyigamajwi ari rwo rwego rw'iyigandimi rusesengura amajwi yose aboneka mu rurimi urwo ari rwo rwose.

Ni ibiki bigomba kwitabwaho mubyandiko nyejwi:

Uwandika inyandiko nyejwi agomba:

- Kwandika amagambo yose afatanyije kandi ntagabanya ibimenyetso,
-
- kwandika byose bijya hagati y'udusodeko [].
- Kwandika amajwi yose yumvikana iyo bayavuze.
- Kwandika ashiraho amasaku y'integuza ndetse n'amasaku yose nyesi.

Ikitonderwa:

1. Inyandiko nyejwi y'ingombajwi zikurikira igomba kwitonderwa: [p], [t], [k], [g]. [p], [t]: iyo zivugwa wumva zihekanye n'ingombajwi y'inkomeza [h]. Kubera iyo mpamvu inyandiko nyejwi yazo igomba kuba iteye itya: [ph], [th].

Ingero: *itabi= [ithâβi], ipera= [iphêrà].*

2. [k]: iyo ikurikiwe n'inyajwi [a] wumva buri gihe ihekanye n'inkomeza [h]. Kubera iyo mpamvu inyandiko nyejwi yayo igomba kuba iteye itya: [kh].

Ingero: *ikara= [ikhârà], ikama = [ikhâmà].*

3. [k], [g]: iyo zikurikiwe n'inyajwi [i] na [e] wumva buri gihe zihekanye n'inyerera [y] ([j]). Inyandiko nyejwi yazo igomba kuba iteye itya: [ky], [gy].

Ingero: *ikigega= [ikyìgyègà], kera= [kyèêrà].*

4. [k], [g]: iyo zikurikiwe n'inyajwi [u] na [o] wumva buri gihe zihekanye n'inyerera [w]. Inyandiko nyejwi yazo igomba kuba iteye itya: [kw], [gw].

Ingero: *kogosha = [kwôðgwò]â, kugura = [kwùgwùrà]*

Imbonerahamwe y'ingombajwi n'inyerera mu nyandiko isanzwe n'inyandiko nyejwi.

Inyandiko isanzwe			Inyandiko nyejwi
m	n	ny	[m], [n], [ŋ]
b	d	g	[β] cyangwa [b], [d], [g]
p	t	k	[p], [t], [k]
v	z	j	[v], [z], [ʒ]
f	s	sh	[f], [s], [ʃ]
r	shy	h	[r], [ʃ ^c], [h]
	y	w	[y]/[j], [w]

Ikitonderwa

1. Biragaragara ko hari ijwi c ritagaragara muri iyi mbonerahamwe. Iri jwi rifatwa nk'ijwi ry'igihekane ryandikwa mu majwi abiri, bityo rikandikwa ritya: [tʃ].

Urugero: *umucaca= [ùmùt{âât}â], umucucu= [ùmùt{ùùt}ù].*

1. Ijwi [b] rikoresheha mu bihekane gusa naho ahandi hagakoreshwa [β].

Nsigaranye ko:

- *Ikinamico ni umukino ushingiye ku gikorwa abantu berekanira imberey'abandi, bihidura ukundi bakagerageza gusa n'abo bigana, cyangwa ibyo bakina haba mu mvugo, mu mico, mu migirire, ... kandi bagamije gushimisha abababona rimwe na rimwe bakabaheramo n'inyigisho*
- *Ikinamico ubwayo si ingeri y'ubuvanganzo nyarwanda, inyandiko z'ikinamico ni zo ngeri y'ubuvanganzo nyarwanda.*
- *Mu gukina ikinamico, uhitamo abakinnyi akanabatoza agomba kubahiriza uko umuhanzi yagaragaje umukinnyi yifuzaga gukina umuntu uyu n'uyu agomba kuba ateye.*
- *Uburyo bwiza bwo guhitamo amazina y'abakinnyi ni ukubaha amazina asanzwe, imyitwarire yabo ikaza kugaragara mu bikorwa byabo igihe bakina. Kubaha amazina agaragaza imyitwarire yabo si byiza kuko bidatuma usoma cyangwa ureba cyangwa yumva umukino atagira amatsiko.*
- *Umuhanzi mwiza w'umuhanga, agerageza guha abakinnyi be imvugo ijyanye n'umwanya bari gukina ndetse n'aho bakinira.*
- *Akabugankuru cyangwa urukiniro ni aho abakinnyi bakinira umuseruko uyu n'uyu. Umuhanzi ahitamo akabugankuru akanagaragaza uko karaba kubakitse.*
- *Mu Kinyarwanda iyo basesengura amajwi y'inyabumwe banyura inzira ebyiri z'ingenzi, ari zo uburyo n'umwanya w'imivugirwe. Ibyiciro bitatu: inyajwi, ingombajwi n'inyerera.*
- *Inyerera ni ebyiri: [y] na [j] na [w],*
- *Ingombajwi ni izi zikurikira: [m], [n], [], [s], [β], [b], [d], [g], [p], [t], [k], [v], [z], [], [f], [s], [ʃ], [r], [ʃ<], [h] n'inyerera [y]/ [j] na [w].*
- *Mu nyandiko nyejwi y'amajwi bandika amajwi yose ashobora gusohoka mu myanya ntangamajwi kandi n'ibimenyetso byose bikandikwa, nta kugabanya ibimenyetso bibaho. • Hari amajwi y'inyabumwe agizwe n'amajwi abiri cyangwa atatu: sh=[ʃ], shy=[ʃ<].*
- *Hari amajwi y'inyabumwe agomba kwitonderwa mu nyandiko nyejwi. Ayo majwi ni [p], [t], [k], [g].*

UMUTWE WA 4: KUBAKA UMUCO W'AMAHORO

INYANDIKO NYEJWI

Inshoza y'igihekane.

Igihekane ni ijwi ry'inyunge ryandikishwa inyuguti (ingombajwi cyangwa inyerera) ebyiri cyangwa nyishi.

Amajwi y'ibihekane ashobora guhekana kuri ubu buryo:

G.G.: *ingombajwi + ingombajwi*
 G.N.: *ingombajwi +inyerera*
 G.G.N.: *ingombajwi +ingombajwi + inyerera*
 G.G.N.N.: *ingombajwi + ingombajwi +inyerera +inyerera*
 G.N.N.: *ingombajwi +inyerera + inyerera*

NI AYAHE MATEGEKO Y'IMIHEKANIRE Y'INGOMBAJWI?

Hari itegeko rusange rivuga ko:

1. Ingombajwi izo ari zo zose zihékana n'ingombajwi z'inyankanka zitaburabura bihuje uburyo bw'imivugirwe. Ingombajwi y'inyarusenge y'inyuma [k] ihékana n'ingombajwi z'indagi bihuje uburyo bw'imivugirwe [p]: [pk].
2. Izindi ndagi iyo zihékanye n'inyarusenge y'inyuma [k] bitanga ibihékane bitabaho bikaba ngombwa kwitwerereza inyerera [w] cyangwa[j]: [tkw], [kw], [kw], [skj], nyamara inyarusenge y'inyuma [k] ishobora guheka n'inyerera[w] cyangwa [j] : [kw], [kj].

Umurwi wa gatatu ugizwe n'ibihékane bisa n'aho bigengwa n'irengayobora ku itegeko rusange.

3. Hari ibihékane bine: ***bibiri bikomoka kuri [p] na [f], ibindi bibiri bikomoka kuri [b] na [v]***. Izo ngombajwi z'inkomanyaminwa [p] na [b] n'inyamwinyo [f] na [v] zihékana n'igihékane kigizwe n'inyarusenge z'inyuma ziyunze n'inyerera y'imbere [kj] na [gj] bigatanga ibihékane [pkj], [fkj], [bgj], [vgj].

4.

Umurwi wa kane ugizwe n'ibihékane bikomoka ku ngombajwi z'inyamazuru.

5. Ibihékane bikomoka ku ngombajwi z'inyamazuru kandi bikurikiza itegeko rusange ikibaho mu kinyarwanda ni [mj]. Ibindi kugira ngo bibeho mu mvugo y'Ikinyarwanda byitwerereza inyerera y'inyuma bityo hakabaho: [mjw], [mjw]/ [mjw].

IMYANDIKIRE Y'AMAJWI Y'IBIHEKANE MU NYANDIKO NYEJWI

Inyandiko isanzwe	Inyandiko nyejwi
1) mb	1) [mb]
2) nd	2) [nd]
3) ng	3) [ŋg]
4) mp	4) [mpʰ]
5) nt	5) [ntʰ]
6) nk	6) [ŋkʰ]
7) mv	7) [mv]
8) nz	8) [nz]
9) nj	9) [nʝ]
10) mf	10) [mf]
11) ns	11) [ns]
12) nsh	12) [nʃ]
13) pf	13) [pf]

14) ts	14) [ts]
15) c	15) [tʃ]
16) my	16) [mɹ̥]
17) nny	17) [nɹ̥]
18) by	18) [bgi]
19) jy	19) [gi]
20) py	20) [pkj]
21) ty	21) [tkj]
22) cy	22) [ky]
23) sy	23) [skj]
24) ry	24) [rgi]
25) mw	25) [mŋ]
26) nw	26) [nŋw]
27) nyw	27) [ɹ̥ŋw]/ [ŋw]
28) bw	28) [bg]
29) dw	29) [dgw]
30) gw	30) [gw]
31) tw	31) [tkw]
32) kw	32) [kw]
33) zw	33) [zgw]
34) jw	34) [ʒgw]
35) fw	35) [fkw]
36) sw	36) [skw]
37) shw	37) [ʃkw]
38) rw	38) [rgw]
39) shyw	39) [ʃ<kw]
40) hw	40) [hw]
41) mby	41) [mbgi]
42) ndy	42) [ndgi]
43) njy	43) [ŋgi]
44) mpy	44) [mpkj]
45) nty	45) [ntkj]
46) ncy	46) [ŋkj]
47) mvy	47) [mvgi]
48) nsy	48) [nskj]
49) pfy	49) [pfkj]

50) mbw	50) [mbg]
51) ndw	51) [ndgw]
52) ngw	52) [ngw]
53) mpw	53) [mpk ²]
54) ntw	54) [ntkw]
55) nk ^w	55) [nk ^w]
56) mvw	56) [mvg]
57) nzw	57) [nzgw]
58) njw	58) [nɔgw]
59) nsw	59) [n ^s kw]
60) nshw	60) [n ^h kw]
61) tsw	61) [tskw]
62) cw	62) [t ^h kw]
63) myw	63) [m ^h w]
64) byw	64) [bgjw]
65) mbyw	65) [mbgjw]

Nsigaranye ko:

Igihekane ni ijwi ry'inyunge ryandikishwa inyuguti ebyiri cyangwa nyinshi.

Niba G ari ingombajwi, N ikaba ari inyerera, mu kinyarwanda amajwi y'ibihokane ashobora guhekana kuri ubu buryo:

1. ***G.G.: ingombajwi + ingombajwi;***
2. ***G.N.: ingombajwi +inyerera;***
3. ***G.G.N.: ingombajwi +ingombajwi + inyerera;***
4. ***G.G.N.N.: ingombajwi + ingombajwi +inyerera +inyerera;***
5. ***G.N.N.: ingombajwi +inyerera + inyerera.***

Hari ibigomba kwitabwaho mu nyandiko nyejwi:

- ✓ *Amagambo yose bayafatanije kandi batagabanya ibimenyetso.*
- ✓ *Ibyo bandika byose bikajya hagati y'udusodeko [];*
- ✓ *Bandika amajwi yose yumvikana iyo bayavuze.*
- ✓ *Bandika bashyiraho amasaku y'integuza ndetse n'amasaku nyesi.*

Amagambo arimo ibihokane

Amagambo arimo ibihokane

Inyandiko isanzwe	Inyandiko isanzwe	Ingero	
		Inyandiko isanzwe	Inyandiko nyejwi
Mb	[mb]	Amakimbirane	[àmàkjiĩmbiirànè]
Mp	[mp ^h]	Impamvu	[imp ^h ààmvù]
Mv	[mv]	Imvano	[imvâànò]
Mf	[mf]	Imfunguzo	[imfùùngwùùzò]
Nd	[nd]	Induru	[indûûrû]
Nt	[nt ^h]	Intara	[int ^h âârâ]
Nz	[nz]	Inzangano	[inzâàngànò]
Ns	[ns]	Nsabira	[nsââîrà]
Ng	[ng]	Imiryango	[imîrgjààngwò]
Nk	[nk ^h]	Inkaba	[ink ^h âââ]
Nj	[nj]	Injijuke	[injîjûùkjè]
Nsh	[nʃ]	Inshuro	[inʃûrò]
Nshy	[nʃ̣]	Inshyushyu	[inʃ̣<ûûʃ̣<û]
Pf	[pf]	Umupfakazi	[ùmúpfaàk ^h âzi]
Ts	[ts]	Idahwitse	[idâhwîtsé]
C	[tʃ]	Amacakubiri	[àmâtʃâàkwûâîrî]
My	[mʎ]	Imyanda	[imʎâàndâ]
By	[bgj]	Ibyago	[ibgjâàgò]
Py	[pkj]	Gupyonda	[gwùpkjòòndâ]
Sy	[skj]	Gusya	[gwùskjà]
Nny	[n]	Innyo	[inʎò]
Jy	[gj]	Amujyambere	[àmàgjâàmbèèrè]

Ty	[tkj]	Ityazo	[itkjáàzò]
Ry	[rgj]	Araryarya	[àràrgjààrgjà]
Cy	[kj]	Icyuma	[ikjùùmà]
Mw	[mŋ]	Umwanzi	[ùmŋàànzì]
Nw	[nŋw]	Umunwa	[ùmùnŋwà]
Nyw	[ɲŋw]/[ŋw]	Aranywa	[àràŋwà]
Bw	[bg]	Ubwanwa	[ùbgààŋwà]
Dw	[dgw]	Ruramudwina	[rùrààmùdgiŋgà]
Rw	[rgw]	Kurwana	[kwùrgwàànà]
Gw	[gw]	Azagwa	[àzààgwà]
Pw	[pk ^h]	Kizacapwa	[kjiààtʃàpk ^h à]
Tw	[tkw]	Gutwara	[gwùtkwààrà]
Kw	[kw]	Kwendereza	[kwèèndèrèzà]
Vw	[vg]	Yahovwe	[jààhòòvgè]
Zw	[zgw]	Azahazwa	[àzààhààzgwà]
Jw	[ʒgw]	Ikijwangajwanga	[ikjiʒgwààʒgwààŋgà]
Fw	[fk ^h]	Igufwa	[igwùfk ^h à]
Sw	[skw]	Ruswa	[rùskwà]
Shw	[ʃ ^c kw]	Kurushwa	[kwùrùʃ ^c kwà]
Shyw	[ʃ ^c kw]	Kubeshywa	[kwùʃèèʃ ^c kwà]
Hw	[hw]	Amahwa	[àmâhwà]
Mby	[mbgj]	Imbyino	[imbgjìnò]
Mpy	[mpkj]	Impyisi	[impkjìsì]
Mvy	[mvgj]	Yarahomvye	[jàràhòòmvgjè]
Ndy	[ndgj]	Indyarya	[indgjààrgjà]
Nty	[ntkj]	Intyoza	[intkjòòzà]
Nsy	[nskj]	Insyo	[inskjò]
Njy	[ŋgi]	Injyo	[inŋjò]
nshy/ ncy	[nʃ ^c]/ [ŋkj]	Inshya/ Incyamuro [inʃkjààmùrò]	[inʃ ^c à] [inʃkjààmùrò]
Pfy	[pfkj]	Zakapfakapfye	[zààk ^h ààpfàk ^h ààpfkjè]
Mbw	[mbg]	Imbwa	[imbgà]
Mpw	[mpk ^è]	Impwempwe	[impk ^è èèmpk ^è è]
Mvw	[mvg]	Azumvwa	[àzùùmvgà]
Ndw	[ndgw]	Indwara	[indgwààrà]
Ntw	[ntkw]	Intwara	[intkwààrò]
Nzw	[nzgw]	Arakunzwe	[àràkwùùnzwè]

Tsw	[tskw]	Arotswa	[àròòtskwà]
Ngw	[ɲgw]	Ingwe	[iɲgwè]
Nkw	[ɲkw]	Inkwavu	[iɲkwâàvù]
Njw	[nʒgw]	Nyanjwenge	[ɲàànʒgwèɲgè]
Nshw	[nʃkw]	Nshwekure	[nʃkwèèkwûurè]
Cw	[tʃkw]	Icwende	[itʃkwèèndè]
Myw	[mɲw]	Kurumywa	[kwûrûmɲwà]
Byw	[bgyw]	Kuyobywa	[kwùjòbgywà]
Mbyw	[mbgyw]	Guhombywa	[gwùhwòòmbgywà]
Nshyw	[nʃ ^c kw]	Inshywa	[inʃ ^c kwà]

Nsigaranye ko:

Amakimbirane ari ibintu bigonganisha abantu babiri cyangwa benshi bikomotse ku bibazo cyangwa se ku mpamvu zinyuranye; ashobora kuvuka bitewe n’imiyoborere idahwitse, amacakubiri hagati y’imbaga y’abantu, imyumvire ya poritiki idahuye n’ibitekerezo by’abandi, kutizerana mu ngo cyangwa mu miryango. Ubunewe, ubukene, ubujiji, inda nini na ruswa bishobora na byo kuba intandaro y’amakimbirane.

Umuhuza mu gukemura amakimbirane agomba kumenya imiterere n’imvanyo nyakuri y’ayo makimbirane, iyo iki kirangiye ahuza abafitanye amakimbirane akabunga yubahiriza amategeko ariho, ibinaniranye bigashyikirizwa inzego zisumbuye zibifitiye ububasha. Igihe ufasha gukemura amakimbirane ugomba gukemura ibyo ukekeraga cyangwa uhamya umwe mu bahanganye. Ibi byatuma utumva neza uko ikibazo giteye ahubwo bikaba byatuma ikibazo k’ifatizo gikomera kurushaho.

Umuhuza kandi agomba kwirinda kunegura no gufata ibintu uko atabibwiwe. Guhamya uruhande uru n’uru icyaha cyangwa se kurweza ntabwo bitanga igisubizo cyari kitezwe. Umuntu agomba gukora iyo bwabaga akabyirinda. Kwihangana no kwigomwa, kuba afitiwe ikizere n’impande zishyamiyanye kimwe no kumenya kugena igihe gihagije kandi kitarambiranye biri mu biranga imyitwarire y’ukemura amakimbirane.

Demukarasi y’Igihugu kigendera ku mategeko igaragarira mu ishyirwa mu bikorwa ry’ibyo amategeko ateganyaga. Amakimbirane agira ingaruka ku mibereho y’abaturage no ku bukungu bw’akarere. Abaturage bahora mu makimbirane, ntibagira igihe cyo gukorera ingo zabo n’Igihugu. Mu miyoborere myiza bisaba kuzuzanya hagibwa inama ku bigomba gukorwa n’ababifitemo uruhare, abantu bagakorera mu mucyo hashimangirwa ubumwe, uburinganire n’ubwuzuzanye mu mibereho y’abagize umuryango.

Umuyobozi wakira neza abaturage, akabatega amatwi yicishije bugufi, agakemura ibibazo atabogambye agakurikiza amategeko; uwo muyobozi uzasanga yubahwa kandi agace aherereyemo gatera imbere. Ubuyobozi bwiza buha abaturage uruhare mu buyobozi, gukorera mu mucyo, kumenyekanisha no kwisobanura ku byo ushinze gukora, kugira ubuyobozi buri

wese yibonamo, kubaha igitekerezo cy'undi, guharanira ubwigenge mu bwuzuzanye hagati y'inzego z'ubutegetsi, kumenya kugira abandi inama kimwe no kutabogama, ukita ku nyungu rusange byinjira mu mahame y'ingenzi y'imiyoborere myiza.....

Igihekane ni ijwi ry'inyunge ryandikishwa inyuguti ebyiri cyangwa nyinshi. Niba G ari ingombajwi, N ikaba ari inyerera, mu kinyarwanda amajwi y'ibihekane ashobora guhekana kuri ubu buryo: G.G.: ingombajwi + ingombajwi; G.N.: ingombajwi +inyerera; G.G.N.: ingombajwi +ingombajwi + inyerera; G.G.N.N.: ingombajwi + ingombajwi +inyerera +inyerera; G.N.N.: ingombajwi +inyerera + inyerera.

Hari ibigomba kwitabwaho mu nyandiko nyejwi: amagambo yose bayafatanije kandi batagabanya ibimenyetso. Ibyo bandika byose bikajya hagati y'udusodeko []; bandika amajwi yose yumvikana iyo bayavuze. Bandika bashyiraho amasaku y'integuza ndetse n'amasaku nyesi.

UMUTWE WA 5: KUBUNGABUNGA IBIDUKIKIJE

UMWANDIKO: IBIDUKIKIJE INKINGI Y'UBUZIMA

(Gusoma no gusesengura umwandiko)

INTERURO MU NYANDIKO NYEJWI

- ✓ Andika amagambo yose afatanyije kandi ntugabanye ibimenyetso.
- ✓ Amasaku nyesi, amasaku nyejuru, ay'integuza (*uretse ku rwunge nyesi nyejuru: ahari ubutinde inyajwi ya kabiri ari yo ifite isaku nyejuru*) n'ubutinde byose biragaragazwa.
- ✓ Hakandikwa bya bimenyetso byose bihagarariye inyajwi, inyerera, ingombajwi zoroheje n'iz'inyunge (*ibihekane*)
- ✓ Interuro yose igashyirwa hagati y'udusodeko [].
- ✓ Kubera ko amagambo yandikwa afatanijwe hari igihe ijamba rituma kuriribanziriza haza isaku ry'integuza bitewe n'inyajwi ibanziriza iririkurikiye iba yaburijwemo.

Urg:

Uko amajyambere agenda yiyongera ni ko ikitwa umutungo kamere twasigiwe n'abakurambere bacu ugenda ukoreshwa rimwe na rimwe neza cyangwa nabi hirengagijwe abavuka uko bwije n'uko bukeye.

*[úkwâmàgyààmbèràgyèèndâyîyònyèèrànikwîkyîútkwùmûúùngwòkhàmêrê
tkwàâsigiyîwênââkwûrààmbèrèâbatûgyèèndúkwôrèè[kwârîmnyèàrîmnyèèèzâkyâângwânââââh
ûrèèngàgyîÿgwââvûúkwûk wòbgîÿzènuúkwôâkûkyèèyè]*

INYANDIKO NYEMVUGO

Inshoza y'inyandiko nyemvugo.

Inyandiko nyemvugo ni inyandiko ifata amajwi yose y'ururimi ikayagabanya igamije kugera ku majwi make afite umumaro wo gutandukanya amagambo muri urwo rurimi. Bene ayo majwi aboneka yitwa **“amajwi shingiro”**.

Iryo gabanya ry'amajwi y'ururimi bakaryita igeruramajwi. Muri iryo geruramajwi, mu gushaka gutahura ko ijwi runaka rifite umumaro mu rurimi barisimbuza irindi jwi mu ijamba rimwe

bagoragoza. Iyo iryo simburana ry'amajwi ribyaye ingingo nshya ayo majwi yombi ni yo yitwa amajwi shingiro.

Urg:

Kubira	Kubora
Gukana	Gukona
Gupima	Guhima
Iyi	Igi

Uko bandika mu nyandiko nyemvugo

Iyo bandika mu nyandiko nyemvugo hari ibikurikizwa:

1. Bandika bagabanya ibimenyetso kandi ibyanditswe bigashyirwa hagati y'utu tumenyetso / /
2. Amasaku nyesi n'ay'integuza ntiyandikwa.
3. Inyerera [j] na [w] zigerurwa kuri [k] na [g] ziba zikurikiwe na [i], [e], [u] na [o].

Urg: [igjisekjè] /igiseke/

[ihwòôhwò] /ihoôho/

4. Inyaminwa y'inkubiyi[β] iragerurwa igasimbuzwa inturike /b/ mu nyandiko nyemvugo, kuko ijwi[β] ryumvikana iyo rikikijwe n'inyajwi cyangwa iyo ritangira interuro rigakurikirwa n'inyajwi. Ikindi /b/ iboneka mu buryo butaruhanyije.

Urg: [imbèβà] /imbeba/

5. Inyamazuru y'inyankanka [ŋ] iragerurwa igasimbuzwa inyamazuru y'inyamenyo/n/mu nyandiko nyemvugo, kuko ijwi[ŋ] ryumvikana gusa mu majwi y'inyunge iyo ribanjirije inyankanka[k] na [g].

Urugero: [iŋkhâ] /inkâ/

6. [j] isimbuzwa /sh/ na [] igasimbuzwa/ny/.
7. Mu bihekane bigizwe n'ibimenyetso bitatu, inyarusenge z'inyuma [k] na [g] ziri hagati ziragerurwa (ziragabanywa). Iyo ibimenyetso bimaze kugabanywa ibisigaye bikurwa mu dusodeko (turanga inyandiko nyejwi) bigashyirwa hagati y'udukoni tubiri tuberamyeye ari two turanga inyandiko nyemvugo.

Urugero: [àmâtkwî] /amatwî/

8. Ijwi ry'inyamazuru y'inyarusenge [ŋ] na ryo iyo riri mu gihekane kigizwe n'ibimenyetso nibura bitatu riragabanywa.

Urugero: [ùmùŋwà] /umunwa/

Ingombajwi z'inyarusenge z'inyuma [k] na [g] aho ziri mu bihekane bikomoka ku ngombajwi z'inyamunwa zisimburwa n'inyerera [w] mu nyandiko nyemvugo. Mu bihekane bikomoka ku nyamazuru ho ijwi ry'inyamazuru y'inyarusenge [ŋ] risimburwa n'inyerera [w] naho [ɲ] igasimburwa n'inyerera [j].

Urugero:

Inyandiko nyejwi	Inyandiko nyemvugo
[umûtkwâaro]	/umutwâaro/
[igi]kwî]	/igi]wî/
[kwûrgjâ]	/kûrjâ/
[zaâhwôvgje]	/zaâhôovje/
[agapkjîsi]	/agapjîsi/

GUTANDUKANYA INYANDIKO NYEJWI N'INYANDIKO NYEMVUGO

Inyandiko nyejwi	Inyandiko nyemvugo
– Bandika amajwi yose yumvikana batagabanya ibimenyetso. – Ibyo banditse bishyirwa mu dusodeko [] – Bandika interuro bandika bafatanije amagambo yose ayigize. – Bandika bashyiraho amasaku nyesi n'amasaku y'integuza	– Bandika bagabanya ibimenyetso ntibandika amajwi yose yumvikana. – Ibyo bandika bishyirwa muri utu tumenyetso / /. – No mu nyandiko nyemvugo bandika bafatanije interuro. – Amasaku y'integuza ntiyandikwa n'amasaku nyesi ntiyandikwa.

Ingero:

Inyandiko nyejwi	Inyandiko nyemvugo
[it]àpkà]	/it]apka/
[igwûfkâ]	/igûfwâ/
[ûbgââtò]	/ûbwâato/
[gwûhwôovgâ]	/gûhôovwa/
[ûmŋâânà]	/ûmwâana/
[imɲèèjò]	/imjeejo/
[ùmùkjinɲi]	/umukinnyi/

Ibihekane mu nyandiko nyemvugo

Imbonerahamwe y'amajwi y'ibihokane bigizwe na GG, GN (j cyangwa y na w)

Inyandiko isanzwe	Inyandiko nyejwi	Inyandiko nyemvugo
• mb	• [mb]	• /mb/
• nd	• [nd]	• /nd/
• ng	• [ŋg]	• /ng/
• mp	• [mp ^h]	• /mp/
• nt	• [nt ^h]	• /nt/
• nk	• [ŋk ^h]	• /nk/
• mv	• [mv]	• /mv/
• nz	• [nz]	• /nz/
• nj	• [nʒ]	• /nj/
• mf	• [mf]	• /mf/
• ns	• [ns]	• /ns/
• nsh	• [nʃ]	• /nsh/
• pf	• [pf]	• /pf/
• ts	• [ts]	• /ts/
• c	• [tʃ]	• /c/
• my	• [m ^y]	• /mj/
• nny	• [n ^y]	• /nny/
• by	• [βg]	• /bj/
• jy	• [g]	• /gj/
• py	• [pk]	• /pj/
• ty	• [tk]	• /tj/
• cy	• [ky]	• /kj/
• sy	• [sk]	• /sj/
• ry	• [rg]	• /rj/
• mw	• [mŋ]	• /mw/
• nw	• [nŋw]	• /nw/
• nyw	• [n ^y ŋw] / [ŋw]	• /njw/
• bw	• [bg]	• /bw/
• dw	• [dgw]	• /dw/
• gw	• [gw]	• /gw/
• tw	• [tkw]	• /tw/
• kw	• [kw]	• /kw/
• zw	• [zgw]	• /zw/
• jw	• [ʒgw]	• /jw/
• fw	• [fkw]	• /fw/
• sw	• [skw]	• /sw/
• shw	• [ʃkw]	• /shw/
• rw	• [rgw]	• /rw/
• shyw	• [ʃ<kw]	• /shjw/

Imbonerahamwe y'ibihokane by'urukurikirane rw'ingombajwi ebyiri n'inyerera /y/cyangwa /w/

Inyandiko isanzwe	Inyandiko nyejwi	Inyandiko nyemvugo
• mby	• [mbgi]	• /mbj/
• ndy	• [ndgi]	• /ndj/
• njy	• [ŋgi]	• /ngj/
• mpy	• [mpki]	• /mpj/
• nty	• [ntki]	• /ntj/
• ncy/(nshy)	• [ŋki]	• /nkj/
• mvy	• [mvgi]	• /mvj/
• nsy	• [nski]	• /nsj/
• pfy	• [pfki]	• /pfj/
• mbw	• [mbg]	• /mbw/
• ndw	• [ndgw]	• /ndw/
• ngw	• [ŋgw]	• /ngw/
• mpw	• [mpkʷ]	• /mpw/
• ntw	• [ntkw]	• /ntw/
• nkʷ	• [nkʷ]	• /nkʷ/
• mvw	• [mvw]	• /mvw/
• nzw	• [nzgw]	• /nzw/
• njw	• [nʒgw]	• /njw/
• nsʷ	• [nskʷ]	• /nsʷ/
• nshw	• [nʃkw]	• /nshw/
• tsw	• [tskw]	• /tsw/
• cw	• [tʃkw]	• /cw/

Imbonerahamwe y'ibihokane bigizwe n'ingombajwi imwe n'inyerera ebyiri (G.N.N.)

Inyandiko isanzwe	Inyandiko nyejwi	Inyandiko nyemvugo
• myw	• [mʲŋ]	• /myw/
• byw	• [bgjw]	• /bjw/

Imbonerahamwe y'ibihokane bigizwe n'ingombajwi ebyiri n'inyerera ebyiri (G.G.N.N)

Inyandiko isanzwe	Inyandiko nyejwi	Inyandiko nyemvugo
mbyw	[mbgjw] / [mbgiw]	/mbyw/

IGIHEMBWE CYA 3

UMUTWE WA 6: GUKUNDA IGIHUGU

Umwandiko: Gukunda Igihugu (pg 60)

(kumva no gusesengura umwandiko)

6.2. Amazina y'amatirano

Kagabo na Mucyo mu isoko

Mucyo: Kagabo, bite se? Ngwino hano ntundenze ibyashara!

Kagabo: Ubu icyo nshaka ni ukugura ishati ifite amaboko magufi n'ipantaro y'umukara.

Mucyo: Hano birahari; wijya kure. **Kagabo:** Ese ko nta giciro gihari?

Mucyo: Dore byanditseho. Ishati ni amafaranga ibihumbi umunani naho ipantaro ni igihumbi.

Kagabo: Ndabona bidahenze. Ese amasogisi yo n'iri koti na karuvati byo bigura bite?

Mucyo: Amasogisi ni amafaranga ibihumbi bitanu, ikoti ni bitanu naho karuvat ni igihumbi.

Kagabo: Reka nkwishyure kashi ndabona nta sheke nazanye.

Mucyo: Urakoze Kaga, unsuhurize mwarimu wange.

Kagabo: Urakoze nawe. Ni aho ubutaha!

Muri iki kiganiro, shakamo amagambo atari umwimerere mu Kinyarwanda.

Amazina gakondo: Kagabo, Mucyo, amaboko, umukara, igiciro.

Amazina atari gakondo: ibyashara, ishati, ipantaro, amafaranga, ikoti, karuvati, amasogisi, kasha, sheke, umwarimu.

Izina	Ururimi akomokamo	Uko ryandikwa
Ibyashara	Igiswahiri	Biashara
Ishati	Icyongereza	Shirt
Ipantaro	Igifaransa	Pantalon
Amafanga	Igifaransa	Francs
Ikoti	Icyongereza	Coat
Karuvati	Igifaransa	Cravat
Amasogisi	Icyongereza	Socks
Kashi	Icyongereza	Cash
Sheke	Igifaransa	Chèque
Umwarimu	Igiswahiri	Mwalimu

Aya mazina atari aya gakondo ni ayo ururimi rwatiye kugira ngo ruyakoreshe, bityo yitwa: “amazina y'amatirano”

Inshoza y'izina ry'iritirano

Mu Kinyarwanda, izina ni ubwoko bw'ijambo bita umuntu, inyamaswa, ikintu n'ahantu, rikabiranga.

Izina risobanurwa ku buryo butandukanye biturutse ku nyito cyangwa inyurabwenge, ku ntego ndetse no ku nkomoko. Iyo dushingiye ku nkomoko ari na cyo twibandaho muri iri somo, amazina y'Ikinyarwanda tuyasangamo amazina gakondo n' amazina y'amatirano.

Itandukaniro hagati y'amazina gakondo n'amazina y'amatirano

Amazina y'amatirano ni amazina afite inkomoko mu ndimi z'amahanga. Iyo indimi zihuriranye, ururusha urundi ingufu ni rwo rurutiza amagambo menshi bitabujije ko n'urundi na rwo rurutira. Gutira bishingira ku mushyikirano w'imico, ku madini, ku butegetsi, ku bukungu n'ibindi hagati y'indimi zinyuranye. Amazina gakondo yo ni amazina aba ari karemano mu rurimi runaka ataratiwe mu zindi ndimi.

Imvano y'amazina y'amatirano.

Kuva kera Abanyarwanda bashyikiranaga n'abaturage b'ibihugu bidukikije, bitewe n'ubucuti ubuhake, guhaha cyangwa gushyingirana. Ibi byatumye Ikinyarwanda kinjiza amagambo avuga ibintu bimwe byabaga byadutse mu Rwanda. Byongeye kandi, kuva mu ntangiriro y'ikinyejana cya makumyabiri, abanyaburayi batangiye kuza mu Rwanda bazanywe n'amadini, ubukoloni, ubucuruzi n'ubucukuzi bw'amabuye y'agaciro, ubuhinzi n'ibindi. Ibyo byatumye zimwe mu ndimi z'i Burayi zinjiza amagambo mu Kinyarwanda.

Zimwe mu ndimi zatije Ikinyarwanda amagambo

Imbonerahamwe ikurikira iratugaragariza zimwe mu ngero z'amazina y'amatirano yinjije mu rurimi rw'Ikinyarwanda

a) Indimi nyafurika

Ururimi	Izina ry'iritirano	Izina ry'amahanga
Iringara	Umusoro (byo gusora) Inkaranka (ubunyobwa) Gutika (kureka) Umusara (umurimo) Umwansi (umukobwa)	Mosolo Kalanga Kotika Mosala Mwasi...
Ikigande	Igikaju (igisheke) Impari (ikabutura ngufi) Indogobe Igikwasi Amashanyarazi...	Ekikajo Empari Endogoyi Ekikwasi Amashanyarazi...
Igiswayire	Itara Umusingi Inema Ikizibaho (igitambaro) Urukuta Ibajiya (irindazi) isaha...	Taa Msingi Neema Kisbau Ukuta Bajia Saa...

b) Indimi z'i Burayi

Ururimi	Izina ry'iritirano	Izina ry'amahanga
Ikidage	Amayida Ishuri Urutofanyi Mbasha (umusirikari) Ibobere Umudage...	Meiden Schule Kartoffen Boche Büber Dag...
Igifaransa	Ikamyoneti Iferi Umushwari Puwaro Ishashi Ishakoshi Akabari Itushi Gukoroniza...	Camionnette Frein Mouchoir Poireau Sachet Sacoche Cabaret Touche Coloniser...
Icyongereza	Idorari Isekeni Kidikoni Umuboyi Iyadi Isizeni Mitingi Gasutamo...	Dollar Second hand Archidicon Boy Yard Season Meeting Customs.....
Ikiratini	Misa Umufaratiri Kiriziya Isakamentu Tonsura (ubwogoshe bw'umufaratiri) Abusorosiyo Itegura (bubakisha)	Missa Frater Ecclesia Sacramentum Tonsura Absolution tegula
Igifurama	Gasopo Gafurudomo (igitutsi) Kongoreshi (indwara y'inka)...	Pas op God fur dom Congoleesch...

IMISESENGURIRE Y'AMAZINA Y'AMATIRANO

Muri rusange amagambo akunze gutirwa mu Kinyarwanda ni amazina. Iyo amazina y'amatirano yinjijye mu kinyarwanda, yisanisha ku miterere y'andi mazina asanzwe mu Kinyarwanda. Bityo akavugwa nka yo kandi akagira amasaku n'intego nk'iy'amazina asanzwe mu Kinyarwanda.

Amenshi mu mazina y'amatirano, iyo yinjijye ahita afata intego rusange y'izina ry'Ikinyarwanda; ni ukuvuga indomo, indanganteko n'igicumbi, bityo bene ayo mazina biranagorana kuyatandukanya n'amazina gakondo kuko na yo ahita afata intego nk'iy'amazina asanzwe, kandi uko imyaka igenda ihita inkomoko yayo ikagenda yibagirana. Ikindi kandi uvuga ntabanza kubaza inkomoko y'izina iri n'iri.

Ingero:

<i>Chauffeur</i>	<i>umushoferi/abashoferi:</i>	<i>u-mu- shoferi/ a-ba-shoferi</i>
<i>Driver</i>	<i>umuderevu/abaderevu:</i>	<i>u-mu-derevu/ a-ba-derevu</i>
<i>Boy</i>	<i>umuboyi/ababoyi:</i>	<i>u- mu-boyi/ a-ba-boyi</i>
<i>Mwalimu</i>	<i>umwarimu:</i>	<i>u-mu-arimu,...</i>

Andi mazina y'amatirano ntagaragaza indanganteko. Akenshi na kenshi, amazina y'amatirano atagaragaza indanganteko (indangazina), aba ari mu nteko ya gatanu. Cyakora iyo agiye mu bwinshi agaragaza uturemajambo twose.

Urugero

<i>Shirt</i>	<i>ishati/amashati:</i>	<i>i- ø -shati/ a-ma-shati</i>
<i>Saa</i>	<i>isaha/amasaha:</i>	<i>i- ø -saha/ a-ma-saha,...</i>

Hari andi mazina y'amatirano yinjira mu kinyarwanda, ntashobore kugira indomo n'indaganteko ahubwo akagira igicumbi gusa (ø - ø -c). Bene ayo mazina akunze kuba ari mu nteko ya 9 agafata ubwinshi mu nteko ya 10.

Ingero

<i>Téléphone</i>	<i>terefoni (imwe/nyinshi):</i>	<i>ø - ø -terefoni</i>
<i>Television</i>	<i>tereviziyo (imwe/nyinshi):</i>	<i>ø - ø -tereviziyo</i>
<i>Radio</i>	<i>radiyo (imwe/nyinshi):</i>	<i>ø - ø - radiyo...</i>

Ikitonderwa Bene aya magambo yemera kandi gufata ubwinshi mu nteko ya gatandatu. Iyo yafashe ubwinshi mu nteko ya gatandatu agira ***indomo n'indanganteko***.

Terefone:	ø - ø -terefone	amaterefone:	a-ma- terefone
Tereviziyo:	ø - ø -tereviziyo	amatereviziyo	a-ma-tereviziyo

Bene aya mazina agira amategeko y'igenamajwi ateye nk'ay'amazina gakondo.

<u>Ingero:</u>	<u>Intêgo</u>	<u>Itegeko ry'igenamajwi</u>
<i>Ibyashara:</i>	<i>i-bi-ashara</i>	<i>I→y/-J</i>
<i>Icyashara:</i>	<i>i-ki-ashara</i>	<i>i→y/- J ky→cy mu nyandiko</i>
<i>Agaterefone:</i>	<i>a-ka-terefoni</i>	<i>k→g/ - GR</i>
<i>Umwari mu:</i>	<i>u-mu-arimu</i>	<i>u→w/- J</i>

Amategako agenga itira ry'amazina

Kugira ngo ijambo ritirwe ryemerwe, rigomba:

1. Kuba rikenewe n'abenerurimi kandi rishobora kuvugika bitagoranye. Ni ukuvuga ko utira ijambo utari ufite ubusanzwe mu rurimi rwawe.

Iyo atari ibyo uba ukoze ikosa ry'inozamvugo ryo kuvanga indimi mu gihe bitari ngombwa, bitewe n'impamvu zinyuranye; **ubwirasi, kugaragaza ko wize, kwereka undi ko ururimi azi nawe uruzi, ubunebwe bwo kwiga neza ururimi rumwe, kuba mu ndimi ebyiri uvanga nta na rumwe uzi neza, ...**

2. Ijambo **ritiriwe** rigenekerezwa ku nyemvugo z'Ikinyarwanda, rigafata amasaku nk'ay'Ikinyarwanda, ryaba ari izina rikagenerwa inteko, yaba ari inshinga ikagenerwa umuzi.
3. Niba ijambo **ritiriwe** ari icyongereza cyangwa ikidage, bitewe n'uko izo ndimi zisanzwe zifite amasaku atandukanye n'ay'Ikinyarwanda, rigomba kwinjira mu Kinyarwanda rifite amasaku abenerurimi dusanzwe tumenyereye.
4. Utira izina kandi, ashobora gufata ijambo akariterura uko ryakabaye, akaryinjiza mu rurimi kamere rigafata intego n'imiterere y'amazina y'urwo rurimi uryinjijemo.
5. Iritirano rishobora kwinjirana inyito risanganywe cyangwa guhabwa indi itandukanye n'isanzwe.

<i>Ingero</i>	<i>Driver</i>	<i>umuderevu</i>
	<i>Blanket</i>	<i>ikiringiti</i>
	<i>Chauffeur</i>	<i>umushoferi</i>
	<i>Shirt</i>	<i>ishati...</i>

Umwanzuro ku izina ry'iritirano

- a. Izina ry'iritirano ni izina ritari karemano muri urwo rurimi, ni izina ryavuye mu zindi ndimi cyangwa izina ryahawe ikintu ubusanzwe kitari gisanzwe muri urwo rurimi.
- b. Izina ry'iritirano iyo rigeze mu Kinyarwanda, rishakirwa inteko, yaba ari inshinga igashakirwa ngenga, kandi bikisanisha n'ikibonezamvugo k'Ikinyarwanda mu rwego rwo gushakirwa uturemajambo.
- c. Kugira ngo ijambo **ritirwe** ryemerwe, rigomba kuba rikenewe n'abenerurimi kandi rishobora kuvugika bitagoranye.
- d. Mu itira ry'amazina kandi, ushobora gufata ijambo ukariterura uko ryakabaye, ukaryinjiza mu rurimi kamere rigafata intego n'imiterere y'amazina y'urwo rurimi uryinjijemo.
- e. Riba rishobora kwinjirana inyito risanganywe cyangwa guhabwa indi itandukanye n'isanzwe.
- f. Indimi nyafurika **zatije** Ikinyarwanda amagambo kubera imihahiranire n'imibanire yo guturana no gushyingiranwa.
- g. Indimi z'i Burayi zatije Ikinyarwanda amagambo kubera ubukoloni, ubucuruzi n'amadini.

6.3. INAMA

Inama ni iki?

Ni ikoraniro ry'abantu bateraniye hamwe bafite ingingo bigaho. Hashobora kubaho inama idasanzwe; iba itateguwe bihambaye cyangwa inama isanzwe iba yateguwe cyane kubera ko idatunguranye.

Gahunda y'inama

1. Ibigomba kwitabwaho mu gutegura inama

Igihe umuntu ategura inama isanzwe, agomba kwita cyangwa gutekereza ku ntego zayo; icyo inama izaba igamije, icyo izageraho na gahunda y'ibizigirwamo. Ni yo mpamvu agomba gutegura ibikoresho bizamufasha kuyinoza. Bimwe mu bigomba kwitabwaho ni ibi bikurikira:

- Aho inama izabera mbere, hakurikijwe umubare w'abazayizamo.
- icyumba cy'inama (*intebe, ameza ndetse no kuhagirira isuku*) ukurikije aho abazaza mu nama bazicara nko mu ishuri, ku ruziga, ku gice cy'uruziga n'aho abayobozi bicara.
- icyo kwandikaho niba ari ngombwa; ikibaho, amakaye cyangwa ikindi kintu cyose cyatuma abari mu nama bashobora gukurikira (*nko kwitabaza ikoranabuhanga niba ari ngombwa*).

Itegurwa ry'inama nyiri izina

Utegura inama agomba kwibanda ku bintu bikurikira:

1. **Ibizigirwa mu nama** bikorwa n'umuyobozi cyangwa se bigakorwa n'akanama runaka yashyizeho.

Mu gutegura ingingo z'ingenzi ni byiza kuzitondekanya uhereye ku zifite agaciro kurusha izindi kuko iyo igihe kibaye gito, iby'ingenzi biba byarangiyeye.

2. **Gutumiza inama no kohereza gahunda yayo mbere y'igihe** (hari igihe abatumiwe batanga ibitekerezo cyangwa bakibutsa indi ngingo yagombaga kuzigirwamo.)

Ni byiza ko hagati yo gutumiza inama n'inama ubwayo habonekamo igihe kugira ngo abantu babashe kuyitegura.

Uko inama iyoborwa

Kuyobora inama ni umurimo ukorwa na nyiri ukuyitumiza cyangwa umubereye mu mwanya (umuyobozi mu rwego rwe). Buri muntu wese uba yitabiriye inama aba afite icyo ashinzwemo; abayitumiwemo baba bafite inshingano zo kumva no gutanga ibitekerezo byabo. Umuyobozi w'inama atangiza inama kandi akanayiyobora.

Inama igira ibice by'ingenzi bigenda bikurikirana, kandi uyiyo boye akaba agomba gukurikirana neza ngo hatagira igisimbukwa, cyanecyane ko ari we ugomba kurangiza kimwe agatangiza ikindi. Muri rusange ibice by'inama bikurikirana bitya:

1. Gusuhuzanya no gutanga ikaze;
2. Kuvuga igihe inama iza kumara no kuvuga urwego inama yatumiwemo;
3. Kurebera hamwe ko umubare w'abayitumiwemo bahageze uhagije kugira ngo ibe yatangira byemewe n'amategeko (***iyu bitatu bya kane by'abatumiwemo bahari nta cyayibuza gutangira***);
4. Kumva impamvu z'abataje niba bahari;

5. Gutangira inama nyirizina: *kuganira ku mirongo mikuru mikuru no kubyemeranyaho. Abitabiriyeye inama bashobora no kongerwaho izindi ngingo iyo bisabwe.*
6. Inama nyirizina irarimbanya ari nako ikorerwa inyandikomvugo, byarangira gusuzumwa hakigwa ku ngingo imwe ku yindi.
7. Uwatumije inama cyangwa umuhagarariye atanga inshamake y'ibyemezo byumvikanyweho mu nama.
8. Inama isozwa n'uwayitumije cyangwa umuhagarariye igihe uwayitumije yabimuhereye uburenganzira: ashimira abayitabiriyeye akanabasezerera ndetse akabanza kubaha amatangazo iyo ahari.

Impugukirwa:

- a. Kugira ngo inama ishyirwe mu bikorwa uyobora inama agomba kugira izi ndangagaciro igihe ayoboye inama:
 - Kwirinda kuba umunyagitugu;
 - Kutagira uruhande abogamira ;
 - Kumva ibitekerezo by'abatamirwa akabijora kandi akabigorora igihe ari ngombwa;
 - Agomba kuba ari umuhanga mu byo avuga adahuzagurika icyo atazi agasaba ukizi mu batamirwa kugisobanura.
- b. Imyanzuro y'inama ifatwa nk'aho ari ikemezo cya buri wese mu baje mu nama.
- c. Inama igomba kurangwa n'ikinyabupfura, ubworoherane n'umusanzu wa buri wese mbega inama ntabwo ari igihe cy'amatangazo.

6.5. INYANDIKO MVUGO

Inyandiko mvugo y'inama ya Komite Nyobozi y'Akarere ka Bwakira yo ku wa 12/Gashyantare 2016

(a) Abitabiriyeye inama

- 1) Bwana MUGISHA Arnauld (Umuyobozi w'Akarere)
- 2) Madamu KANKINDI Virginie (Umuyobozi wungirije ushinzwe imibereho y'abaturage)
- 3) Bwana BAZIRURA Sébastien (Umuyobozi w'Akarere wungirije ushinzwe ububukungu)
- 4) Madamu UWISANZE Diane (Umunyamabanga Nshingwabikorwa w'Akarere ka Bwakira)

(b) Ibvari ku murongo w'ibygwa

1. Gusuzuma raporo z'ubwitabire bw'umuganda.
2. Gukora igenagaciro ry' Umuganda mu kwezi kwa Mutarama.
3. Gusuzuma imikorere y'abayobozi b'imirenge.
4. Utuntu n'utundi.

(c) Uko inama yagenze

Inama yatangiye saa saba n'igice iyobowe n'umuyobozi w'Akarere ka Bwakira Bwana Mugisha Arnauld watangiye aha ikaze abitabiriyeye inama anaboneraho no kubereka umuyobozi mushya w'Akarere wungirije ushinzwe imibereho myiza y'abaturage Madamu KANKINDI Virginie.

Arangije abasomera ibyari ku murongo w'ibygwa. Uyoboye inama kandi yabajije abari mu nama niba hari ibyo bifuzwa gushyira ku murongo w'ibygwa maze hemezwa gahunda y'inama.

1. Ingingo ya mbere : Gusuzuma raporo z'ubwitabire bw'umuganda.

Ku bijyanye n'iyi ngingo abari mu nama bamaze gusoma no gusuzuma raporo bagejejweho na za komite ngenzuzi z'umuganda mu mirenge yose basanze umuganda witabirwa ku kigereranyo cya 95% bafata umwazuro ko n'abasigaye bangana na 5% abayobozi b'utugari n'imirenge bakora uko bashoboye bagakora ubukangurambaga bwo kubashishikariza kwitabira umuganda no kubumvisha uburyo umuganda ari igikorwa k'ingirakamaro mu iterambere.

2. Ingingo ya kabiri: Gukora igenagaciro ry'umuganda mu kwezi kwa Mutarama.

Abari mu nama, nyuma yo gusuzuma raporo z'igenagaciro k'umuganda mu mirenge inyuranye basanze mu kwezi kwa Mutarama umuganda waragize agaciro kangana na miriyoni 15 z'amafaranga y'u Rwanda bishimira icyo gikorwa. Cyakora bifujwe ko umurenge wa Kantarange mu kwezi kwa kabiri wazagerageza gukora ibikorwa bifite agaciro karenze ako mu kwezi kwa mbere kuko raporo zagaragazaga ko ari wo murenge wari inyuma y'iyindi kandi uri mu mirenge ifite abaturage benshi.

3. Ingingo ya gatatu: Gusuzuma imikorere y'abayobozi b'imirenge.

Uyoboye inama, kuri iyi ngingo yagaragariye abari mu nama uko abayobozi b'imirenge igize Akarere ka Bwakira bitabiriye gutanga raporo n'uko bahiguye imihigo yabo. Abari mu nama bamaze kubunguranaho ibitekerezo basanze hari abayobozi bagomba kugirwa inama n'abandi bagomba guhindurirwa imirenge bayoboraga. Ni muri urwo rwego umuyobozi w'Umurenge wa Mataba yimuriwe mu murenge wa Mugote uwayoboraga umurenge wa Mugote akagurana na we. Umuyobozi w'Umurenge wa Marangara hafashwe umwanzuro wo kumwandikira ibaruwa imusaba ibisobanuro birambuye ku mpamvu zo kudatangira raporo ku gihe.

4. Ingingo ya kane: utuntu n'utundi

Mu tuntu n'utundi, umuyobozi w'Akarere wungirije ushinzwe imibereho y'abaturage yagejeje ku bari mu nama ikibazo cy'abayobozi b'utugari bakoresheje nabi amafaranga y'ubudehe batagishije inama abaturage ngo bumvikane ku cyo bakoresha amafaranga y'ubudehe. Nyuma yo kungurana ibitekerezo kuri icyo kibazo abari mu nama bafashe umwanzuro wo gutumiza abo bayobozi bakagirwa inama bazakomeza kuyobora nabi bagahagarikwa ku buyobozi.

Inama yashojwe saa kenda n'igice uyoboye inama yongera gushimira abayitabiriye.



Umwanditsi w'inama
UWISANZE Diane



Umuyobozi w'inama
MUGISHA Arnould

INYANDIKO MVUGO NI IKI?

Inyandiko mvugo ni umwandiko uvuga ibyakozwe, ibyabaye cyangwa ugasubira mu byo uwandika yabonye cyangwa se yanagizemo uruhare mu nama.

Iyo urebye abo inyandiko mvugo igenewe, usanga hari uburyo bubiri ikorwamo:

- Inyandiko mvugo ishobora kuba igenewe umuntu wari uhari igihe ibikorwaho inyandiko mvugo byabaga, kugira ngo atibagirwa ibyabaye abone uko abyigaho neza cyangwa ashire mu bikorwa ibyumvikanweho.
 - Inyandikomvugo igenewe umuntu utari uhari kugira ngo amenye ibyavugiwe cyangwa ibyakorewe aho atari ari.
1. Ibice by'inyandiko mvugo y'inama n'uko bikorwa

Inyandiko mvugo y'inama igaragaza ibice bine by'ingezi:

- a. **Umutwe** Ugaragaramo iyo nama iyo ari yo n'igihe yabereye mu magambo make.
- b. **Abari mu nama:** urutonde rw'abitabiriye inama bose.

Iyo atari benshi cyane bagaragazwa mu ntagiriro y'inyandiko mvugo. Ariko iyo abitabiriye inama ari benshi cyane bashyirwa ku mugereka w'inyandikomvugo y'iyi nama. Muri iki gice kandi hashobora no gushyirwamo abatarayitabiriye bafite impamvu cyangwa batayifite.

- c. **Ibyari ku murongo w'ibygwa** irondorwa ry'ibyo inama yagombaga kwigaho byose nk'uko biba byavuzwe n'umuyobozi w'inama ndetse n'ibindi byifujwe n'abari mu namma ko byajya mu tuntu n'utundi; ibitari byateganiye n'umuyobozi w'inama.
- d. **Uko inama yagenze** uwandika yandika muri make icyo bumvikanye kuri buri ngingo.

Ntiyandika ibyo buri muntu yavuze, ahubwo yandika gusa umwanzuro wafashwe kuri buri ngingo yari ku murongo w'ibygwa kandi bikandikwa ku buryo bwumvikana neza adashyiramo ibitekerezo bye.

- ❖ **Ikitonderwa** Ibindi bigomba kugaragara mu nyandiko mvugo ni aho inama yabereye, urwego inama yateranyemo, impamvu y'inama, igihe yatangiye n'igihe yarangiye. Inyandikomvugo itajyamo ibitekerezo bwite by'uyikora.

Ni umwandiko uvuga ibyabaye utagize icyo uhindura.

Nsigaranye ko:

- i. Umuganda usobanura igiti cyo gushinga umuturanyi yazaniraga uwubaka, inkunga ihawe uwubaka cyangwa igikorwa runaka abantu baba bakoreye hamwe, bahuriza hamwe imbaraga kugira ngo bagere ku gikorwa bahuriyeho gifitiye Igihugu akamaro.
- ii. Uruburiko rufite imyaka cumi n'umunani y'amavuko kandi n'umuntu wese utarengeje imyaka mirongo itandatu n'itanu afite inshingano zo gukora umuganda, yifatanya n'abandi.
- iii. Nyuma y'umuganda hakorwa inama muri rusange ikiga ku bikorwa binyuranye, harimo kungurana ibitekerezo no gukemura impaka,...
- iv. Hari komite zifite inshingano zo gukora iteganyabikorwa ry'umuganda, gutegura no kuyobora igikorwa cy'umuganda no gukora isuzumabikorwa ry'umuganda no kubitangaho raporo

- v. Gahunda y'ubudehe itegurwa n'abaturage bajya hamwe, bagasesengura ibibazo bibugarije bitera ubukene bakagerageza kuvuguta umuti w'ibyo bibazo bakurikije uburemere bwabyo, bahereye mu byiciro babarizwamo.
- vi. Mu Rwanda abaturage bari mu byiciro bitatu : ikiciro cya mbere kigizwe n'abantu badafite ahantu babarizwa birwa babungera batagira icumbi, kurya bikabagora ndetse akenshi bakaburara kubera kubibura. Ikiciro cya kabiri ni icy'abantu bafite icumbi ariko bagafata ifunguro ari uko bavuye guca inshuro, rimwe na rimwe ntibarya, iyo bariye bashobora kubona ifunguro rituzuye rimwe ku munsu. Ikiciro cya gatatu ni icy'abakorera agashahara cyangwa bafite ahandi baronka udufaranga ariko bafite aho barambika umusaya. Icyo kane ni icy'abagwiye ubutunzi, amafaranga n'indi mitungo cyangwa abafite imyanya yo hejuru mu buyobozi.
- vii. Inyandikomvugo iri mu mwandiko uvuga ibyakozwe, ibyabaye cyangwa ugasubira mu byo uwandika yabonye cyangwa se yagizemo uruhare...
- viii. Inyandikomvugo y'inama igaragaza ibice bitatu by'ingenzi: abari mu nama, ibyari ku murongo w'ibyigwa n'uko inama yagenze muri make. Ibindi bigomba kugaragara mu nyandiko: aho inama yabereye, urwego inama yateranyemo, impamvu y'inama, igihe yatangiye n'igihe yarangiye...
- ix. Izina ry'iritirano ari izina ritari karemano muri urwo rurimi, ko ari izina ryavuye mu zindi ndimi cyangwa izina ryahawe ikintu ubusanzwe kitari gisanzwe muri urwo rurimi.
- x. Kugira ngo ijamba ritirwe ryemerwe, rigomba kuba rikenerwe n'abenerurimi kandi rishobora kuvugika bitagoranye, rigafata intego n'imiterere y'amazina y'urwo rurimi uryinjijemo. Riba rishobora kwinjirana inyito risanganywe cyangwa guhabwa indi itandukanye n'isanzwe.
- xi. Indimi nyafurika zatije ikinyarwanda amagambo kubera imihahirane n'imibanire yo guturana no gushyingirana. Indimi z'i Burayi zatije ikinyarwanda amagambo kubera ubukoloni, ubucuruzi n'amadini.

UMUTWE WA 7: ITERAMBERE

7.2. INKURU NGUFI: KANKERA MURI BANKI (PG 168)

Inkuru ni iki?

Inkuru ni igihangano cyanditse mu buryo bw'indondore, gifite abakinankuru babaho mu buzima busanzwe kandi bakorera ibikorwa byabo ahantu runaka, bikanatugaragariza imyifarire yabo, icyo bagamije n'ingorane bahura na zo mu buzima.

Ikivugwa rero akenshi mu nkuru aba atari ukuri. Inkuru ziri mu buvanganzo nyandiko. Mu Kinyarwanda habaho rero inkuru ngufi n'inkuru ndende. Aha turareba gusa inkuru ngufi.

Inshoza v'inkuru ngufi

Inkuru ngufi nk'uko iryo zina ribivuga ni inkuru iba ari ngufi, ibarwa n'umubarankuru avuga uko yagenze.

Inkuru ngufi iba ifite inkuru ibara, uruhererekane rw'ibikorwa, ikaba yanditse mu nyandiko isanzwe; atari mu mikarago nk'ibisigo, kandi yifitemo ubwiza n'ubuhanga bw'imikoreshereze y'ururimi.

Ibiranga inkuru ngufi

Inkuru ngufi irangwa n'imiterere yayo ndetse n'imyubakire yayo.

a. **Abakinankuru:**

- **Umukinankuru mukuru:** umukinankuru umwe ufatwa nk'ipfundo/urutirigongo ry'inkuru. Uyu ni we ikigamijwe cyangwa intego y'inkuru iba ishingiyeho. Ni na we kandi insanganyamatsiko rusange ivugwa mu nkuru iba ishingiyeho.
- **Abakinankuru bungirije.** abafasha umukinankuru mukuru kugera ku kigamijwe cyangwa bakamubera imbogamizi. Aba bakinankuru kandi ni na bo usanga insanganyamatsiko nto cyangwa zungirije zishingiyeho.
- **Abakinankuru ntagombwa,** aba bakinankuru iyo urebye usanga kuba mu nkuru kwabo cyangwa kutagaragaramo nta cyo byahindura ku kivugwa mu nkuru. Nta nsanganyamatsiko iba ibashingiyeho. Mu yandi magambo twabita indorezezi.
 - Mu nkuru ngufi havugwamo abakinankuru bake barimo umukinankuru mukuru umwe. aba bashobora kuba abantu cyangwa inyamaswa.

b. **Akabugankuru:** Inkuru ngufi irangwa no kuba hari ahantu ibera mu gihe runaka. Irangwa no kuba ifite aho ibarirwa; ni ukuvuga akabugankuru.

Ahantu inkuru ibera hashobora kuba hazwi neza cyangwa se hatazwi. Ni ukuvuga ko umuhanzi ashobora gukoresha akabugankuru k'ahantu habayeho cyangwa akabugankuru mpimbano.

c. **Uburebure:** inkuru ngufi irangwa no kuba ari ngufi koko. Ishobora kuba hagati y'impapuro icumi na mirongo itatu.

d. **Imvugo y'ibiganiro** : Inkuru ngufi irangwa na none n'imvugo y'ibiganiro aho usanga hakoreshe cyane ibinyazina ngenga bigaragaza uvuga n'ubwirwa.

Amagambo agaragaza igihe n'ahantu: hano, none, ejo, mu minsi ibiri iri imbere, mu mwaka utaha, ... amagambo agaragaza ibitekerezo by'uvuga n'uruhande abogamiyemo, n'ibindi.

e. **Ibarankuru(imbâro)**

Umubarankuru ashobora kubara inkuru na we ubwe akinamo. Ni muri urwo rwego usanga akoreshe ngenga ya kabiri cyangwa iya mbere.

Umubarankuru ashobora kubara inkuru ari hanze yayo. Akoreshe ngenga ya gatatu asa n'uvuga ibintu yareberaga iruhande mu gihe byabaga.

Umubarankuru ashobora kubara inkuru ye ubwe (*akoreshe ng. 1*). *Inkuru dangabuzima.*

Ashobora kandi kubara inkuru yiha gutekerereza umukinankuru. Mu kubara inkuru kwe usanga yiha kubara ibyo umukinankuru yatekerezeza igihe amubaraho inkuru.

Ikitonderwa:

- Ibarankuru ry'inkuru ngufi rigenda umujyho umwe. Umuhanzi ntavangavanga ingingo, ibikorwa byose bikurikirana mu nnyabihe.
- Umubarankuru atandukanye n'umwanditsi w'inkuru. Umwanditsi w'inkuru ni umuhanzi wanditse inkuru ibarwa mu gitabo ke. Muri uko kwandika inkuru ye akena uburyo ibarwa. Muri ubwo buryo ibarwamo haba hari umuntu ugenya uyibara, uwo akaba ari we

mubarankuru. Cyakora hari igihe umwanditsi ashobora kuba ari na we mubarankuru igihe abara inkuru y'ubuzima bwe.

Imyubakire y'inkuru ngufi

Inkuru ngufi irangwa no kuba hari ikivugwa, kuba ari ngufi no kuba hari uburyo ibikorwa bikurikirana kandi bigenda bitera amatsiko usoma ku buryo atarambirwa gusoma inkuru ibarwa.

Ishushanyabikorwa mu nkuru ngufi

1. *Nyiri ubwite*: Uyu ni we mukinankuru mukuru inkuru iba ishingiyeho, ni we uba ufite intego agamije kugeraho muri iyo nkuru. Aba ashobora kuyigeraho cyangwa ntayigereho.
2. *Ikigamijwe*: icyo umukinankuru mukuru aba agamije kugeraho mu nkuru. Ni intego aba yahawe n'umwanditsi w'inkuru.
3. *Ugenera*: igituma umukinankuru mukuru agira intego afite muri iyo nkuru. Ashobora kuba undi mukinankuru cyangwa ikindi kintu gishobora gutuma agira intego runaka.
4. *Ugenerwa*: uwo ari we wese mu nkuru wagira icyo yunguka mu gihe umukinankuru mukuru ageze ku cyo yari agamije.
5. *Abafasha*: abakinankuru cyangwa ikindi kintu gishobora gutuma umukinankuru mukuru agera ku cyo yari agamije, kabone n'iyo atakigeraho mu irangira ry'inkuru.
6. *Imbogamizi*: abakinankuru cyangwa ikindi kintu gishobora gutuma umukinankuru mukuru atagera ku cyo yari agamije, kimubuza amahirwe kabone n'iyo yagera ku cyo yari agamije mu irangira ry'inkuru, ariko kikaba cyamubangamiraga.

Dore uko ishushanyabikorwa ry'abakinankuru riteye ku gishushanyo



Umwitoto

1. Ukurikije ibiranga inkuru ngufi, inkuru twasomye ya "Izigamire Mitima" yujuje ibiranga inkuru ngufi. Sobanura igisubizo cyawe.
2. Hanga inkuru ngufi ifite nibura impapuro eshatu. Mu nkuru yawe ugerageze gushyiramo ibiranga inkuru ngufi byose kandi hagaragaremo insanganyamatsiko yo kuzigama n'ibyiza byabyo.

RAPORO.

Raporo ni iki?

Raporo ni umwandiko ukorwa n'umuntu wahawe ubutumwa ubu n'ubu, igamije intego runaka. Ijyamo ibitekerezo bwite bya nyiri ukuyikora; uko we yabibonaga, kandi ikarangira atanga ibitekerezo ku myanzuro ikwiye gufatwa.

Ni umwandiko uba ugenewe umuyobozi ugomba gufata ibyemezo ku bitekerezo byamugejewe.

Ibice bya raporo

Raporo, igira imbata nk'iy'umwandiko usanzwe. Ni ukuvuga intangiriro, igihimba n'umusozo.

Intangiriro: Andikamo icyo agiye gukorera raporo n'impamvu ayikora ndetse n'agaciro iyo raporo ifite.

Igihimba: Ukora raporo aragaza ku buryo burambuye uko abona ibyo akorera raporo; abivuga abitondekanya nk'ugambiriye kubisobanura mu buryo bw'inyurabwenge. Agomba kandi gutanga ibisobanuro biza gutuma uwo aha raporo adashidikanya ku myanzuro aza kumugezaho. Ibyo kandi ukora raporo abikora atabogamye.

Umusozo: Ukora raporo atangamo ibitekerezo by'uburyo ikibazo cy' ibyo yakoreye raporo abona cyakemuka.

Ibyo kwitabwaho mu gukora raporo:

Ukora raporo agomba kwita kuri ibi bikurikira:

- Gukoresha imvugo itunganye kandi yumvikana.
- Kugaragaza: itariki, isaha, igihe, abari bahari n'abo ari bo, ...
- Kugaragaza ibitekerezo by'ingenzi kugira ngo uyisoma abone vuba ibyo uwakoze raporo aha agaciro kanini.
- Gushyiraho amazina n'umukono by'uwakoze raporo.

Gutandukanya raporo n'inyandiko mvugo

Inyandiko mvugo	Raporo
Uyikora yandika muri make uko byagenze, imyanzuro yafashwe mu nama nta bitekerezo bye cyangwa umwanzuro we yongeyemo.	Uyikora yandika ku buryo burambuye mu bitekerezo bye uko abona ibyo akorera raporo n'uko byakemuka.

URUGERO RWA RAPORO

KAMANA Aloyizi
Umuyobozi w'Umurenge wa Rwezamenyo
Akarere ka Mirenge
Agasanduku k'iposita 50 Mirenge

Mirenge, ku wa 12 Ugushyingo 2001

Raporo ku mikoreshereze y'amafaranga y'ubudehe

Nk'uko byakozwe mu mirenge yose, Leta y'u Rwanda hari amafaranga yageneye buri murenge kugira ngo afashe abaturage kwiteza imbere mu bikorwa remezo. Kubera ko byagaragaye ko hari aho yakoreshejwe nabi, Nyakubahwa Muyobozi w'Akarere ka Mirenge, mpisemo kubaha iyi raporo kugira ngo mugire umwanzuro mwabitangaho kugira ngo iterambere ry'abaturage ridakomeza kudindira.

Muri buri kagari hatanzwe miriyoni makumyabiri zagombaga gukoreshwa mu bikorwa remezo binyuranye. Nyuma y'igenzura nakoze nasanze mu tugari two mu Murenge nyobora, abayobozi batwo barakoresheje inama abaturage bigira hamwe icyo ayo mafaranga azakora. Mu igenzura nakoze nasanze byaragenze neza usibye mu kagari kamwe. Mu Kagari ka Muguramo bari bahisemo kubaka amavomero abiri, bashaka rwiyezamirimo bamuha isoko arayubaka. Byatwaye amafaranga miriyoni cumi n'eshanu. Asigaye miriyoni eshanu, bumvikanye ko bayaguriramo inka za kijyambere abana b'imfubyi birera batatu n'abapfakazi barindwi ibyo babyemeranywaho batyo. Mu bugenzuzi nakoze nasanze amavomero ahari rwiyezamirimo yarayakoze uko byasabwaga aranishyurwa. Amatungo yagombaga kugurirwa abaturage yaraguzwe ariko yaguzwe mu buryo butari bwo. Umuyobozi w'akagari yagiye kuyagura ubwe ku giti ke nta soko ritanzwe. Amatungo yaguze ntabwo afite agaciro gakwiye. Inka ya kijyambere yagombaga kugurwa ni ifite agaciro k'ibihumbi magana atanu. Nyamara inka zaguzwe si iza kijyambere ni inka zisazwe ubona zifite agaciro k'ibihumbi magana abiri buri nka. Uburyo zaguzwe nabwo ntibwumvikana kuko ari nta soko ryatanzwe ngo ba rwiyezamirimo baripiganirwe. Ikigaragara ni uko amafaranga y'ubudehe yatanzwe mu Kagari ka Muguramo atakoreshejwe neza.

Nk'umuyobozi w'Umurenge wa Rwezamenyo Akagari ka Muguramo kabarizwamo, mbahaye iyi raporo kugira ngo muyigane ubushishozi, mugire umwanzuro mufatira Umuyobozi w'ako Kagari. Ashyikirizwe inkiko aryozwe amafaranga yakoreshejwe nabi kandi afatirwe ibindi bihano bijyanye no kutuzuzanya neza inshingano ze.

KAMANA Aloyizi
Umuyobozi w'Umurenge wa Rwezamenyo



Inshamake y'umutwe wose.

Nsigaranye ko:

- *Ngomba kujya nzigamira buri uko nshoboye kubona amafaranga kuko bizatuma nshobora kwihangira umurimo nkora umushinga wanteza imbere ndangije kwiga.*
- *Ngomba kuzatangira kuzigamira abana bange bakivuka.*
- *Inkuru ngufi irangwa no kuba ifite abakinankuru, akabugankuru, imvugo y'ibiganiro n'ibarankuru Kandi ko iba atari ndende cyane ndetse igiye umujyo umwe.*
- *Mu nkuru ngufi abakinankuru ari bo bayobora imigendekere y'ibikorwa byo mu nkuru kugeza ku mpera yayo.*
- *Inkuru ngufi irangwa kandi no kuba ishobora gukorerwa ishushanyabikorwa ry'abakinankuru rishingira ku bintu bitandatu: nyiri ubwite, ikigamijwe, ugenera, ugenerwa, abafasha n'imbogamizi.*
- *Raporo ari umwandiko ukorwa n'umuntu wahawe ubutumwa ubu n'ubu, igamije intego runaka.*

UMUTWE WA 8: ITUMANAHU N'IKORANABUHANGA

8.2. INYUNGURAMAGAMBO

Inshoza y'inyunguramagambo

Hari uburyo bwinshi bukoreshwa mu nyunguramagambo. Kugira ngo umuntu asobanure inshoza z'amagambo ashobora gukoresha inzira zinyuranye. Izo nzira umuntu yakwifashisha ni izi zikurikira: ***Impuzanyito, imvugwakimwe, imbusane, ingwizanyito n'impuzashusho.***

1. ***Impuzanyito*** amagambo afite intego zinyuranye ariko ahuje igisobanuro, mu yandi magambo ni amagambo atandikwa kimwe, adasomwa kimwe ariko ahuje igisobanuro. Impuzanyito hari abazita ***imvugakimwe.***

Ingero:

Kuusa=guharura

Umusaza=Umukambwe

Umufasha=Umugore

...

2. ***Imbusane:*** Amagambo aba ari imbusane igihe rimwe rivuguruza irindi mu gisobanuro cyaryo.

Ingero:

a) Si ngombwa ko uwatangiye ikivi ari we ugisoza.

b) Namubonye ndishima agiye ndababara.

c) Umugabo afite inshingano zo gukunda umugore we.

3. **Imvugwakimwe/Impuzamvugo** ni amagambo afite intego zimwe, avugwa kimwe ariko ibisobanuro byayo bitandukanye. Mu yandi magambo, ni amagambo yandikwa kimwe, agasomwa kimwe ariko afite ibisobanuro bitandukanye.

Ingero:

- a) Navuze ko bavuga umutsima kare. (***Kuvuga ijambo/Kuvuga umutsima***)
b) Yaciye amasaka/ Ihene yaciye ikiziriko. (***guca amasaka/guca ikiziriko***)

4. **Ingwizanyito** ni ijambo rimwe rigira ibisobanuro byinshi, gusa wasesengura neza ugasanga izo nyito zose ziba zifitanye isano.

Urugero: Ijambo ingobyi, mu Kinyarwanda rigira inyito nyinshi:

Ingobyi: Bahekamo umwana, bayita kandi impetso.

Ingobyi: Bahekamo abarwayi, bahekagamo umwami cyangwa umugeni.

Ingobyi: Uruhu rw'ivunja. ***Ingobyi:*** Isambu umuntu yigengaho.

Ingobyi: Ikirere cya nyuma kimeze nk'igikobokobo gifubika umwanana w'igitoki igihe cyana.

Ingobyi: Akantu kameze nk'agahu gafubika umwana uri mu nda yavuka kakamukurikira.

Ingobyi y'urugo: Umurima uri hafi y'urugo.

- ***Izi ngobyi zose icyo zihuriyeho ni ugukikiza/ugufureba/ugusigasira ikintu runaka.***

Mu ngwizanyito kandi ijambo rishobora kugira **inyito mbonera n' inyito shusho**.

Inyito mbonera ni inyito isanzwe y'ijambo yiyongeyeho indi nyito.

Imvugo shusho ni imvugo yitarura imvugo mbonera, ijambo rikagira igisobanuro gisa n'igihishe. Imvugo shusho ikunda kuboneka mu nshoberamahanga.

Ingero:

Inyito mbonera

Yariye ibiryo

Bashashe uburiri bwabo

Inyito shusho

Yariye karungu: yarakaye cyane

Bashashe inzobe: babwizanyije ukuri

...

5. **Impuzashusho**(aha ijambo Ishusho=imigaragarire mu nyandiko isanzwe):

Ni amagambo yandikwa kimwe ariko ntasomwe kimwe kandi ntasobanure kimwe. Atandukanywa n'ubutinde n'amasaku.

Ingero:

Yaguriye amahenahene y' ishâashi mu ishashi.

Ndashaka guhaga ipine ry'iyi modoka maze guhaaga ibijumba.

Yagiye mu mihigo y'inkera/ Imihûgo yose yagiyemo nta cyo yacyuye.

Yanyoye intâma imwe y'amazi/Intaama ye yayiragiye.

Amahôro y'Igihugu ava ku misoro n' amahooro byatanzwe neza.

AMOKO Y'INYANGINGO

Inyangingo ni iki?

Inyangingo ni interuro cyangwa igice k'interuro kibumbatiye ubutumwa bwumvikana neza.

Inyangingo zikoreshwa mu nteruro zinyuranye. Ni ukuvuga mu nteruro zibumbatiye ingingo imwe (interuro y'inyabumwe) cyangwa nyinshi (interuro y'urusobe).

Amoko y'inyangingo ni ane:

Inyangingo yigenga cyangwa yihagije,

Inyangingo ngaragira,

Inyangingo ngaragirwa,

Inyangingo ihagitse.

Amoko v'inyangingo

1. Inyangingo yigenga cyangwa yihagije

Ishobora kwigenga cyangwa ikagirana isano n'indi bifatanyije kurema interuro. Ishobora gukora yonyine cyangwa ikiyunga n'indi ariko zose nta n'imwe igenga indi.

Urugero:

– Bamwe mu rubyiruko bakoresha murandasi nabi.

– ...

2. Inyangingo ihagitse

Inyangingo ihagitse ni inyangingo iba iri hagati mu nteruro yongerera iyo nteruro igisobanuro ariko ikaba itabuzwa interuro kuba yuzuye uramutse uyikuyemo.

Ingero:

– Umuntu yicara abunza imitima, muri ino si dutuye, yibaza uko bizaba bimeze.

– Nyuma yo gukoresha ikoranabuhanga, ryazanywe n'abazungu, Igihugu cyacu cyateye imbere.

3. Inyangingo y'ingaragirwa:

Inyangingo y'ingaragirwa ihora iherekejwe n'indi (n'izindi) nyangingo iyisobanura.

Ingero: Nyarukira ku rubuga runaka rwa interineti igihe wabonye akanya.

4. Inyangingo y'ingaragira.

Inyangingo y'ingaragira iherekeza inyangingo y'ingaragirwa.

Ingero:

– Nyarukira ku rubuga runaka rwa interineti igihe wabonye akanya. (ingaragira y'igihe)

– Abanyarwanda bavuga ko ikoranabuhanga rifite akamaro. (ingaragirambonera)

Inyangingo y'ingaragira igabanyijemo amoko atandukanye bitewe n'umumaro ifite mu nteruro:

- Ingaragira nyensano (*isobanura*)
- Ingaragira mbonera
- Ingaragira y'uburyo
- Ingaragira y'igihe
- Ingaragira y'ingaruka
- Ingaragira y'impamvu
- Ingaragira y'inkurikizo
- Ingaragira ihuriranya
- Ingaragira izibukiranya

Ingaragira iziganya Inyangingo isobanura (nyensano)

Igaragaza isano ifitanye n'ingaragirwa, yifashishije inshinga iri mu buryo bw'insano mbonera.

Ingero:

Ikoranabuhanga dukoresha ryaturutse mu mahanga.

Amasomo twiga arashimishije

Ingaragira mbonera

Isubiza ikibazo iki? Inde? Ni ingaragira ishobora guterurwa n'ibyungo nka, ko, ngo, yuko.

Ingero:

Ndabona ko akoresha murandasi.

Yavuze ngo azaza ejo.

Ingaragira y'uburyo

Isubiza ikibazo –te? (Ate? Ute? Gute) Ishobora guterurwa n'ikinyazina mbanziriza cyangwa mbanziriza ikoranye n'igereranya. Uko, nkuko, nkaho,...

Ingero:

Yagiye uko yaje.

Atsinda nk'uko yiga.

Ingaragira y'igihe

Ivuga buri gihe ingingo ibumbiye mu ngaragira igerwaho. Isubiza ikibazo ryari? Cyangwa gihe ki?

Ingero:

Ntakoresha terefoni igihe ari ku meza.

Iyo yishimye araseka.

Ingaragira y'ingaruka

Ivuga icyo ingingo y'ingaragirwa ibyara cyangwa iganishaho.

Ingero:

Iki gihembwe yize nabi bimuviramo gutsindwa.

Nutazinduka urakererwa.

Ingaragira y'impamvu

Ivuga igitera ingingo y'ingaragirwa kubaho. Isubiza ikibazo: Kuki? Ikunda gukorana n'ibyungo ko cyangwa koko.

Ingero:

Asinzira mu ishuri kubera aryama atinze.

Ingaragira y'inkurikizo

Ivuga ingingo bakurikiza ku y'ingaragirwa.

Ingero:

Arateka akavoma akamesa imyenda.

Uhunge maze utere n'intabire.

Ingaragira ihuriranya

Ivuga ingingo ihurirana n'iy'ingaragirwa. Igikorwa cyo mu ngaragirwa kibera rimwe n'icyo mu ngaragira.

Ingero:

Abakobwa babyina baririmba.

Yiga yumva radiyo.

Ingaragira izibukiranya

Ivuga ingingo ishyamirana cyangwa ibusana n'iy'ingaragirwa. Iyo witegereje usanga ingingo y'inyangingo imwe igerwaho ari uko indi ibaye. Zishyamirana ariko zuzuzanya.

Ingero:

Bakunda abana bakanga ba nyina.

Uyu mwana arira ahaze.

Ingaragira iziganya

Ikoresha imvugo yo gukekeranya. Iteganya ko ibyo umuntu avuga bishoka cyangwa bidashoboka.

Ingero:

Yize neza yatsinda.

Abonye amafaranga yagura isambu.

IMPAPURO ZAGENEWE KUZUZWA

Mu nzego z'ubuyobozi bwite bwa Leta hari impapuro zabugenewe zo kuzuzwa zituma nyirazo ahabwa serivisi runaka. Zimwe muri izo mpapuro ni izi zikurikira:

- Ikemezo cy'amavuko
- Ikemezo kiranga umuntu
- Ikemezo gisimbura irangamuntu
- Icyangombwa cyo gushyingirwa
- Icyangombwa cy'ubupfakare

Ingero z'ibyemezo byuzuzwa

REPUBULIKA Y'U RWANDA

Nimero 070044



INTARA

AKARERE

UMURENGE WA

Ikemezo cy'amavuko

Ngewe

Umunyamabanga Nshingwabikorwa w'Umurenge wa..... nemeje ko uyu

Kanaka/ Nyirakanaka

Mwenena..... Umurenge wa..... yavukiye.....

ku wa 20.....

Gitangiwe ku wa 20.....

NakiriyeFRW

Umunyamabanga Nshingwabikorwa (Amazina)

.....

Umukono

Uwakiriye amafaranga mu Murenge (Amazina)

.....

Umukono

Kashe

Siba ibitari ngombwa

REPUBULIKA Y'U RWANDA



INTARA

AKARERE

UMURENGE WA

Ikemezo kiranga umuntu

Ngewe.....

Umunyamabanga Nshingwabikorwa wa.....

nemeje ko indangamuntu y'uwitwa

Izina:.....

Amazina y'idini:.....

Izina rya se:.....

Izina rya nyina:.....

Aho yavukiye:.....

Akarere k'amavuko.....

Ubwenehugu.....

Umwuga:.....

Intara avukamo.....

Intara atuyemo.....

Nakiriye..... FRW Gitangiwe..... ku wa...../20....

Uwakiriye amafaranga mu Murenge (Amazina)

Umukono

Umunyamabanga Nshingwabikorwa (Amazina)..... Kashe

Umukono

REPUBULIKA Y'U RWANDA



INTARA

AKARERE

UMURENGE WA

IBIRO BY'IRANGAMIMERERE

Ikemezo cyo kuba warashyingiwe

Twe, Umwanditsi w'irangamimerere, dutangaje kandi twemeje ko

Wavukiye:..... ku wa...../...../.....Umuhungu

wa :.....

na:..... ku ruhande rumwe

na:.....

Wavukiye:..... ku wa...../...../.....Umukobwa

wa :.....

na:..... ku ruhande rumwe

na:.....


Bashyingiwe uyu muni imbere yacu. Ugushyingirwa kwanditswe mu gitabo

k'inyandiko zo gushyingirwa ku numero..... Igitabo.....

Bikorewe.....

Ku wa...../...../.....

REPUBLIKA Y'U RWANDA



INTARA
 AKARERE
 UMURENGE
 E-mail:

IKEMEZO GISIMBURA IKARITA NDANGAMUNTU BYAGATEGANYO

AMAZINA
 ITARIKI YAVUKIYEHO
 INTARA
 AKARERE KA
 UMURENGE WA
 AKAGARI KA
 UMUDUGUDU WA
 SE
 NYINA
 UWO BASHAKANYE (Iyo atari ingaragu)
 NOMERO Y'IKARITA (Iyo yatakaye)
 GITANGIWE I NGOMA, Ku wa
 USHINZWE IRANGAMIMERERE: Amazina

Ikitonderwa:
 1. Iki kemezo gifite agaciro nk'ak'ikarita ndangamuntu;
 2. Agaciro kacyo karangira nyuma y'iminsi 60;
 3. Iki kemezo ntigisimbura ibindi bisanzwe bitangwa.

Amazina
 Umunyamabanga Nshingwabikorwa
 w'Umurenge wa

Urupapuro rwo kubitsa cyangwa kubikuzwa (Sheki)

Sheki ni urupapuro rwuzuzwa muri banki kugira ngo uwo ihawe abikuzwe amafaranga kuri konti y'uyimuhaye. Biragoye kubona sheki yo mu Kinyarwanda gusa kubera ko banki ziganwa n'Abanyarwanda ndetse n'abanyamahanga. Iby'ingenzi byuzuzwa kuri sheki ni ibi bikurikira:

- Umazina y'uhawe sheki.
- Umubare w'amafaranga abikuzwa.
- Uhawe sheki.
- Itariki sheki itangiweho.
- Umukono wa nyiri konti.

Urugero:



Ikitonderwa:

Usibye izo mpapuro zivuzwe haruguru, hari izindi nyinshi zabugenewe zuzuzwa izo ni zo z'ingenzi zikunzwe kuzuzwa.

REPUBLIKA Y'U RWANDA



INTARA

AKARERE KA

UMURENGE WA

E-mail: ngoma.umurenge@yahoo.fr

IKEMEZO GISIMBURA IKARITA NDANGAMUNTU BY'AGATEGANYO

AMAZINA.....

ITARIKI YAVUKIYEHU.....

INTARA.....

AKARERE KA.....

UMURENGE WA.....

AKAGARI KA.....

UMUDUGUDU WA.....

SE.....

NYINA.....

UWO BASHAKANYE (Iyo atari ingaragu).....

NOMERO Y'IKARITA (Iyo yatakaye).....

GITANGIWE I NGOMA, Ku wa.....

USHINZWE IRANGAMIMERERE: Amazina

Ikitonderwa:

1. Ili kemezo gifite agaciro nk'ak'ikarita ndangamuntu;
2. Agaciro kacyo karangira nyuma y'iminsi 60;
3. Ili kemezo ntigisimbura ibindi bisanzwe bitangwa.

Amazina

Umunyamabanga Nshingwabikorwa
w'Umurengi wa

AMAGAMBO YABUGENEWE

Amagambo yabugenewe ajyanye n'urusaku n' imvugo

Ingero:

Inkuba zirahinda

Ibikeri biragonga

Imfizi zirivuga

Inkokokazi zirateteza

Imodoka zirahinda

...

Imigezi irasuma

Imisambi irahiga

Intare iratontoma

Ingwe zirahora

Injangwe zirahirita

Imbeba zirajwigira

Inuma ziraguguza

Ihene zirahebeba

Imvura irahinda

Abantu baravuga

Imbwa ziramoka

Intama ziratomanga

Isake zirabika

Indege zirahinda

Impongo zirakorora

Amagambo yabugenewe ku matsinda y'ibintu/abantu

Ingero:

Inka bavuga ishyo	Intama bavuga umukumbi	Ihene bavuga umukumbi
Inyoni bavuga uruhuri	Imbwa bavuga umugana	Amabuye bavuga ikirundo
Amazu bavuga urusisiro.	Imvi nyinshi bavuga uruyenzi.	Imibu bavuga uruhunduguru
Abantu bavuga imbaga.	...	

Amagambo yabugenewe ainyanye n'intaho

Inzoka zitaha mu myobo.	Inyaga zitaha mu myobo cyangwa mu miheno.
Imbeba zitaha mu myobo.	Inyoni zitaha mu byari
Uducurama dutaha mu ndiri	Impyisi zitaha mu masenga
Inyana zitaha mu ruhongore.	Inkoko zitaha mu kibuti.
Umwami aba mu goro.	Abantu baba mu nzu.
Amatungo ataha mu biraro (inka, intama, ingurube, ihene,...)	

Amagambo yabugenewe ainyanye n'urubyaro

Ingero:

Ku bantu bavuga abana.	Ku nka bavuga inyana.	Ku mbwa bavuga ibibwana.
Ku ngurube bavuga ibibwana.		

UMUTWE WA 9: IBIYOBWENGE

9.2. INSHOBERAMAHANGA

Ni imvugo igizwe n'inshinga n'icyuzuzo cyayo, ikunze kuba itumvikana neza kubantu batari abenerurimi.

Kugirango umuntu abashe kumva neza igisobanuro nyacyo cy'inshoberamahanga ni ngombwa kuba afite ubumenyi buhagije ku mateka n'umuco by'abenerurimi kandi yarakonetse urwo rurimi.

Ni cyo gituma umunyamahanga abasha kumva izo mvugo ari uko abanje gusobanurirwa inkomoko yazo. Inshoberamahanga ni imvugo umuntu yumva ntahite asobanukirwa.

Inshoberamahanga n'imigani migufi

Nk'uko twabibonye mu mwaka wa kane, umugani mugufi cyangwa umugenurano ni interuro ngufi ivuga ibintu ku buryo bujijije. Ni imvugo ngufi ariko isobanura byinshi. Uyibwiwe ayumva ahereye ku cyo uwuciye arenguriyeho, yaba adasanzwe awuzi cyangwa atumvise icyo kintu akawuyoberwa. Kubera ko igisobanuro cy'umugani mugufi n'igisobanuro k'inshoberamahanga bidahita byumvikana, abantu benshi bakunze kubyitiranya ariko biratandukanye.

Ese inshoberamahanga zitandukanaye he n'imigani migufi?

Inshoberamahanga	Umugani mugufi
<p>Inshoberamahanga ni imvugo igizwe n'inshinga n'andi magambo ku buryo iyo uyitondaguye iba interuro y'inyabumwe.</p> <p>Amagambo agize inshoberamahanga ntatandukana. Iyo atandukanye ata igisobanuro k'iyi nshoberamahanga.</p> <p>Ingero</p> <ul style="list-style-type: none"> • Kwinyara mu isunzu. (Yinyaye mu isunzu.) • Kwiyuha akuya. (Yiyushye akuya.) <p>Inshoberamahanga ni imvugo ijimije yumvwa n'abenerururimi.</p> <p>Inshoberamahanga ni imvugo, si ingeri y'ubuvanganzo nyarwanda.</p>	<p>Umugani mugufi akenshi uba ari interuro igizwe n'inyangango ebyiri, imwe ari ngaragirwa indi ari ngaragira.</p> <p>Ingero:</p> <p>Ubwenge buza ubujiji buhise.</p> <p>Ubwenge buza: inyangango ngaragirwa.</p> <p>Ubuji buhise: inyangango ngaragira y'igihe.</p> <p>Ingeso idacika icika yishe nyirayo.</p> <p>Ingeso idacika icika: Inyangango ngaragirwa.</p> <p>Yishe nyirayo: inyangango ngaragirwa y'igihe.</p> <p>Umugani mugufi ni ingeri y'ubuvanganzo yahimbwe n'abakurambere.</p>

Dore zimwe mu nshoberamahanga z'Ikinyarwanda:

- Guca mu rihumye
- Guca iryera
- Gukoma yombi
- Kwandika umunani
- Gutererayo utwatsi
- Gushyira agati mu ryinyo
- Kwiraza i nyanza
- Guca imitwe
- Imana ikinga ukuboko
- Kugenda nka nyomberi
- Gukizwa n'amaguru
- Kubangira amaguru ingata
- Gutura ahaga
- Guta muri yombi
- Kugwa mu kantu
- Gukubita inkoni izamba
- Kugerakaho urusyo
- Kubura epfo na ruguru
- Gutaha amara masa
- Kuba mu mazi abira
- Gusera imbere
- Kuvomesha mu rutete
- Gucurangira abaheshyi
- Guca igihugu umugongo
- Guca umugara
- Gukura ubwatsi
- Gushakaho akamunani
- Kuvunagurira ibiti mu matwi
- Kwikinga inkori mu maso
- Kwigira nyoni nyinshi
- Guca inkeramucyamo
- Gukora iyo bwabaga
- Kotsa umuntu igitutu
- Kwiruka amasigamana
- Kurambika inda ku muyaga
- Kuririra mu myotsi
- Gutwara intambike
- Kuraruca ukarumira
- Kukabamba
- Kogeraho uburimiro
- Gukenyeza rushorera
- Kwimyiza imoso
- Kwirya ukimara
- Gushya ingohe
- Gutega zivamo
- Guhembera uwazimye
- Guca igikuba
- Gucika intege
- Kuba ibyatsi
- Guta inyuma ya huye
- Kutareba umuntu n'irihumye
- Kwigira uw'ejo
- Guca imihini migufi
- Kutagira uwo acira akari urutega
- Gukubita impyisi inkoni
- Gucika nk'indekezi
- Kuzingira akarizo ku mugongo
- Kibuno mpa amaguru
- Kuba hagati nk'ururimi
- Kwiraba ivu
- Kugira akaboko karekare
- Guhaguruka n'imizi n'imiganda
- Kubura shinge na rugero
- Gusigara iheruheru
- Kubyina ku mubyimba
- Kwisiga ukisanga
- Gucana intoki
- Kugosorera mu rucaca
- Kwinyara mu isunzu

IYIGANTERURO:

GUSESENGURA INTERURO YOROSHYE HAKORESHEJWE UBURYO BW'IGITI

Interuro yoroheje bita iy'inyabumwe ni interuro ifite inshinga imwe itondaguye yumvikanisha ubutumwa bumwe, budasobekeranye.

Inshoza y'isesengura nteruro

Mu gusesengura interuro hari inzira nyinshi zishobora gukoreshwa ariko iz'ingenzi ni izi zikurikira:

1. Imisesengurire isanzwe

Ni imisesengurire igaragaza ibice bitatu bigize interuro: Ruhamwa, inshinga n'icyuzuzo.

Urugero: Abanyeshuri bakunda kwiga. Ruhamwa: abanyeshuri Inshinga: bakunda icyuzuzo: kwiga

2. Imisesengurire ya ruhamwa n'invugaruhamwa

Iyi misesengurire ica mu nteruro ibice bibiri by'ingenzi ari byo:

Itsinda rya ruhamwa cyangwa itsinda ry'izina

Rigizwe na ruhamwa n'imfutuzi zayo zose. Iryo tsinda ry'interuro ryerekana ukora igikorwa cyangwa uwo igikorwa gikorerwaho. Ni Ruhamwa y'inshinga. Hashobora rero kubaho ruhamwa igizwe n'amagambo arenze rimwe, icyo gihe ni bwo bavuga ko ari itsinda rya ruhamwa.

Ruhamya cyangwa itsinda ry'inshinga

Ni cyo bamwe bita invugaruhamwa, kikaba ari igice k'interuro kigizwe n'inshinga n'ibyuzuzo byayo. Ruhamya itangirira ku nshinga mu nteruro kuko ari bwo baba batangiye guhamya ruhamwa uko ateye, icyo akora. Kubera ko icyo gihe kigengwa n'inshinga kitwa itsinda ry'inshinga mu gihe itari yonyine.

Urugero:

Rwa rubyiruko rwaretse gufata ibiyobyabwenge.

Itsinda rya ruhamwa (TS.RH) : Rwa rubyiruko

Itsinda ry'inshinga (TS.SH) : rwaretse gufata ibiyobyabwenge.

3. Uburyo bw'igiti

Interuro iba yubatse nk'uko igiti kimeze. Interuro igira ibice bibiri by'ingenzi (Ruhamwa Rh) na ruhamya yitwa kandi itsinda ry'inshinga (Ts-Sh).

Muri ibyo bice bibiri kimwe gishobora kugabwamo amashami kigasesengurwamo utundi duce.

Ni ukuvuga ko:

- ✓ Iyo ruhamwa igizwe n'amagambo arenze rimwe yitwa itsinda rya ruhamwa (Ts.Rh).
- ✓ Ruhamya na yo igira amashami abiri; inshinga (Sh) n'icyuzuzo (Uz),
- ✓ Iyo icyuzuzo kigizwe n'amagambo arenze rimwe gikora itsinda ry'icyuzuzo (TsUz).

Nyuma yo kugaragaza amatsinda ari muri ruhamwa cyangwa ari muri ruhamya, hakurikiraho ishami rigaragaza amako y'amagambo agize muri tsinda.

Ubwo buryo busesengura interuro bukoreshwe amoko y'amagambo mu buryo buhinnye. Dore ihinamagambo rishobora gukoreshwa:

Impine Ibisobanuro

Rh	Ruhamwa
Zn	Izina
TsSh	Itsinda ry'inshinga
TsUz	Itsinda ry'icyuzuzo
T	Interuro
SHK	Inshinga nkuru

Impine Ibisobanuro


Fuz	Imfutuzi y'icyuzuzo
Uz	Icyuzuzo
TsRh	Itsinda rya Ruhamwa
Ikiny	Ikinyanshinga
Grk	Umugereka
SHF	Inshinga mfasha

Impine Ibisobanuro


Sh	Inshinga
Kzn	Ikinyazina
Nter	Ntera
FRh	Imfutuzi ya Ruhamwa
F	Imfutuzi
Imp	Impuza

Ingero z'isesengura ry'interuro zoroshye hakoreshejwe igiti

1. Abagabo banini bakunda imikino



2. Umwana yariye ibiryo



Amakoma ava ahakomeye!

UMUGEREKA

UTURANGO TWIKESHAMVUGO MU BUSIZI NYARWANDA BWUBU

(*Salvator UZABAKIRIHO*)

Mu mashami yose yubuvanganzo nyarwanda ubusizi bushobora kuba ari bwobwaryamiye ayandi mu gukoresha ikeshamvugo. Dore bimwe mu bimenyetsoshingirobyinganzo nyarwanda:

1. INJYANA

Injyana ni nkumutima wubusizi. *F-M. Rodegem* avuga ko nta busizi nyabwobutagira injyana. Ako gaciro kikirenga ari ko injyana ihabwa, usanga Abanyarwandabasa nabagakabiriza kurusha abandi bigatuma injyana ihinduka umusumba mubusizibwabo mbese nkuko ihuzantondeke rimeze mu busizi bwAbafaransa.

Ingero:

Injyana y'utubeshuro 12

Ndagukumbuye juru ryi Buhoro =12

Reka nguhunde ibihozo urwunge =12

Urwo rwungikane rwo mu bihumbi =12

Nirujya kwitsa igihumurizo =12

Nze guta impumu nkomeze mpimbe =12

[...] Rugamba S., 1981, Cyuzuzo p.112.

Koko Rugamba yagabiwe na benshi maze izo agabiwe ntizapfa umukeno zimuha umukiro aratangamara. Injyana dukeshya Ndangamira, yamuvuburiye imvugo urwunge itatse ubwiza.

Urugero:

Dore intango santango =10

Utasanga yikorewe =10

Numugenzi umwe rukumbi =10

[...] Rugamba S., 1979, Amibukiro, p.53

Rugamba kandi nta cyo apfa na Nkibiki, anakoresha cyane injyana ya Nkiyutubeshuro 9. Nkibiki ni we wamworoje iya cyenda yanga ko icyendera. Yarahamagaye maze iyo njyana imwumva bwangu ayicuranga kurusha inanga ngo akunde atake uwamwizihye yise Umwari wa Mudatinywa amuhunda ibizinzongonabona yizihye abone gusezera ku musango.

Urugero :

Singusize ndanyarutse =9

Nzaba nza kugusura =9

Ngusigiye abadasumbwa =9

Abo dusangiye isano =9

[...] Rugamba S., 1979, Umusogongerero, p.1912

Birumvikana ko atari Rugamba na Kagame gusa bakurikije izo njyana (Bi, Nki na Ndi), mu bandi bimakaje injyana yakarasisi (utubangutso 12) twavugamo

Gasimba Fransisiko Saveri cyane cyane mu bitabo bye bitatu: *Isiha rusahuzi, Icyivugo cyimfizi , n'Indegeyubumwe*, aho usanga muri ibyo bitabo , ikigamijwe ari uguterana ubuse

mumurongo umwe n'Indyoheshabirayi ya **A. Kagame** na yo igendera uwo mugendo. Abazikoresheje bandi nkuko Dogiteri Nkejabahizi J.C. abivuga, basa nibyabagwiriye, bo si ngombwa kubarondora ngo duce imitaga.

Usibye izo njyana eshatu tuvuze haruguru, hari izindi njyana dukeshya Rudakenesha, we akaba ari uwo mu busizi bushya, yavutse ku ngoma ya cyami aranayisingiza, avuga iby'inka, ariko ibisigo bye byinshi usanga byerekeza ahandi. Mucyo yise **Amagorwa y'abagabo** avugamo ingorane yagize, iminsi ikamuribata, abategetsu bamukiniraho, rubanda imuha urwamenyo. Naho mu *Musanganya, Mutima uturwa amasengesho, Urukundo rwa Yezu*, ho yivugira iyobokamana kuburyo wumva ko inganzo ye ifite irindi bara.

M. Rudakenesha ni we wahingukanye bwa mbere injyana y'utubeshuro umunani n'iya turindwi. Cyakora izo njyana na zo Rugamba yaba yaraje kuzitora ziramukundira arazikoresha akaba ari na yo mpamvu twavuze ko yagabiwe na benshi. Injyana y'umunani ni yo yitirirwa gusa, Ru, kuko ari yo yatahuwe mbere. Mboniyimana G., wayisesenguye, atubwira ko muri muzika ihwanye n'igipimo cya 2/4 ubwoko bw'ifatizo bwayo akaba ari ubwo bita *rythme dactylique*. Iyo njyana Rudakenesha yayikoresheje ku buryo nyabwo mu gisigo **Amagorwa y'abagabo** ari naho twakuye iyi mikarago:

Ndakomeza ndataha =8

Aho nsanze agacucu =8

Nkahicara umwanya =8

Abagenzi duhuye =8

Iyo njyana yaje kogera cyane igihe C. Rugamba na we ayishimye akabigaragazamu gisigo kitagira uko gisa, ubu cyogeye mu mashuri, cyitwa **Ibyiruka ryaMahero**.

Injyana ya kabiri y'utubeshuro turindwi twayivumbuye mu gisigo M.Rudakenesha yise **Intwari yuzuye** izira inenge.

Ateke aruhuke = 7

Tumuhe ibihembo=7

Ntuye icyo mbasha =7

Niba urukundo=7

Rwagira ikindi =7

Cyagera hirya =7

Nakibatanga =73

[] Rudakenesha, 1984, Amagorwa yabagabo, Abambaribinganzo ngari, p.190

N.B.: Iyo bapima injyana mu mikarago babara utubeshuro cyangwa utubangutsotuyigize. Mu kubara utubeshuro, ahari umugemo utinda habarwa utubeshuro tubiri naho ahari umugemo ubangutse hakabarwa kamwe U. Inyajwi ihera umukaragoudasozwa nakabago, akabazo cyangwa agatangaro iburizwamo, ni yo mpamvuinyajwiitangira umukarago, ukurikiye umukarago udaherwa nutwo twatuzo itabarwa. Ikindikandi mu kubara utubeshuro iyo inyajwi ebyiri zikurikiranye, iya mbere iburiramohakabarwa iya kabiri liaison.

2. ISUBIRAJWI

Ubundi isubirajwi ni isubiramo rya hafi ryimvugwarimwe ifite indi iyibanziriza zisa cyangwa zijya gusa cyangwa ijwi na ryo rifite irindi riribanziriza bisa cyangwa bijyagusa, ku buryo bibyara ikintu cyurujyano mu kuryohera amatwi cyangwa bikagira icyobyibutsa mu wubyumva.

Abasizi babanyarwanda ntibatangwa mu kubikoresha yaba uwatonesheje inganzo ya rubanda cyangwa uwabaye ikirangirire ibwami (umusizi, umwisi, umuhimbyi) ari nuwubu ugifuragurika cyangwa se akaba azobereye, boseyababereye ishyiga ryinyuma. Mu bimenyetso by'ingenzi bigaragaza isubirajwi harimo inyajwi, ingombajwi, inyajwi zituzuye, uburambe nimihanikire by'ijwi.

Mu Kinyarwanda ariko kubera ko usanga kenshi nk'inyajwi zituzuye n'izuzuye zidakunda kuvugika zonyine, keretse wenda mu ntangiriro yamagambo, dusanga ibyiza ari uko umuntu yavugaga ko isubirajwi rikunda kuba rigizwe n'ingombajwi: ingombajwi ikurikiwe n'inyajwi cyangwa se ingombajwi n'inyajwi ituzuye.

Muri uko gukoresha isubirajwi, usanga abahanga bazi kurishakira umwanya uboneye riziraho. Iyo isubiramo ryijwi rimwe rigenda ribera mu mwanya umwe wimikarago bibyara injyana twakwita ko ari iy'isubirajwi. Amahuzantondeke ashingiye kuri ubwo buhanga. Dore imyanya y'ingenzi isubirajwi rishobora kubonekamo:

a) MU NTANGIRIRO YIMIKARAGO CYANGWA YAMAGAMBO AZAKIMWE.

Ingero: Ijisho ly'urulimi lijya hanze

Ijuru likwiramo icyezezi

Ijuli likimukira urukara

[...] Kagame, 1953, Umulirimbyi wa Nyili-ibiremwa.

Ziza mu ishakaka

Zamaze kwikunda

Zikora mu birere

Zirega igituza

Zitaka amasimbi

[] Rugamba, 1979, Umusogongero, p.204.

b) ISUBIRAJWI RY'UMUSHUMI:

Ni invugwarimwe isubirwamo mu ijambo risoza umukarago no muntangiriro y'umukarago ukurikira. Mu Kinyarwanda umusizi wagerageje kurikoreshani **F-X. Munyarugerero** mu gisigo yise **Inzigo yubuzima** ari na ho twakuye iyi nkuro.

Umwijima ukaba umwaku

Umwaga ukaba agahinda

Kuvuga bigasagamba

Kuramba bikaba indoto

Indoro ikaba iyinduro

Ibirura bigasizora.

c) ISUBIRAJWI RYO MU BICE BIHERA:

Ubwo buryo dukunze kubusanga mu bisigo bya Rugamba wabukomoye ku bîisi kuko bugaragara cyane mu mazina yinka.

Urugero:

Nsanze iminsi inshoye icyago

Kuko insibiranye ntazi icyanzu

Kandi inshinja ntagira icyaha

[...] Rugamba S., 1979, Amibukiro, p.182.2)

Yaje akenyeye urwera

Kandi ubwe ari urwego

Nogeye urwerrerane

[...]Rugamba S., 1979, Amibukiro, p.22.d)

ISUBIRAJWI RISHINGIYE KU MWANYA, UBURAMBE N'IMIHANIKIRE:

Muri urwo rwego, uretse guhuza umwanya, iryo subirajwi riziraho usanganamagambo ubwayo agenda ahuza uburambe nimihanikire byijwi.

Urugero:

Muratabarire ingobyi yacu

Mutayihindura ingro hirya

Tukayitambira ingo nyinshi

Aho kuyirinda inguma zishyanga

[...] Rugamba, 1979, Umusogongerero, p.22e)

ISUBIRAJWI RITAGENERWA BURI GIHE UMWANYA RUNAKA:

Ni isubirajwi riba rinyanyagijwe mu mabango. Icyo gihe ijwi rigenda rigarukarigomba kuba riri mu magambo yegeranye kugira ngo ryumvikane.

Urugero:

Wihamira mu cyezi

Uti icyo cyarimwe cyanjye

Ni icyemezo cyuko

Nsumbya ninkuba zesa

Kwahuranya igihumbi

[] Rugamba, 1981, Cyuzuzo, p.131-132

- Si byiza gucucikiranya isubirajwi ngo usange nta ruhumekero nkuko bikunda kugaragara ku bantu barishakisha ku ngufu. Ubundi isubirajwi riba rigomba guhurira mumikarago ifite ingingo imwe, kandi rifite icyo risobanura. Iyo isubirajwi rinyanyagiye rihinduka umwaku kuko ubusanzwe umunyu ni akaryoshya ariko iyo ubaye mwinshi mu biryo uhinduka igisoryo. Abazi gukoresha isubirajwi birinda ko rinarambirana kandibakaba bamenya kuryikiranya kandi rikakuranwa igihe ikivugwa (ingingo)gihindutse.

Urugero:

Yameze urwera ahunda urwano

Aminura hasi mu rwamaniro

Amatoni hose amubaho urwoga

Umunsi impinga yera impenda

*Imuvunye ihobe ryo mu mpundu
Impini yaturitse itagira impembyi
Kuko yabyirutse ari mporankeye
Nta nimpiza mu gihagararo.
[] Rugamba S., 1979, Amibukiro, p.15-16.I.*

3. ISUBIRAJAMBO

Abenshi bakunda kwitiranya isubirajwi nisubirajambo. Nyamara *isubirajambo ni isubirajwi rigaruka mu ijambo bihuriye ku gicumbi kimwe niryaribanjirije cyangwa se ijambo rikagaruka uko ryakabaye.*

Urugero:

... Ruhamanya akomeretse ndamwimana mwima
Abahirika n'Abinika bari baje ari umuziro...

4. IMIZIMIZO

Icyo twita imizimizo ni uburyo umusizi akoresha mu kuboneza imvugo ye atitaye ku byerekeranye no kuboneza amajwi cyangwa iyubakanteruro; ahubwo agashishikazwa no guha inyito isanzwe indi ntera, urundi rwego bituma ihindukainyitoyindi. Hari uburyo bwinshi bukoreshwa turareba ubwingenzi.

4.1. IGERERANYA

Ni ukugereranya ibintu bifite icyo bihuriyeho ku buryo kimwe cyagufasha gusobanura ikindi ukoresheje uko bisangiye imisusire, imigenzereze, umumaro n'ibindi.

Aho igereranya ritaniye nindi mizimizo ni uko rigira uturango: *nka, boshye, kimwena,...*

Bashobora kugereranya ikintu kimwe n'ikindi, cyangwa kimwe n'ibindi byinshi.

Urugero:

*Kandi inzu itagira umukobwa
Ni nk'igiti kitera indabo
Ni nk'iriba ritagira amazi
Ni nk'urwuri nta matungo
Ni nk'ijoro nta kwezi
Ni nk'umusozo utamera ibyatsi
Ni nk'inyanja itagira imyeya
Ni nk'umunsi utagira amabeho
[...]*Bahinyuza I.,1975, Umubyeyi wimbabazi.**

*Turasa nk'ifi zibuze inyanja
Turasa nk'imvura yamahindu
Turasa nk'inyana zidakenga
[...]*Rugamba,1979, Umusogongerero, p.89**

4. 2. IHWANISHA

Ihwanisha risa no kugereranya ku rwego rwa kabiri, aho urenga ibyo kureba icyo ikigereranywa n'ikigereranyo bihuje, ugasa nubinganyisha.

Kimwe kikaba cyafata umwanya w'ikindi cyangwa cyagihagararira (A=B).

Ni muri urwo rwego Rugamba avuga ngo :

Marebe atembaho amaribori

Ni igicumbi gicura ituze

Ni igicaniro cy'urukundo

Ihwanisha rikoresha mugutaka kuburyo usanga ikintu kirabagirana ibyiza bikomoka ku kindi.

4. 3. IYITIRIRA

Rishingiye ku gufata ikintu ukacyitirira ikindi bitewe n'uko ubona bifitanye isano. Icyo gihe ijamba rifata umwanya w'irindi rikagira inyito nshya kandi n'iyi ryaririsanganywe ritayitakaje.

Gusa icyo gihe umuntu ashobora kubytiranya nihwanisha, ariko n'ubwo byenda gusa, bitandukanywa nuko ***ihwanisha ryita ku bintu mboneshwabwenge*** naho ***iyitirira rikita ku isano iri hagati yibintu mboneshwamaso***.

Iyitirira riri ukwinshi:

- a. Hari nko gufata agace kamwe k'ikintu ukakitirira icyo kintu cyose, gufata ikintu cyabaye ukacyitirira impamvu yacyo n'ibindi. Ingero :

Mu gisigo (umuvugo) J.B. Musabimana yise ***Mugeni w'ejo*** agenda afata igice cy'umubiri akakimusimbuza we wese:

Musunzu ngabiwe ari amasimbi

Muhogo uhogoza abana bananiwe

Musaya wahaze gusahira

Menyo yuje inono ninani

Rugu rigaba irungu uzira

[...] J.-B., *Musabimana, 1983, Mugeni wejo, Ibanga, s.n.e., p.37.*

Gufata igikoresho ukakitirira ibikirimo;

Urg:

Umuntu arihanukira akabwira undi ati vayo njye kuguha icupa. Si icupa aba agiye kumuha ahubwo aba agiye kumuha ibirimo.

4. 4. ISHUSHANYA

Iyo urebye usanga ishushanya ari ryo rigize umutima wo gusîga kuko ari ryo rikoresha cyane. Ni uburyo bwo gusobanura cyangwa kwerekana ikintu wifashishije imvugo isa nica amarenga ukurikije uko icyo usobanura gitwe cyangwa se uko ukiyumvisha.

Urugero mu gisigo ***Musizi ntugira isura, M. Kamurase*** hari aho avuga ko u Rwanda rugomba kuba urwabarukorera:

Barutuburira umusaruro

Bakarutera akabariro

Ku nkike y'iminsi

Iyi mikarago irashushanya: kubona u Rwanda ruterwa imbariro boshye urugo, ikigega cyangwa se gutekereza ko inkike yagira iminsi.

Urundi rugero ni nkuru dusanga mu gisigo(umuvugo) ***Umubyeyi w'imbabazi cya Bahinyuza***, hari aho umwana na nyina bavuga iby'umuco nyarwanda noneho uwo mwana akagira ati:

Nawonse ntahwema

Nywuvuzanya ubuhuha

Nywutamirana ubwuzu

Nasekeraga umwanzi

Nywufashe mu gipfunsi

Nawunyoye mu mazi

Aho umuco bawuhinduye nk'ikintu gifatika, kinyobwa. Ishushanya rero rishobora gukoreshwa umuntu agira ngo ikintu mboneshwabwenge kirusheho gusobanukira abantu ku buryo bworoshye.

Urundi rugero twatanga ni aho Rugamba yashatse kwerekana ukuntu amerewe mu mutima, agahinda numubabaro atewe n'urupfu rw'uwo yakunze maze agakoresha amashusho y'ibintu ubundi byarangwagaho umutuzo:

Uruzi rwabaye igisaga

Ubu rwisenyuye mu mubande

Rusiba ibyambu ruziba ibyanzu

Inkuba zivuga ibicu byose

Imirabyo inyuranamo mu birere.

4. 5. IMIBANGIKANYO

Kubangikanya mu mvugo yubusizi ni ugukurikiranya imikarago nibura ibiricyangwa se amagambo afitanye isano mu kivugwa cyangwa mu isekazamutima. Imibangikanyo iri ukwinshi:

a) UMUBANGIKANYO WUMUSUBIZO:

Ushingiye ku gukurikiranyaimikarago ku buryo ikivugwa kiri mu mukarago ubanza gisubirwamo mumukarago ukurikira.

Urugero:

Ukaba isano rizira isumo

Ukaba isimbi rizira umwanda

Byari byangutuye umugongo

Nari nagongowe byo guhwera

Hari nubwo bitagombera imikarago ikurikiranye, bikaba byabera mu mukaragoumwe; icyo gihe umubangikanyo uba hagati yibice bigize uwo mukarago.Urugero: Inyenga begukanye yumuriroUtagira iherezo, uhoraho iteka

b)UMUBANGIKANYO WINSHYAMIRANE:

Muri uyu mubangikanyo, ahokugira ngo ibitekerezo byuzuzanye biravuguruzanya, bityo bikaba nko gukoreshaibimenyetso byo guteranya no gukuramo icyarimwe.

Urugero:

Mu gisigo cya *Gapira cyitwa Amataha*, aho agira ati:

Amahirwe amagorwa

Amagorwa amahirwe

Amashoka amakuka

Umuseso akabwibwi

Urundi rugero twarutanga mu gisigo cya Kimenyi aho agira ati:

Nkunda abagabo bazigaba

Nanga abakobwa badakobwa

Nkunda abagore bateze ignore

Nanga umugore wagomye

[...]

Nkunda irembo riguha ibihembo

Nanga imyambi irasa inyambo

Nkunda inyange ninyamanza

Nanga umuheto ugukenya ubuheta.

c) UMUBANGIKANYO WUZUZA:

Ni igihe mu mikarago ikurikiranahabamo iza ifutura cyangwa isobanura imikarago ibanza, umusizi akavuga ikintumumukarago wa mbere noneho mu mukarago ukurikira akagisobanura cyangwa seakavugaimpamvu yakivuze.

Urugero:

Ibisigo byose bigira isano

Ndebye ibyazanywe namahanga

Nkubise ijisho ku binyarwanda

Nsanga byenda kuba mahwane

Kuko amahuriro ari mu bwenge

Kandi rero isoko ibududubiza

Nta mahanga ibuza kudubika

(Rugamba, 1979, Umusogongero)

Aha umusizi arabanza agatanga ingingo mu mukarago wa mbere ndetse akerekana ko mu mikarago ukurikira agiye kuyisobanura. Naho mu mikarago 3 yanyuma agasobanura impamvu yabivuze.

b) IMIBANGIKANYO ISHINGIYE KU MITERERE.

b) 1. UMUBANGIKANYO MU MYUBAKIRE.

Nta kindi gisobanuro kitari ukuba hari imikarago yubatswe ku buryo ibice bigendabihura haba mu giciro cyangwa mu iyubakanteruro, ku buryo ikiri hamwekigaraganahandi kandi ku buryo bumwe:

Nkwitabe nte ntatebye

Ngusabe nte ntabeshye

Ndeshye nte ntigeze

Aha buri mukarago ugizwe nibice bitatu byubatse ku buryo bumwe: inshinga mubumwe (ng .1), akajambo karanga ibaza, ninshinga itondaguye mu bumwe kandihakana.

Si nsize ndasibye

Si nsibuye ndasubirije

Si nsibye ndazindutse

Nti aho ntiwenda guta agahinda

Ko naguhaye ntaguhinirira

Nti aho ntiwenda gusinzira

Ko nagusize nkamara insimbo

Nti aho ntiwenda gushira icyusa

Ko naguhaye ngasiba icyena

d). 2. UMUBANGIKANYO WAMASAKU

Ni isano iri hagati yamagambo ari mu mikarago yegeranye aho usanga amagamboahuje imivugirwe:

Wanyuhiye ayimpundu

Unteza ayimpinga

Yanteraga impumu

Nsanze iminsi inshoje icyago

Kandi inshinja ntagira icyago

Nyirumucyaho yirya icyara

[Rugamba, 1979, Umusogongerero, p.182]

Hari ubundi bwoko bwawo usanga aho kugira ngo amagambo ahuze imivugirweahubwo yandikwa kimwe ariko akavuga ku buryo butandukanye:

-Sinsambire imisaambi

-Niyo imisambi ihiga

-Iguhagamo umwenda

-Ikakwambura umwenda

-Utereka intaango

-Unyangirira intango

d). 3. UMUBANGIKANYO WINJYANA

Imikarago ihuza igipimo nuburyo utubangutso (utubeshuro) tugendadukurikirana.

Urugero:

Nzigama ibyanzu juru ryicyeza = uuu-uuuu-u

Burya natashye ntashize icyaka = uuu-uuuu-u

Kuko nagiye ngifite icyunzwe = uuu-uuuu-u

Amatage agataha = u-uu-u

Amaneza agateka = u-uu-u

Ubutindi bukera = u-uu-u

4. 6. IKOSORA

Ni uburyo bwo guhindura ushaka kuboneza imvugo maze ijambo wari umazekuvuga ukarisimbuza irindi. icyo gihe umusizi akoresha utugambo: nako, ni, si...

Urugero:

1. *Tuzahera iya Maheresho*
Tujye duhereza iya Rukundo
Maze turenge tugana i Nyanza
Ndanavugishwa ni Nyabisindu
[...] Rugamba, 1979, Amibukiro, p.76.

2. *Ati icyo kigugunnyi cyadutse*
Nitugihiga bikaduhira
Tukagicuza imari yacu
Muyatugeneye yose yose
Tukayashora mu makamyo
Mumbabarire mu makomini
[...] Gasimba, 1987, Isiha rusahuze, p.14.

3. *Njye nsanga Leta yubute*
Mumbabarire Leta yubuke
Nako na none Leta yubumwe
[...] Gasimba, 1999, Indege yubumwe, p. 25.

4. 7. ITIZABUMUNTU (BUNTU)

Ni umuzimizo werekeye ahanini imigirire ifitanye isano cyane nishushanya. Bikaba ahanini bireba ibintu cyangwa ukuntu umusizi aha ishusho, imigenzere, imyumvire nkiyumuntu: Urugero ni nkaho Rugamba agira ati:

Umugezi usuma usiga abagenzi
Nibiti byinshi byaramutsaga
Umuyaga wahuha uhunga ijoro

4. 8. ININURA (IRONIE) IGERURA (LITOTE)

Ininura rishingiye ku guhinduriza igitekerezo maze ukaba ubifite mu mutwewawe ntube ariko ubivuga. Hari nkindirimbo Rugamba yise Umukozi udapfuye, ubundi umuntu yumva ko ari umukozi wintangarugero muri byose. Ariko iyo usesenguye usanga ari urugero rwiza rwumukozi mubi wikirumbo nyamara umusizi akaba yaramwise udapfuye byo kumuninura cyangwa kumuvugiraho ko yapfuye kera.

Ikindi umuntu muto ukamwita nzovu, uwirabura uti ni kazungu.

Igerura ni uburyo bwo kugabanya agaciro kikintu ariko ugira ngo karusheho kugaragara. Bakubaza ngo uvuge uko ubona ubwiza bwuriya mwari, aho kuvugango nimwiza cyangwa ni mubi, ukivugira uti ntashamaje.uyu mwana si mubi. Genda sinkwanga.

N.B.: Igerura bamwe baryita impirike.

4. 9. IMIGORONZORANGANZO

1. 4. 9. 1. ISUBIRAMIGEMO (ANAPHORE)

Ni ukugenda ugarura ijambo mu ntangiriro yinteruro cyangwa yumukarago. Ubwo buryo bwitaweho cyane nabasizi bo ha mbere cyane cyane mu byivugo aho usanga nkijambo **Ndi** cyangwa **Nishe** rigenda rigaruka mu ntangiriro zinteruro. No mu mazina yinka birakoreshwa cyane, ku buryo hari aho usanga isubiramigemo rihuranisubirajambo.

Urugero:

Muntu utuye isi wayisanze

Muntu usimbutse izubwiko

Muntu usenga iyaduhaye

Muntu usumbya ababisha ineza

Muntu shusho ryababyawe

Muntu shema ryuwaguhetse

Muntu ubuntu iwacu ku isi

[] *M. Kamusare, 1982, Dusabe ubuntu, in Abasizi cumi ba Nyakibanda, p.105.*

4. 9. 2. ISANGIZAMUSOZO (CATAPHORE)

Ni nkisubiramigemo ricuritse kuko aho kugira ngo ijambo cyangwa umugemobigende bigaruka mu ntangiriro yumukarago bigaruka mu mpera yawo.

Urugero:

Ni nde uca ruswa hano mu Rwanda

Akanga inzangano hano i Rwanda

Akanga imitima yabanyarwanda

Ni nde wanze ubunembwe i Rwanda

Akoranya imbaraga zabanyarwanda

[] *Karengera, 1983, Impundu kwa Rusango, p.301.*

4. 9. 3. IHUZAMITWE

Tuvuga ihuzamitwe iyo intangiriro yumukarago ihuye numusozo wawo. Mugisigo *Uwabwira umukunzi cya J.-B. Musabyimana* hari aho avuga ati: ndebe indeshyo ndebe. Dushobora kuvuga kandi ko byerekana ko igikorwa kibera ahantu hose iburyo nibumoso nubwo rimwe na rimwe ijambo risubiwemo rishobora guhindura igisobanuro: Amariba atakiri amariba.

4. 9. 4. NSOZANTERURA

Ni ugusubiramo ijambo risoza umukarago rigatangira umukarago ukurikiyeho:

Urugero:

1) *Nterura isheja namajwi numva*

Numva ahanikira imitima ihanamye

2) *Iyo numvise ibigwi byabandi*

Abandi bana bavuga ba se.

3) *Uri ingoro y’Imana*

Imana yagize imanzi

4. 9. 5. IGARURACYUNGO

Uvuga ibintu usa nubirondora bihujwe nicyungo. Kiri amoko menshi nubwo naari yo ikunda kugaruka henshi:

Namata akuze
Nikivuguto gifutse
Numutsama uhoze
Numutsima unoze
Namahundo ahonze

...

Amapeti namapantaro
Imidari nimidende
Imideri nimidiho
Imiduri nimidugararo
Ubugari nubugabo

...

4. 9. 6. IHUZAMIKARAGO (RUMES)

Ni uburyo umusizi agenda asozesha umukarago amajwi asa. Harimo amokomenshi bitewe nuko ayo majwi agenda agaruka mu mikarago akurikiranye cyangwa itegeranye.

a) Ihuza ryumushumi

Bavuga ko ihuza ari umushumi iyo imvugwarimwe isoza umukarago igaruka muntangiriro yumukarago ukurikiyeho.

Urugero:

Babihereye imuzingo
Ngo bazimbe ababazonga

...

Bakamutwara boshye umunyoni
Ubunyoni bukavuga bakimukubita

...

IHUZA RYINYABUBIRI

Iyo ijwi rimwe rigenda risoza imikarago ibiri ni byo byitwa inyabubiri, bigashobora kuba ari amajwi agenda asimburana uko imikarago ibiri icyehocyangwa seimikarago ikagenda igira ijwi ryayo riyihuza.

Urugero:

Bambutse uruzi
Buzuyemo ikizizi
Bahuye nimbwebwe
Yaganaga igishibwe
Irahagarara irareba
Nta bwenge nta bwoba
Izo ntwari zigenda
Zikoreye imidanda

[] Gashugi, A., 1984, Bihehe, mu mvaho, 517, p.

IHUZA RIRAMBUYE

Ni igihe ijwi rimwe risoza imikarago irenze ibiri, bikaba byakwitwainyabutatu cyangwa inyabune bitewe nuko imikarago ihuje ingana:

*Umbwire neza ube umuhanuzi
Iyo uroye neza nkibyo uruzi
Iyo uroye imigezi nizo nzuzi
Ari byo bibaya nibyo bisozi
...*

*Ihute umbwirire nyogosenge
Ko wahuye na nyirasenge
Umukobwa ugira ubugenge*

4) AMAHUZA YIMPOBERANE

Igihe imikarago ibiri isozwa nijwi rimwe igoswe nindi ibiri na yo ifite ijwirimwe ritandukanye niryamba mbere.

*Urugero: Umpuze nuwampogoje
Umpumurize nuwampaye
Umpere uwampobeye
Umporeze uwampemuje*

*Uramutse umwami uruta abamwanga
Nabiginanwa kumwigimba Bisihingira kumusumba
Akabaha urwaho rwo kumusanga*

b) AMAHUZA NJYABIHE

Ni igihe amajwi agenda ajya ibihe mu gusoza imikarago yigihirwe isozwa nijwirimwe niyimbangikane igasozwa nirindi.

*Urugero: Ya mage yimyaka
Asimbuwe nimyato
Dore inyama yinkuka
Yarenze mu nkoto
[...]**Rugamba, 1979, Amibukiro, p.54.***

N.B. : Ayo mahuza yose tumaze kubona ntaboneka mu mpera zimikarago gusa, ahubwo ashobora no kuboneka mu mpera zibice bibanza.

*Urugero: Nkagutereka ku byahi
Nkagutanga ntatuza
Nkagutaka amaraba
Nkaguharaga amasimbi*

AMAHUZA MBUMBABANGO

Ubwo bwoko bwamahuza burihariye kubera ko butagaragara mu mikaragoyegeranye ahubwo buboneka mu mikarago iri ku mpembe zibango. Buboneka cyane kwa Rugamba wenyine:

Isuka irarisha bayiririmba
Reka bene kanyamuhungu
Bamuhiriye ari inshuke
Bahibikana aho zikunze
Baramukamira zica igikumba

4. 9. 7. ITEBEZA (ELLISPE)

Ni uburyo usanga nkijambo ryashoboraga kuba ngombwa kugira ngoimikarago cyangwa se interuro muri rusange zigire imyubakire yuzuye rivanwamo, arikoku buryo bitagira icyo bigabanya cyangwa bibangamiraho ubwumvikanebwigitekerezo:

Urugero: *Umugore yubahe umugabo*
Umukozi umukoresha
Umusore ubusugi bwinkumi
Umuntu umwanya wa muntu.

Dukurikije interuro y'Ikinyarwanda iba isanzwe igizwe nibice bibiri: itsindarya ruhamwa nitsinda ryinshinga riba ririmo, inshinga nicyuzuzo, wasanga muri iriyamikarago itatu ya nyuma ituzuye kuko ibuzemo inshinga

4. 9. 8. IRONDORA

Rishingiye ku kuvuga ibintu usa nubibarura kimwe ku kindi nta cyungokigaragara kibifatanya. Iyo ukoresha iyo mvugo usanga uko ikintu kigendagikurikiranankindi ijwi na ryo ari ko rigenda rizamuka. Irondora rinerekana ubwinshibwibivugwa.

Urugero: Inka, inshuragane, insengo
Byisukira icyarimwe
[,,] Rugamba, 1979, Chansons rwandaïses, p. 35.

Ihimba ibyanira, agaca, inkona
Inkanga zirakwira amabanga
[...] Kagame, 1953, Umulilimbyi wa Nyili-Ibiremwa, p.33.

4. 9. 9. IBAZA NIHAMAGARA

Mu buryo bwa mbere umuntu avuga abaza ariko atarambirije guhabwaigisubizo. Nta nicyo aba ashaka. Ahubwo aba agira ngo uwo abwira arushokwemeraibyo amubwira, ntamusubize ahubwo yikirize mu mutima.

Urugero: *Rurema bintu itakurinda*
Ngo yuhure umutaga ukubise
Wajya hehe wapfa uruhe?
Rurema ashatse kurizibiranya
Igihe cyo kurasa rigaca ahandi
Ubwawe warasa ukaba umunsi

Wabuze izuba rikubonesha?
(Kagame,1953, Umulilimbyi wa Nyili-Ibiremwa, p.33).

Na none, umusizi ashobora kubwira ibintu bihari nibidahari, ibiriho nibitariho, ibifite ubuzima nibitabufite. Usanga rero asa nurota cyangwa uwataye umutwe. Ninaho wenda bamwe bahera bagereranya umusizi numusazi.

Urugero: Yemwe bisimba bisimba
Yemwe byatsi bitsitsi
Yemwe biti birenga
Yemwe nzira zisobetse
Nimwitabe Imana yanjye
Yemwe nyenyeri zuje ijuru
[...] (Kagame,1953, Umulilimbyi wa Nyili-Ibiremwa p.33)

4. 9. 10. IYUNGURUZA

Ni uburyo bwo gukurikiranya ibintu ku buryo uko bigenda bishoreranye ari na kobigenda birushaho kuzamuka mu ntera. Iyungurura riri ukwinshi: rishobora kubarishingiye ku mubare uagenda wiyongera cyangwa igito kigenda kibanziriza igisumbyehomu bunini, mu bushobozi, mu bukana nibindi.

Urugero: Ni intwari ntahigwa
Nabatanu nicumi
Nabasaga ku ijana
[...] (Kagame, Abambali binganzo ngali, p.229.)

Mu minsi idateka
Mu mezi adataha
Mu myaka idasaza
[...] (Gapira, 1979, Umwirongi, p.28).

Ukundi iyunguruza rigaragara, ni ukuntu igitekerezo kigenda cyuzuriza ku kindikugeza ubwo biza guherukwa nicyingenzi uvuga yari agambiriye kugeraho akabayashoboraga no kubivuga rugikubita ariko agahitamo kubanza guca i Kibungo no kugisasira, ntahubuke. Ibyo tubisanga muri Iso ni nde .

4. 9. 11. IYATURA

Ni uburyo bwo gukoresha ibice bibiri byinteruro ku buryo igice cya kabirigisobanura icya mbere. Icyo cya kabiri ni cyo cyingenzi. Kucyatura rero bitumakirushaho kwigaragaza; ni nko kugishyira ahirengeye ngo buri wese akibone :

Nimumuhimbaze ubuhanga, ni umuhuza wijuru nisi
Nimumuhimbaze ubuhanga, ni we dukeshya amahame tuzi
[] (Kagame, 1953, Umulilimbyi wa Nyili-Ibiremwa)

4. 9. 12. IYAMBUKANYA (ENJAMBEMENT)

Interuro aho kugira ngo irangirane numukarago, irangirira ku mukarago ukurikiyeho.

Urugero : Igitotsi cya mbere cyasanze
Umuseke utambamuye mu cyoko
Ndanga yuko nyirandabizi
Yashibotozaho agatanyu.

4. 9. 13. IKOMORA

Ni uburyo abasizi b'Abanyarwanda bakoresha barema amagambo bahereye kuyandi, bakongeraho cyangwa bagakuraho uturemajambo ku buryo inyito ihindikacyanecyangwa buhoro.

Urugero : Hirya iyo birahinda
Utuze guhindira
Ndeke kuguma kwangana
Kwanga no kwangana

Ikomora ni nkisubirajambo kuko amagambo agaruka aba ahuriye kugicumbi.

4. 9. 14. UMUBIRINDURO

Ni uguhindura gahunda isanzwe yuko amagambo akurikirana mu nteruro, nkiryari iburyo rikaza ibumoso.

Urugero : Si amahirwe aduhunze muhimuzi
Mu kuduhuriza mu ruhongore umu.
Ndavuga Imana nyirubumanzi
Iyi yatubyaye ikaduha ivuko iri.

4. 9. 15. UMUSARABIKO (CHIASME)

Bavuga ko hari umusarabiko iyo mu mikarago isubirajambo ritondetse ku buryomu mukarago wa mbere, biba ari A B naho mu wa kabiri bikaba B A, bityo bigashushanya ikintu kimeze nkumusaraba ari na ho haturutse izina ryumusarabiko:

Urugero : Kera isaha yari isake
Kera isake yari isaha
Isake isaha, isaha isake
[...] *Gapira, 1979, Umwirongi, p.19.*

4. 9. 16. IBIGANIRO

Tumenyereye akenshi ko umuhanzi avuga ibyo yabonye, yabwiwe cyangwaatekereza, akabibwira abandi. Buri gihe aba asa nubwira ikiragi. Nyamara rimwenarimwe ashobora gukoresha uburyo bwibiganiro aho avuga agira umusubiza mugisigo. Mu busizi bushya, Rugamba ni we wabikoresheje cyane.

Urugero:
Umugabo: Uzambwira iki ninza
Nanamije mu myato
Ndi mu bigwi byurugereko
Nkuye mu rugerero.

*Umugore: Uzaseruka ngusange
Nkurimbana ibyanzu
Nkwereke rya simbi
Wansigiye ku byahi
Ningusekera usume
Undangirire mu byano
[...] Rugamba, 1981, Cyuzuzo, p.132.*

Ubu buryo buboneka kandi cyane cyane mu byivugo aho usanga umubishaaterana amagambo nuwo bahanganye.

Urugero:

Runega rwa Muhenga naminaritse ibitege minurira ibihugu imugongo, nkatura umugaragu ingabo; mpura numubisha, duhuje imitwe muhura uruti mutera uruti avumerera uruti ati: Mutagera! Nti ndi munyabigembe Ati ni ukoubigize? Nti kizi ubimenye! Batiuramwibarutse? Ntinimumwibarize.

4. 9. 17. IHUZAMVUGO (METATHESE)

Ni uburyo bwo kwegeranya amagambo asangiye ibice bimwe, cyane cyane kubyerekeye imivugire. Ndetse rimwe na rimwe umusizi akabikora atitaye no ku nyito, ahubwo agakurikirana inshurango yamagambo.

*Urugero: Imiduga yiruka mu midugudu
Ntirakazana imidugararo
[...] Rugamba, 1981, Cyuzuzo, p.632)
Nagusige iminwe yimpundu
Iminwa iguhunda imivugo hose
[...] Rugamba, 1979, Amibukiro, p.93.
Ndakurota wuzuye amata
Amatara abonesha hose*

4. 9. 18. IYUNGIKANYA

Ni uburyo bwo gukoresha amagambo yinyunge. Bene ubwo buryo bukunzegukoreshwa mu byivugo no mu bisigo bisingiza.

*Urugero: Si iyanana ry'ibintu ngusabira
I Busangira-migisha bwa Busage
Ni ubusigi buzera i Busambira-misako
(Muzungu, 1982, Mugabwa-mbere)*

*Ku rutamba-mutuzo
Uri umucyura-buhoro
Uri ihogoza ryicyeza
Uri icyemera-nkiko
Uri cyunga-miryango
Nkwise izina rikeye
Cyemezo gikeye
[] Rugamba, 1981, Cyuzuzo. p.126*

4. 9. 19. IKABYA (HYPERBOLE)

Ni ukuvuga ibintu bidashoboka bidashobora no kubaho cyangwa gukurikizaibiriho, ibyo ukabivuga ubizi kandi ubishaka kugira ngo wumvikanishe ko ibyovugabiha intera ibisanzwe. Ikabya rituma ubwirwa yumva vuba akita ku byo bamubwira, kuko biba bitangaje, birenze ukwemera. Rikunze kugaragara cyane mu byivugo, mumvugo shusho zo mu nkuru ndende nahandi.

Ingero: mu ndyoheshabirayi:

*Bamwe ngo ni inzovu twabwiye
Abandi ngo have mwitubeshya
Inzovu zisanzwe uko tuzibwirwa
Nubwo bwose tutazibonye
Nkenye zaguranwa iriya
(Kagame,Indyoheshabirayi)*



Amakoma ava ahakomeye!